

**SEVENTH LEGISLATIVE ASSEMBLY OF MIZORAM
(FOURTH SESSION)**

LIST OF BUSINESS

FOR THIRD SITTING ON THURSDAY, THE 13th NOVEMBER, 2014
(Time 10:30 A.M. to 1:00 P.M. and 2:00 P.M. to 4:00 P.M.)

QUESTIONS

1. **Questions** entered in separate list to be asked and oral answers given.

LAYING OF PAPERS

2. **Pu LALSAWTA**, Minister to lay on the Table of the House a copy each of the following :
 - i) The Mizoram (Anand Marriages Registration) Rules, 2012.
 - ii) Statement on six monthly review of the Finance Minister on the fiscal position of the Government of Mizoram for the Second half of 2012-2013 (October, 2012 to March, 2013).
 - iii) Statement on six monthly review of the Finance Minister on the fiscal position of the Government of Mizoram for the First half of 2013-2014 (April, 2013 to September, 2013).
3. **Pu LALRINMAWIA RALTE**, Minister to lay on the Table of the House The Mizoram Co-operative Societies Rules, 2012 and (Amendment) Rules, 2014.

OFFICIAL RESOLUTION

4. **Pu LALSAWTA**, Minister to move an Official Resolution in the following form :

“That this House ratifies the amendments to the Constitution of India falling within the purview of clause (b) of the proviso to clause (2) of article 368, proposed to be made by the Constitution (One Hundred Twenty-First Amendment) Bill, 2014, as passed by both the Houses of Parliament”.

LEGISLATIVE BUSINESS

5. **Pu LALSAWTA**, Minister to beg leave of the House to introduce “The Mizoram Lokayukta Bill, 2014”.

ALSO

to introduce the Bill

to move that the Bill be taken into consideration

AND

to move that the Bill be passed.

6. **Pu P.C. LALTHANLIANA**, Minister to beg leave of the House to introduce “The Mizoram Animal (Control & Taxation) Bill, 2014.

ALSO

to introduce the Bill

to move that the Bill be taken into consideration

AND

to move that the Bill be passed.

NGURTHANZUALA
Secretary

....

SPEAKER : “ Lalpa in Pathian zawn chhuah ram a ni a; Lalpa in Pathian mit chu kum thar atanga a tawp thlengin a fu reng thin” (Deuteronomy 11:12)

Tunah zawhna kan la ang a, member zahawm tak Pu Nihar Kanti Chakma zawhna zawt turin sawm ila.

Pu NIHAR KANTI CHAKMA : Pu Speaker, ka zawhna Starred Question No.21-na, Hon’ble Education Minister chhan atan –

- a) SSA hnuaiah hian UPS atan zirtirtu engzat nge awm thin?
- b) Ka bial chung (35 West Tuipui) Hmundo/Bandiasora UPS (SSA) hnuaiah zirtirtu engzat nge awm? An hming min hrilh thei em?

SPEAKER : Minister zahawm tak Pu Rohluna chhang turin sawm ila.

Pu H. ROHLUNA, MINISTER : Pu Speaker, member zahawm tak West Tuipui bialtu zawhna chhanna chu –

- a) SSA hnuaia UPS zirtirtu awm thin chu 1643 a ni. Helai a zawhna hi a confusing deuh hlek a, school pakhat zirtirtu awm thei zat a zawhna te pawh a ni maithei a, chuangchuan school pakhat ah UPS ah hian zirtirtu pathum an awm thei a ni.
- b) 35 West Tuipui Hmundo/Bandiasora UPS (SSA) hnuaiah tun dinhmunah chuan zirtirtu 1 (pakhat) a awm, Anthony M.S.Dawngkima hi a thawh that loh avangin terminate a ni a, tunah hian a ai tur an khaw mi qualified an awm a nih chuan chu chu lak tum mek a ni tih a ni e.

SPEAKER : Zawhbelhna, Pu S.Laldingliana.

Pu S. LALDINGLIANA : Pu Speaker, SSA teacher nilo, zirtirtu pangngai thingtlanga indaihlohna hi zirtirtu dah belh tumna a awm em? Entirnan, ka bial chung Mualcheng South-ah chuan Middle School-ah naupang 77 an awm a, zirtirtu 3 (Pathum) chiah an awm a, an tan a harsa hle mai a, thingtlanga zirtirtu indaihlohna hi dah belh theih a ni em tih ka zawt e.

SPEAKER : Chhang turin Minister ka sawm e.(Pu Lalruatkima : Pu Speaker zawhbelhna kha a lak leh nghal theih mai ang em) Aw, a nih leh zawt mai se. Minister-in lo chhinchhiah mai se khawngaihin.

Pu LALRUATKIMA : Ka lawm e. UPS zirtirtute mahni post lo a awm engzat nge tih ka zawt a. Tin, zawhbelhna pahnihna, SSA zirtirtu an post lo ah mi engzat nge awm tih ka zawh belh e.

SPEAKER : Minister zahawm takin chhang se.

Pu H. ROHLUNA, MINISTER : Pu Speaker, Pu S.Laldinglana member zahawm tak zawhbelhna kha – a theih ang ang chuan SSA zirtirtu hi dah belh an ni a, amaherawhchu sum neih ten a daih loh avangin duhthusam angin kan la dah thei rih lo a, a theih ang ang chuan enzui zel a ni a, tun dinhmunah erawh chuan dah belh mai theihna tur sum sanction kan neilo a ni. Tin, member zahawm tak Pu Lalruatkima zawhbelhna erawh hi chu ka inrinlawk loh avangin ka hre mai lo a ni.

SPEAKER : A nih leh zawhna 22 na ah kal ila, Pu Lalruatkima, member zahawm tak zawt turin sawm ila.

Pu LALRUATKIMA : Pu Speaker, ka lawm e. Dr K.Beichhua nena kan zawhna intawm, Minister zahawm tak Law & Judicial Department changtu chhan atan –

- a) Mizoram State Legal Service Authority hnuaiah engzatnge hnathawk awm?
- b) MSLSA hnuaiah hian mi engzatnge thawk nghet awm?
- c) Engzat nge co-terminus a thawk awm?
- d) Co-terminus a thawkte hlawh hi thla khatah engzatnge?
- e) Co-terminus a thawkte hlawh hi khawi atanga pek/hmuh nge a nih tih ka zawt e.

SPEAKER : Minister zahawm tak chhang turin sawm ila.

Pu LALSAWTA, MINISTER : Pu Speaker, member zahawm tak Pu Lalruatkima leh Dr K.Beichhua zawhna chhanna chu hetiang hi a ni –

- | | | | | |
|----|-----------------------|---|-----|-------------------|
| a) | 1. Regular | - | 13 | |
| | 2. Muster Roll | - | 4 | |
| | 3. Co – terminus (MR) | - | 38, | TOTAL - 55 an ni. |

- b) 1. Member Secretary - 1 no.
 2. Superintendent - 1 no.
 3. Assistant - 1 no.
 4. Steno II - 1 no.
 5. UDC - 1 no.
 6. LDC - 5 nos
 7. Driver - 1 no.
 8. Peon - 2 nos. TOTAL - 13 nos.
- c) 1. Aizawl District ami atan (ADR) Centre - 14 nos.
 2. District Legal - 24 nos. TOTAL - 38 nos.
- d) 1. District State Legal Services Authority a thla khata an hlawh belhkhawm chu –
 ₹ 2,01,600/-
 2. ADR Centre-ah hian a vaia belhkhawm in - ₹ 1,08,600. TOTAL - ₹ 3,10,200
- e) 13th Finance Commission in a pek a ni tih kha ka chhan na a ni e.

SPEAKER : Zawhbelhna, Pu Lalruatkima.

Pu LALRUATKIMA : Pu Speaker, kan ngaihtlak tak ang khan Mizoram State Legal Service Authority hnuaiyah co-terminus thawk lai 38 an awm a, an hna thawh zawng zawng kan hria a, a pawimawh khawp mai a, kan zawh duh tak chu, tunah 13th Finance Commission hun a liam dawn a, co-terminus a thawk te hi contract in emaw engtin emaw kan rawih chhonzawm loh chuan heng district hrang hranga District Legal Service Authority function hi a tawp dawn tihna a ni mai a, General without soldier kan tih ang deuh khan hnathawktu awm lo ringawt mai kha chu a fel dawn lo a, an mangang em em a ni. Hei tun hnaiah pawh hian sum leh hengho hlawh tur te hi an han dil a, mahse DP & AR lam hian engmah tih theih an neih loh thu an buffer sheet ka kawl ah hian an tarlang a, chutiang a nih avang chuan co-terminus a thawk te hi contract talin emaw, Mizoram sawrkar hnuaiyah hlawh pek tur hian tih theih an ni em? Chuti a nih loh chuan Pu Speaker, Legal Service Authority District hrang hrang ami te hi an function a tawp mai dawn a, churang chuan contract tal pawh in ngaihsak theih an ni em tih kan zawh belh duh a ni.

Pu NIHAR KANTI CHAKMA : Pu Speaker, ka zawh belhna, Mizoramah State Legal Authority hian eng hna nge an thawh ve thin kan hre duh a. Ka Bial chhungah VCP thenkhat hi lehkha thiam lo an ni a, pawisa puk miah lovin legal notice a dawng ve thin a ni, a mangang khawp mai a, chuvangin he mi Legal State Authority hi tanpui theihna a awm em tih ka zawh belh a ni e.

Pu LALSAWTA, MINISTER : Pu Speaker, zawhna neitu member zahawm tak Pu Lalruatkima zawhna dah ngheh theih a ni em a tih kha chu, dah ngheh tur zawng hi chuan kan la ngaihtuah lova. A chhan chu co-terminus an ni a, co-terminus te dinhmun chu kan hre vek a, 13th Finance Commission-in a tih a nih avang hian 14th Finance Commission hian rawn la chhawng turin theih tawp kan chhuah a, 14th Finance Commission in a lak chhawn chuan kum 5 chhung an awm ve leh mai ang a, a nih loh chuan sorkar hnathawk tam tak te hi MR te, contract-te tam tak an awm a, chung ang ve tho chuan an awm a, chuvangin dah ngheh tumna lam hi chu kan la ngaihtuah lova. co-terminus hi kan inrawih danah hian status sang ber an ni lem lova, MR te, contract-a kan lak te co-terminus ni lo an la awm ve teuh avangin chutiang tak chuan an ni dah ngheh na tur hi sorkar hnuaia plan emaw, non-plan emaw hnuaiah chuan kan la ngaihtuah rih lem lova. Tuna kan beisei ber chu 14th Finance Commission kan dil a, an ni hian anmahni rawn chhawm zelna tur hi chu min pek kan beisei a ni.

Tin, kan member zahawm tak Pu Nihar Kanti Chakma zawh belhna kha court ang tak taka function lova, court of civil procedure te zawm diak diak lo pawh a harsatna nei te an lo chinfel sak thin ang. Leiba in thin sak chungchang te a ni emaw kawng hrang hrang a thubuai nei te court ang tak tak lova thu chinfel sak kawngah an tangkai em em a, hlawh mumal nei lo te hian an thawk a. Prominent citizen atang te pawhin mi tangkai tur awm leh social service ngaipawimawh mi engemaw zat te kan kuai lut thin a. Chutiang chuan anmahni hnena complaint a lo awm hi chuan an lo la chhawng a, an pahniha (a inkhing a ten) lungual taka 'he centre hian kan chungchang rel rawh se' an tih theih chuan kan rel sak zel a, Japan-ah pheih chuan an uar em em reconciliation tih ang chi kha ani a. Chuvang chuan tuna leiba in thinna a rawn sawi te pawh kha appropriate authority an hnaih ber hnenah khan complaint te theh luh thin a tha khawp mai.

Dr. K. BEICHHUA : Pu Speaker, zawh belhna, co-terminus-a kan hman mek te hi 14th Finance Commission hian remti lovin lo chhawr zui lo ta se, an ban vek mai

dawn em ni tih ka zawh belh duh a. Ban vek lo ni ta se State Legal Service Authority hi ala kal zel zui thei ang em? Contract tal a lak theih a ni ang em tih kha ka zawh belh duh e.

Pu LALSAWTA, MINISTER : Pu Speaker, hypothetical question hi hypothetical anga ka chhan mai loh chuan chhan thiam a har, thil hriat loh tlan vek a ni a, tuna kan member zawhna kha chu hun in ala hril ang chu tih a ni mai e.

Pu P.C. ZORAM SANGLIANA : Pu Speaker, ka lawm e. Mizoram State Legal Service Authority hnuai co-terminus chauh pawh ni lo, Minister te co-terminus te hi ngaihtuah tel an ni ve ang em? Minister leh hotu lian ten an rin ber ber, thuruk engkim pawh vawn tir an duh te hi co-terminus-n kum 5 zet an ruai thin a, chung mite ngaihtuah lova he lai amite chauh ngaihtuah kha a dik dawn em ni. Heng ang zawng zawngte pawh hi ngaihtuah tel theih a ni ang em?

Pu LALSAWTA, MINISTER : Pu Speaker, ka chhan tur pawh a ni chiah in ka hre lo. Kha kha chu pawn lam thil a ni a, tun ami hi legal service chungchang a ni a, a piah lam kha chu ka chhang lo mai ang e.

Pu LAL THANHAWLA, CHIEF MINISTER : Pu Speaker, co-terminus chu kan hre vek a, sawi kawi sawi kawi chi pawh a ni lova, tunah hian sorkar phalnain mi pahnih pathum ka lo chhawr ta a, ka thlawn ni ni kha an thlawn ni a ni mai a, mahse khawngaihtu an hmu a nih chuan an vannei a ni mai a.

SPEAKER : Dr. K. Beichhua'n Starred Question No 23-na zawt sela.

Dr. K. BEICHHUA : Pu Speaker, ka lawm e. GAD changtu minister zahawm tak ka zawhna chu - chhim lamah Airport siam tura hmalakna a awm em tih a ni e.

Pu LAL THANHAWLA CHIEF MINISTER : Pu Speaker, kan zawng nasa a, tun thleng hian hmun tha kan la hmu lova, Lengpui Airport ang tal khu nisela, Boeing te la ve thei tur kan mamawh em em a. A chhan chu Chhimtuipui, Bay of Bengal ah gate way of trade and commerce for entire north eastern state, kan siam mek a. Chuvangin Rel kawng pawh Sairang rawn thlen hnuah Lawngtlai thleng lak kan tum a. Tin, mi pawimawh tak tak

te kal kawng a nih dawn avangin kan zawng nasa a ni. Tun thleng hian kan mithiam ten Lengpui Airport tur ang tal an la hmu thei lova, mahsela an mit chu an la len tho va, chutih chhungin Kawmzawlah sawn ATR (a te chi) la thei hi chu a siam theih in an ring a, DPR pawh an siam zo tawh a, cheng Vaibelchhe 155 chuang man a ni a. Amaherawhchu, Civil Aviation danah km 150 chhungah civil airport leh civil airport a awm thei lo tih a ni a, chumi ah chuan kan la tangkhang rih a ni. Amaherawhchu special consideration Civil Aviation Ministry-ah kan dil mek a, March, 2014 ah reminder kan thawn leh tawh a, tunah hian a la inmun mek a, chu chu tuna kan dinhmun a ni. Han zin pheih chang pawh sawn khawi khawi emaw kan han melh ve a.

Lawngtlai thlang Mampui te pawh kan han beisei deuh a. Mahse, Mizoramah hian compensation hnam kan nih avang hian leh kut tlinglo a sum lak tum an lo inrawlh ve chhen avang project hi a kal hlei thei lova. Mampui-ah pawh a Airport construction cost lai khan compensation component te pawh a tam zawk dawn hial awm ang te a nih dawn chuan a tih theih loving a. Hmun dang Kawmzawl aia tha erawh chu kan mithiam ten an la melh reng a ni.

SPEAKER : Zawhbelhna a neitu khan a nei lo maw.

Pu LALRUATKIMA : Pu Speaker, zawt hmasa mai rawh min ti a, a la inbuatsaih a ni ang e. Chhim bialah Airport a awm theihna turin kan House zahawm tak pawh hian term hmasa 5th Session-ah khan Private Member Resolution a lo passed tawh a. Chu chu Ni 1.4.2010 khan sawiho niin passed a ni. Chuta an Resolution chu Pu Speaker, i remtihna in ka'n chhiar ang e. "Chhim bial mipuite harsatna sukiang tura Lunglei bula Airfield siam a nih theih nana hma lak a ni ta hi lawmawm kan ti a. Airfield hi siam thuai a nih theih nan sorkar laipuih nawr zui zel ni rawh se" tiin mi 8 wawiina kan House zahawm taka member zahawm tak la ni mek te hian an sawi a. Kan sawi zau lawk ang a Pu Speaker. A chhan chu kum 4 lai a ral tawh hnu-in tun thleng a kan hma lakna chu kha zawng kha a ni mai a. Chuvangin, kan Resolution a nih bawh avang leh zawhna-ah te wawiih a lo awm bawh a, a va rei ve le. Hma lakna a va la tawi ve tih kha ka'n sawi lang duh a.

Tin, Pu Speaker, thil pakhat ka'n sawi duh chu, kan House Leader zahawm tak a ni a, ka zah em em a. Tunah khan compensation hnam kan ni a han in tih ngawt mai kha chu House record atana awmah chuan a nalh dawn em ni. Compensation la la lo hi Mizoram population-ah hian a tam zawk daih kan ni ang a. Compensation hi kan lawm khawp mai a te

ti ta zawk ila, kha kha kan siam tha thei lawm ni? Kan hnam pumpui identity a compensation hnam han nih ringawt kha chu nakin zelah thangthar ten min la dem ang e tih kha ka'n sawi a ni.

SPEAKER : Zawhna a ni lem lo va kha kha chu. Ngaihndan sawi a ni a.

Dr. K. BEICHHUA : Kan House Leader zahawm tak khan min chhang a. Hmalakna-te pawh a kal zel tih t e pawh kan lo hria a. A lawmawm hle-in ka hria. A bik takin Chhim lam mipuite chuan a chhanna atang khan tunah hian TV ah an lo en vek ang a, an lawm viau-in ka ring a ni. Chutih lai chuan an en tawh zinga Lunglei Kawmzawl chauh kha a rawn mention ta a. Mampui-te pawh kha a rawn sawi ta a. Kawmzawl leh Mampui lovah hmun dang hemi tura tha hi en a awm em tih kha ka zawt duh a.

Chu lovah chuan, ngenna pakhat ka siam leh duh chu hmalak tihah hian zawite te-a hma lak hi a awm a. Rang deuh hleka hmalak chi te pawh hi a awm ve a. Chuvang chuan, hma lak danah khan speedy deuh hleka hma lak dan awm thei se tih ngenna ka siam bawk a ni.

Pu LAL THANHAWLA, CHIEF MINISTER : Pu Speaker, kum li lai a ral hnu-ah hian a hmun tur mithiam ten an la hmu lo a ni. Mahse, saw lamah sawn awm se kan duh avangin tunah hian kan mithiam ten an la zawng reng a. Saw laia tualchhung kan hotute pawh Lengpui Airport aia te lo tur awm ang chin in hmuh theih phawt chuan min rawn kawhhmuh vat zel ang che u ti te pawhin kan inchah reng a ni. Tuna member zahawm tak te pawh khan va zawng sela, an hmuh chuan kan mithiam ten an bawhzui ang.

Tin, Mampui lo kha Saitlukkawn pawh kan mithiam ten an en tawh a. Airport Authority of India te pawhin an rawn en tawh a. Mahse, a tih ngaihna a awm lo a ni an ti a. Chuvang chuan a tih ngaihna awm chhun keini ang in a kan thiam ve tawk leh kan hriat ve tawk chu Kawmzawl saw her dik deuhin kan mithiam ten ATR chu a tum thei ang an ti a. Mahse, Civil Aviation danah Civil Airport leh Civil Airport kha 150 km chhungah a awm thiang lo an ti a. Mahse, dah ngei kan duh avangin permission kan dil mek a. Resolution hi pass nawn leh mah ila kan mithiam ten a aia chaka thawh dan an thiam chuan ka ring lo Pu Speaker, a ram an hmuh zawh miau loh chuan. Ram tha Lengpui Airport ang tal Boeing tum theihna tur an hmuh phawt chuan kan mithiamte an kal nghal vat ang. Chuvangin, a kum li kum nga lampang a ni lo va. A hmun awm leh awm loh lampang zawk kha a ni. Tunah hian mithiam kan nei a, Aviation lamah te Consultant te

pawh kan nei a, kan Engineer te pawhin Saitlukkawn te pawh an en a, Airport Authority of India te pawhin anrawn en a, mahse a la remchang hlei thei rih lo a ni.

Tin, compensation hnam hi kan ni a. Tuirial Hydel Project 60MW pe chhuak thei turte pawh chhit a hun tawh a. Mahse, compensation dik lo taka lak a nih avangin a thuanawp vek a. A bul atangin kan tan leh a. Nakumah hian commission theih kan in beisei a. Chutiang zelin kan project dang dang te pawh hi compensation avangin kan chak theih loh bak ah, a then phei chu a thuanawp lovang tih Pu Speaker, ka sawi ngam lo. Vairengte a khawvela Jungle Warfare School tha ber a an ngaih, America atang te, UK atang te leh khawvel hmun hrang hrang atanga an candidate te rawn train-na ang te khu hmun zau zawk an duh a. Mahse, compensation dik lo taka claim flat an tam a, High Court-ah te an kal zel a, chuvangin, an duh ang kan la pe thei lova. Kan thenawm state zawng zawngin in duh zat zat ram kan pe ang che u an ti a. Min la chhuahsan lovang tih pawh a sawi theih loh. Chutiang zel chu a ni. Saw tah Lawngtlai atanga kan kawng siam tur ang te pawh compensation avangin a nih tur ang a ni thei lo va. Kawlchaw-ah 460MW pe chhuak thei tur NTPC te December, 2008-a MoU sign pui tawh te pawh chutiang buaina te avang chuan an kal chak thei lo a ni. Chuvangin, compensation lawm hnam kan ni teh meuh mai.

Pu LALRUATKIMA : Pu Speaker, kan House Leader zahawm tak sawi kha ka'n chhang lawk duh a. Compensation hnam ang zawng kha chu a dik lovang, khalai kha chu. Mi tlemte thil tihsual avanga mi tam tak hnam anga in hmer kha chu dikin ka hre lo tlat. Kan House a ti zahawm lo thein ka hria.

Pu LAL THANHAWLA, CHIEF MINISTER : Pu Speaker, dawt a nih chuan ka withdraw leh thei a. Dawt a ni lova, thu dik, thu tak a ni. Sorkar in kan experience mek a ni. Chuvangin, he House-ah hian thu dik lo sawi talh loh tur a ni.

SPEAKER : Kha kha inhnia tur a ni lova. Leader of the House tan chuan thahnem ngaihna, kan ramin kan tih tur kan tih theih lohna lai a zuk lak nat lutukna chi khat a ni a. Un-parliamentarian anga ngaiha 'sut rawh' in tih chi a ni lo. Thahnem ngaihna chi khatah ngai ila a tha awm e.

Tunah hian zawhna no.24-na zawt turin Pu Lalruatkima, MLA zahawm tak i lo sawm ang.

Pu LALRUATKIMA : Pu Speaker, ka lawm e. Ka Starred Question No. 24-na, Agriculture Minister zahawm tak chhan atan –

(a) NLUP dawngtute zingah dawng chhunzawm tlaklo engzatnge awm?

(b) Engvanga dawng chhunzawm tlak lo nge an nih ?

(c) NLUP dawngtute zingah an bungrua dawn tiral/hralh an awm em ? An awm chuan engtingne an chungah sorkar in hma a lak tih ka zawt e.

Pu R. LALZIRLIANA, MINISTER : Pu Speaker, member zahawm tak Pu Lalruatkima zawhna chhanna chu NLUP dawngtute zingah dawng chhunzawm tlaklo beneficiaries 176 an awm. Dawng chhunzawm tlaklo an nih chhan tlangpuite chu hetiang hi a ni.

- 1) An pawisa dawna hma an lak loh avangin
- 2) An pawisa dawn a nihna tur anga an hman loh avangin
- 3) An khawtlang L.C/V.L.M.C. te hriatpui lova an pem avangin
- 4) An chhungkaw zingah sorkar hnathawk awm hriatchhuah an nih avangin
- 5) A dawngtu boral aiawh dah loh avangin
- 6) Thil dawn tihral avangin
- 7) Sorkar phalloh hmuna khawsak luih avangin. Tin, c-na chhanna chu NLUP beneficiaries zingah bungrua dawn tiral an awm. A tiraltu hi FIR thehluh a ni a. Jail-ah tan tir a ni.

Heng bakah hian midang pawh ti riral ngeia hriat report la dawn loh an awm ngeia hriat a ni.

Pu LALRUATKIMA : Pu Speaker ka lawm e. Ka zawhna c-naah khan hralh an awm em tih kha kan zawt a, ti riral an awm thu te kan hriat a, Jail-a tan tir hial a nih thu te kan hria a. Tin, manual-ah pawh hian chiang takin tarlan a ni a. Tin, a tiral pakhat Lengpui khua ami Pu Lalsangluaia s/o Pu Thangpuivunga Sl. No. 14-na Phase-I a Industry Trade ami Auto Rickshaw dawngtu kha tunah hian Auto Rickshaw hi Pu L.H. Thanzawna, Lengpui Venglai hnenah hian a hralh ta a. Engtin nge kan hotuten a chungah action in lak ve dawn ka ti a. Auto Rickshaw No. hi MZ-O1G-9976 a ni. Party lamah hruaitu mawhphurhna nei a ni a. Amaherawhchu, kan manual hian party a sawi lo turah ka ngai a. Kan hotupa pawhin huai takin a ti diklo tu chungah hian action a la ngam turah ka ngai a. Chuvangchuan, engtin nge a tih ve dawn, hei hi an hre reng em tih ka zawh pahin kan sawi belh a ni e.

SPEAKER : Minister zahawm tak chhang turin sawm ila.

Pu R. LALZIRLIANA, MINISTER : Pu Speaker, hei hi report engmah ka la dawng lova, enzui a ni ang.

SPEAKER : Le, zawhna 25-naah kan kal thei a, a zawt turin Pu R.L. Pianmawia MLA zahawm tak sawm ila.

Pu R.L. PIANMAWIA : Pu Speaker, zawhna Power & Electricity Department changtu Minister zahawm tak chhan atan - RGGVY atangin heng khuate – Zokhawthiang, Mauchar, Chhanchhuahna Khawpui leh Sunhluchhip hi engtikah nge electric pek an nih dawn?

SPEAKER : Chief Minister zahawm tak chhang turin sawm ila.

Pu LAL THANHAWLA, CHIEF MINISTER : Pu Speaker, zawhna neitu MLA zahawm takin a rawn sawi khua te kha December, 2014 chhung ngeia pek tuma tan lak mek a ni.

SPEAKER : Zawhbelhna, Pu R.L.Pianmawia

Pu R.L. PIANMAWIA : Pu Speaker, kan House Leader leh Chief Minister chungah lawmthu ka sawi e. Ka zawhbelhna chu Mauchar bikah hian in 183 an awm mek a, an tana transformer dah tum hi 25KVA pahnih a ni a, in awm zat nena han chhut chuan a tawk dawn lo niin a lang nghal that mai a. Chuvangchuan, Mauchar khua a eng pe zo thei tur transformer lian zawk ruahmanna a awm thei ang em? Tin, Dt 5.11.2014 khan department pahnih hnathawh mek ka han thlirnaah Power & Electricity Department RGGVY contractor-te hnathawhah a ban tur phunah hian a hnuai lamah chuan lei tak hliir a ni a, a chung pawnglang te ah hian cement-a tih a ni a. Cement tlemte a pawnglang ringawta tih kha a that a rinawm si loh va, chuvangin, hei hi a nih dan tur ang taka tih theih dan kawng min ngaihtuah sak thei ang em tih ka zawh belh e.

SPEAKER : Awle, chhang turin Chief Minister zahawm tak sawm ila.

Pu LAL THANHAWLA, CHIEF MINISTER : Pu Speaker, Mauchar bik hi a kawng a thui deuh a, a chhe lai a tam a, chuvangin hna a chak thei lova. Mahse, chuti

chungin hna a kal zel a, Member zahawm takin a ban kha a ringhlel deuh a nih chuan mithiam ten an lo en ang a. Rinhlelh awm lo turin an thawk tur ah ka ngai.

SPEAKER : Pu S. Laldingliana

Pu S. LALDINGLIANA : Pu Speaker, Aizawl atanga 132 KV Line chhim lama lo pheh hi Khawiva-ah Sub-Station bun a ni a. Tunah hian Mel 8 atanga chhim lam hawi zawng bawkin 132 KV Line hi lo kal tura ruahmanna sorkarin a siam mek a. Khawiva Sub-Station saw tun dinhmunah hian a tih tlak loh em em mai a. A hmun saw a hrisel lova, Malaria area a ni a, tui thianghlim a awm lo bawk a. Tin, Pu Speaker, a kawng saw siam ngaihna pawh a awm tawh lo, a chhe lutuk a, transformer pawh saw phur chhuak dawn mahse thiah darh vek loh chuan a phurh theih tawh loh a ni. Chuvangchuan, chhim lampang hian 2nd sub-station hi kan mamawh ngawih ngawih a, tuna 132 KV line mel 8 atanga lo kal tur lo dawngsawng thei tur hian 2nd sub-station hi sorkar hian min ngaihtuah sak thei ang em tih ka zawt e.

SPEAKER : Ngawi rawh aw, chhim leh hmar thil kha vawi khatah kan Chief Minister-in a chhang kawp thei ang em? Mahsela, Pu R.L. Pianmawia'n han zawt ve leh reng reng se.

Pu R.L. PIANMAWIA : Pu Spaker, ka zawhna transformer chungchang kha min chhang hmaih tlat mai a. Tin, chubakah chuan kan zawhbelh leh duh law law chu Sakawrdai-a sub-station khi engtikah nge hawn theih a nih ang ?

SPEAKER : Kan Chief Minister zahawm tak sawm ila.

Pu LAL THANHAWLA, CHIEF MINISTER : Pu Speaker, ka sawi tawh a, December thla a peih hman tum a ni khang khuate kha. Tin, KVA, Transformer, Megawatt tih lampang hi chu ka hre ve lo va, mithiamte hriat zawng a ni a, kha an rawn hrih hre tawh a, a lawmawm khawp mai, an lo ngaihven zui turah ka ngai.

SPEAKER : Zawhna 26-naah kan kal thei a, zawt turin Pu Lalruatkima, MLA zahawm tak sawm ila. In vannei hle mai, zawhna in zawt zing thei a.

Pu LALRUATKIMA : Pu Speaker, hei ballot-a pawh a ni a, ka vanneih a ni e. Ka Starred Question No. 26-na, Agriculture Department changtu Minister zahawm tak chhan atan -

- a) Kum 2010, 2011, 2012, 2013 leh 2014 ah Mizoramah buh engzat nge thar a nih ?
- b) Buh hi WRC leh Tlangram Lo (Jhum shifting cultivation) atangtein heng kumah te hian engzat nge thar a nih tih ka zawt e.

SPEAKER : Chhang turin a changtu Minister zahawm tak Pu R. Lalzirliana sawm ila

Pu R. LALZIRLIANA, MINISTER : Pu Speaker, West-II MLA zahawm tak zawnha chhanna chu - Kum 2010, 2011, 2012, 2013 leh 2014 ah Mizorama buh thar zat chu hetiang hi a ni. Kum 2010-ah 47,201 ton, Kum 2011-ah 52,895 ton, Kum 2012-ah 57,700 ton, Kum 2013-ah 64,815 ton, Kum 2014-ah buh seng mek a la ni a, record a la awm thei rih lo.

Tin, b-na chhanna chu kum 2010 atanga 2013 chhunga WRC leh tlangram lo (jhum) atanga buh thar zat chu hetiang hi a ni.

<u>Kum</u>	<u>WRC</u>	<u>Tlangram</u>
2010	20,703 ton	26,498 ton
2011	26,251 ton	26,664 ton
2012	30,572 ton	27,128 ton
2013	37,486 ton	27,329 ton
2014	Buh seng tan	Buh seng mek mek a ni a,

record a la awm thei rih lo.

SPEAKER : Zawhbelhna, Pu Lalruatkima.

Pu LALRUATKIMA : Pu Speaker, ka lawm e. Buh thar tam kum kha engtik kum ah nge puan a nih tih leh lawmman (Award) kan dawn kha engtik kum nge tih te, eng nge kan Award dawn kha? Tin, kan zawhbelh duh chu Pu Speaker, kan Minister zahawm tak khan a rawn sawi lang a. Tlangram lo neih bansan a nih thu leh NLUP bulpui ber pawh tlangram lo neih dan tha lo tak chu bansan a nih tur thu kan Budget speech ah khan kan ngaithla a. Mahse tlangram lo neih buh thar kha a pung zel si a, tlangram lo neih kha a la tla hniam lo tih na a ni dawn lawm ni tih kha kan zawt duh a. Tla hniam zel ni a kan sawi kha tun a figure atang chuan a tla hniam lo tih kha a lang ta a ni.

Chuvang chuan kan project flagship programme hi a hlawhtling tawk lo, tlangram lo neih lamah chuan tih na a ni thei dawn lawm ni tih kha kan zawt tel nghal a ni e. Ka lawm e.

SPEAKER : Chhang turin Minister zahawm tak sawm ila.

Pu R. LALZIRLIANA, MINISTER : Pu Speaker, buh thar tam kum kha kum 2012-ah kan puang a, kan puang dik khawp mai a, WRC ah pawh a san ber lai khan ton 37,486 a rawn kaichho a. Tin, tlangram lo neih pawh ton 27,329 ah a kaichho a, kan puang fuh khawp a, kan puan angin sorkar in hma a la a ni tih helai atang hian a lang thei in ka hria a. Tin, NLUP hi kan han ti a, kan hlawhtling lo a ni lawm ni, tlangram lo neih ah buh a thar tam telh telh a tih hi zawhna awm thei tak a ni a. Amaherawhchu, a leh lam ah hian en ve ila WRC ah hian a thar tam telh telh bawk a. NLUP ah nasa takin sorkarin tan a lak avangin a hlawhtling chho zel a. Tin, chuta tan pawh chuan tlangram NLUP kan han tih hian, thelret ching duh te leh serthlum ching duh te, lakhuihthei ching duh te an chin kum ah lo neih a ngai a, tlangram lo neih hi chu kan bansan mai mai thei dawn chuang lo a, khami an vah a thlai an chin dawn khan buh an ching leh a. Chuvangin hei pawh hi NLUP avanga thar tam zel a ni zawk a ni tih ka'n sawi duh a ni.

SPEAKER : Awle, zawhna 27-naah kan kal ang a, member zahawm tak Er. Lalrinawma zawt turin i lo sawm ang.

Er. LALRINAWMA : Pu Speaker, ka lawm e. Agriculture Minister zahawm tak chhan atana ka zawhna chu - District Council pathumah NLUP additional fund engzat theuhin nge pek an nih tih a ni e.

SPEAKER : Minister zahawm tak Pu R. Lalzirliana ilo sawm ang.

Pu R. LALZIRLIANA, MINISTER : Pu Speaker, Er. Lalrinawma member zahawm tak zawhna chhanna chu District Council pathumah NLUP additional fund hetiang hian pek an ni.

- 1) Lai Autonomous District Council ah - ₹ 11,100,000/-
- 2) Chakma Autonomous District Council ah - ₹ 11,100,000/-
- 3) Mara Autonomous District Council ah - ₹ 11,100,000/- a ni e.

SPEAKER : Zawhbelh na.

Er. LALRINAWMA : Pu Speaker, a lawmawm hle mai, a chhim lampang an duhsak a, duhsak awm tak an nih na lai te pawh a awm a. Ka'n zawhbelh duh chu heng line department-ah hian hetiang a han tuamhlawm ve leh na hi a awm thei em tih kha ka zawhbelhna a ni e.

SPEAKER : Chhang turin Minister zahawm tak ilo sawm ang.

Pu R. LALZIRLIANA, MINISTER : A hranpa in Pu Speaker, NLUP ah hian tuamhlawm hranpa kan ngai rih lova, kan la chhonzawm zel a, chuvangin kan la nei rih zawk zel a ni tih kha ka chhanna a ni.

SPEAKER : Zawhbelh tur in nei tawh lo ti raw.

Pu LAL THANHAWLA, CHIEF MINISTER : Nimin khan All Mizoram Farmers Union kum 20 lawmna inkhawmpui an nei a, chutah chuan nakum pawh hi buh thar tam kumah an puang leh a ni.

SPEAKER : Awle, zawhna no. 28-naah kal ila, a zawt turin MLA zahawm tak Er. Lalrinawma ilo sawm ang.

Er. LALRINAWMA : Pu Speaker, ka lawm e. Kan GAD Minister zahawm tak chhan atan a Starred Qquestion No. 28-na Kum 2008-a Mizoram sorkar-in District pathum a hawn thar te kha tun dinhmunah tih puitlin tumna a awm em tih ka zawt e.

SPEAKER : Chhang turin Chief Minister zahawm tak Pu Lal Thanhawla lo sawm ila.

Pu LAL THANHAWLA, CHIEF MINISTER : Pu Speaker, a remchan dang ang ang leh a theih dan ang angin la tih puitlin ni zel turah kan beisei ringawt a. Amaherawhchu District in pek dan hi a dik deuh te leh dik lo deuh te a awm a, kuhva khawr intheh ang a intheh mai mai chi a ni lova. District pek dawn chuan Committee khunkhan tak leh felfai taka din a ngai a. Chung te chuan a tul dan sorkar convince turin

an ti ang a, a boundary te an rin ang a, Budgetary support te leh possible expenditure estimate te a awm vek ang a, chutiang chuan sorkar in rem a tih chuan an pe tur a ni a. District panga emaw lai kan han siam ve a, Pu Chhunga hunlai daih tawh khan District Boundary Committee te kha din a ni a, kei pawh min telh ve zel a. Mahse hun rei a lo ni chho a, kan hun chho ah khan politician lo deuh hlir in ti zawk rawh se, political consideration te a awm palh ang e tiin Chief Secretary hoin Boundary Committee te din a ni leh a. Tichuan District pek thar tur boundary nen, headquarters tur nen leh possible financial expenditure engkim nen an submit a, Cabinet in a approved a, Budgetary support te nei a chutiang a siam chu a ni. Tin, '98 a kan tin hma khan DC te, SP te leh a theih chin chin kan dah a, khawi state ah mah changtlung takin an dah nghal vek lova. A bul tanna pawimawh ber chu DC te leh SP te leh khang ho te kha an ni a, a theih chin chin chu Department ho pawh dah an ni. Chutiang chuan tih thlap tur a ni a. Vote zawn nan emaw, inthlanah ka tling leh mahna tih nan emaw a school up-grade te, District kan pe tih ngawt te hi kalphung a ni lo. Khami tum khan hming pathum an puang a, Cabinet memorandum kan zawng a kan hmu zo lo va, positive support eng emaw a awm em tih kan zawng a kan hmu zo lo va. Chuvangin kan hotuten han bawhzui pawh duh mahse tihngaihna tehchiam a awm lova.

Tin khatianga tih mai mai kha school up-grade te, District kan pe tih a han puan ringawt te, khang ang kha vote zawn nan leh inthlan ah kan tling leh mahna tih a hman chi a ni lo a niang, chung lampang a lawm vak lo a niang engmah an nih phah ta chuang lo a ni. Thudik sawi mai a tha a. Mahse, khatianga a lo nih tawh chuan kan hotuten an ngaihtuah zui a. Tunah hian District Reorganization Committee te pawh din a ngai a ni tiin kan hotute pawhin an ngaihtuah a. District hi la siam belh ngai dawn turah an ngai a. Chuvangin, 14th Finance Commission ah khan vaibelchhe 75 leh nuai 82 an dil a. Enge a an dawn kan hre lo va. Kan hotuten tul an tih hunah leh ramin a mamawh nia an hriat hunah District Boundary Reorganization Committee te siamin ramri awmsa thlap, headquarters awmsa thlap leh a tul angin DC te leh SP, Department dang, a zawng zawng chu a theih loh ang a. A bul tantu tur hun hmasaa kan tih ang a tih theih hunah khan kan hotuten an ngaihtuah leh turah ka ngai.

SPEAKER : Zawhna 29-ah kan kal ang a, zawt turin Pu K. Sangthuama MLA zahawm tak sawm ang.

Pu K. SANGTHUAMA : Pu Speaker, ka lawm e. Ka zawhna Starred Question No.29-na, Power & Electricity Department Minister zahawm tak chhan atan – Hengah te hian transformer thar dah theih a ni ang em ?

(i) Chawlhmun (ii) Phunchawng (iii) Rangvamual (iv) Electric YMA Hall bul.

SPEAKER : Chief Minister zahawm takin rawn chhang se.

Pu LAL THANHAWLA, CHIEF MINISTER : Pu Speaker, member zahawm tak Pu K. Sangthuama zawhna kha a chhanna chu hei hi a ni – Hengah te hian transformer thar dah turin R-APDRP Scheme hnuai hma lak mek a ni. Specific deuha an han sawi ang khan hemi Part B Scheme hnuai hian transformer a hnuai ami ang hian dah belh tum a ni a. He scheme hi September, 2016 a thawh zawh tum a ni: Chawlhmun – 100 KVA, Society Mual – 25 KVA, Solomon’s Temple bulah, Phunchawngah– 63 KVA pahnih, khawchhung Phunchawng II ah leh Melriat Phunchawngah, Rangvamualah– 63 KVA pakhat, Electric Veng YMA Hall bulah – 500 KVA CSS Power House Complex-ah.

SPEAKER : Zawhbelhna awm chi a ni lo.

Pu K. SANGTHUAMA : Pu Speaker, ka lawm e. Zawhbelh a ngai love

SPEAKER : Zawhna No. 30-na Dr. K. Beichhua, member zahawm takin zawt se.

Dr. K. BEICHHUA : Pu Speaker, ka lawm e. GAD Minister zahawm tak hnena ka zawhna chu – Saiha D.C. Office leh Circuit House te hi sak thar tumna a awm em tih ka zawt a ni.

SPEAKER : Mnister zahawm tak chhang turin sawm ila.

Pu LAL THANHAWLA, CHIEF MINISTER : Pu Speaker, member zahawm tak Dr. K. Beichhua zawhna Saiha D.C. Office building chu kum 2011 atangin sak that tumna a awm a, sum lam harsatna avangin tun thlengin kan la ti puitlin thei lo. Circuit House erawh chu a chhiat thu report hi tunah dawn a ni chauh a, sak that tura ruahmanna a la awm lova. Mahse, member zahawm takin a hriat zui atan hmalakna tlem tlem lo awm tawh kan sawi lang tho tho ang a. State Planning Board-in Special Plan Assistance atangin fund theih dan a awm beiseiin Department hrang hrang infrastructure mamawh dan ni 3.10.2011 ah khan kohna siam a ni a.

Chu chu chhangin Deputy Commissioner pariat te chuan an mamawh Government Housing leh Building atan, office building leh quarters sakna tur te, an hnuaiia Civil Sub-Division building leh quarters sakna atan te rawtna an thehlut a, a vaiin cheng nuai 4175.25 a ni. Chutah chuan DC, Saiha rawtna cheng nuai 1727.75 pawh a tel a ni. Chungte chu ni 13.10.2011 ah State Planning Board ah thehluh a ni a. Amaherawhchu, Special Plan Assistance hnuaiiah sum a tam tham tak loh avangin leh PWD lamin ongoing project works an lo ngah em avangin department tam berin an mamawh an theh luhte DC, Saiha Office sak thatna tur pawh telin State Planning Board chuan an tihlawhtling thei ta lova, Planning Commission-ah pawh an thawn tel ta lo a ni. Nikumah khan State Planning Board ah resubmit a ni a, mahse State Planning Board hian tun thlengin hemi atan hian sum a la dah thei lo a ni. 14th Finance Commission-ah Saiha DC Office siam thatna (renovation) atan cheng vaibelchhe 1 leh nuai 58 dil mek a ni

Hmun tam takah Serchhip angah te pawh Circuit House hi an la nei lova. Kan lo neihsa te pawh cheithat (renovate) ngai tam tak a awm a. Tin, a la awm lohna ah, (Mamitah te pawh a la awm lova), ngaihtuah a tul a. Sorkarin a ngaihtuah zingah a tel a. Saiha Circuit House saw kan thleng zauh zauh tawh a. Kan awm laiin thlipuiin min nuai ang tih hlauhawm khawp niin ka hria a. Keimahnin helam atanga ti ngawt lovin DC ten initiative an rawn lak tur a nih avangin kan han hrilh ang kha an rawn ti tak na in tun thlengin a la puitling thei lova. Amaherawhchu, ngaih pawimawh hmasak zinga tel turah ka ngai.

SPEAKER : Zawhbelhna, duhtawkin han zawt teh, a pawimawh em mai.

Dr. K. BEICHHUA : A pawimawh em mai. Ka duhtawkin kan zawt teh ang. Pu Speaker, ka lawm e. Kan House Leader zahawm takin tha takin min chhang a, hma an lakna te pawh kha House-ah min hriattir a, a lawmawm hle a ni. Chutihlai chuan kan DC Office khi ani pawhin a hmuh tawh tho ka ring a, nakum chu a damkhawchhuak lo ang a tih khi a ni reng mai a. Pathian zarah a damkhawchhuak leh thin a. Tuna kan rilrua awm chu nakum khi (SPEAKER: Ngawi rawh, eng office maw?) DC Office. (SPEAKER: DC Office maw, Chief Minister chuan a tlawh kher lo ang a.) Chu chu thudang a ni ta a, a tlawh tawh ka ring a ni. Pu Speaker, nangmah ngei pawhin i hmu fovin ka ring a. Chuvangchuan, in pahniha in tan a ngai a ni hei hi chu. Engpawh ni se, hmalak danah hian nichina ka rawn sawi kha ka repeat leh ang a. Hmalak tihah hian muang deuh hleka hmalak leh rang deuh hleka hmalak hi hmalak a tih vek theih a. Top priority min pek sak se khi khi chu, nakumah a damchhuak lo palh ang tih a hlauhawm em a ni tih ngenna ka siam e.

Tin, Circuit House khi nichina a rawn sawi tak min chhanna kha a lawmawm viau a. Engpawh ni se, keimah ngei pawh a bialtu MLA hian hma ka lo la ang a, DC te pawh a tul angin ka lo rawn ang a. I hnenah dilna ka lo siam ang a min lo pawmsak mai ang chu maw tih ngenna ka lo siam bawk a ni.

SPEAKER : Chief Minister .

Pu LAL THANHAWLA, CHIEF MINISTER : Ka sawi ang khan 14th Finance Commission-ah hian hemi DC Office tan liau liau repair, renovation leh a tul ang atan cheng vaibelchhe 1 leh nuai 58 kan dil hi kan hmuh kan beisei.

Dr. K. BEICHHUA : Pu Speaker, hun kha min phalsak bawk a, (Speaker: Mahse ka pawt sei thei lo ania, hun hi) DC leh Circuit chauh pawh kha ni lovin i phal ta rau rau chu hmun dang pawh, kan jail te pawh khi a chhe em em mai a. mi tang hote pawh khi an tlan chhuak vek ang tih pawh hlauhawm tak a ni. Chuvangchuan, khingte pawh khi rilruah min lo neihsak ta ula. Chu lo pawh Government assets zawng zawngte pawh khi tlabal tawh tak tak a ni a. Top priority min peksak thei hram ula tih ka ngen nawn leh che u a ni. Ka lawm e.

SPEAKER : Hun a tawp mai, top priority pek a ngai a ni.

Pu VANLALZAWMA : Pu Speaker, thil dang kan tih hmian Zero Hour-a kam hnih khat lek sawi duh ka nei a min remtihsak theih chuan. (Speaker : Sawi rawh le.) Hei, nimin lamah te, hmanni lamah te, chanchintharah te kan lo hmu a, Vaivakawn atanga Seventh Day pan chhohna Kanan lam kalna kawng khu nawr hniam a tha zawka siam tumna a awm a. Kan member-te vuipei na thu lam a ni a.

SPEAKER : Ngawi rawh kha kha chu a general deuh hlek lo maw ! Zero hour hmanna chi a ni lovang khatiang thil kha chu.

Pu LAL THANHAWLA, CHIEF MINISTER : Question hour pawh a la tawp lova, khi sana-ah pawh khian i tihtawp khan a la tawp miah lo a ni. A tawp a ni mai a lawm i tih chuan le he House-ah hian i lal ber a, i thu thu a nia.

Pu VANLALZAWMA : A lawmawm khawp mai a khulai kawng tih that tur khu. Hman zana kan UD & PA Minister zahawm tak pawh in TV a in en lai te ka lo hmu a, a va lawmawm em, hma lak dan tur ka lo ngaihtuah thiam loh laiin in lo ti a, a lawmawm ka ti a. Tin, kan minister senior Vaivakawn pa Pu R.Romawia bulah pawh ka ti a, ‘a tha dawn hlein ka hria a, khawih danglam a thil tha deuh lo chhuak thei a nih hi’, ka ti a, a lawmawm em em a. Chutih lai chuan Aizawl West II Bialtu pa kan member zahawm tak Pu Ruatkima kha kan congratulate ve dawn a, ‘ka hre ve lo reng reng’ a ti ta daih mai a. ‘Aw a va mak e, nang kan MLA zinga active ber pawl a kan ngaihin engtin nge maw i hriat loh le ka ti a’, ‘House-ah sawichhuah a va tha em, a chhan chu Bial chhung thil a ni a, nimin lamah te pawh kan hria a, tlawmngai pawl te leh Local Council te pawh koh khawm vek an nih laia a bialtupa berin engmah hriat loh kha a va zia lo em aw’, ka ti a. A sawina pakhatath chuan hmanni deuh khan MLA kan khingpuipa tling ta lo khan PWD Officer ho a rawn hruai kual duah mai a, kan Bial lamah khangte pawh kha ka hre lo reng reng a ti a (SPEAKER : Awle duh taw ang aw) chu chu kan sawi lang lawk duh a. A chhan chu engtianga thawk ho tur nge kan nih tih lai velah khan hriatthiam a har deuh dan a awm a. Ka hriat sual loh chuan nimir kan Home Minister zahawm tak pawhin min hriah a (SPEAKER : I duh taw tawh mai ang Zero hour hmanna atan chuan a general deuh hlek e) chuan West –III lam te pawh nawrpui deuh turin min ti a ti a (Speaker : Zero hour hman nan chuan a general deuh hlek e) Kan phur teh lul nen khan eng ang hi nge ni ang tih lai kha min hriahfiah deuh a tha mang e. Kan phur teh lul nen khan kan hriat loha tih duh tlat awm thei baw a nih lai khan kan kal phung tur hi min hriah Chiang thei la a va tha em ka’n ti a ni.

SPEAKER : A lawmawm e Business-ah kan kal tawh ang a. Member zahawm tak Parliamentary Secretary Pu K.Lalrinthanga khan chawlh a dil a, mahse a ni hi a lo awm leh a, a kal a la hun lo nge ni ka hre lova, Pu Lalrinliana Sailo in a lo kal tlai tur thu min hriah a, chu chu House ka’n hriattir a ni e.

Tunah chuan Laying of papers kan la tawh ang a :-

- i) The Mizoram (Anand Marriages Registration) Rules, 2012
- ii) Statement on six monthly review of the Finance Minister on the fiscal position of the Government of Mizoram for the Second half of 2012-2013 (October, 2012 to March, 2013)
- iii) Statement on six monthly review of the Finance Minister on the fiscal position of the Government of Mizoram for the First half of 2013-2014 (April, 2013 to September,

2013) te hi a pathum a vawikhat a lay mai turin kan Minister zahawm tak Pu Lalsawta i lo sawm ang.

Pu LALSAWTA, MINISTER : Pu Speaker, i phalna leh he House rem tihna in heng paper pathum te hi he House zahawm takah hian ka rawn lay e.

- i) The Mizoram (Anand Marriages Registration) Rule, 2012
- ii) Statement on six monthly review of the Finance Minister on the fiscal position of the Government of Mizoram for the Second half of 2012 2013 (October, 2012 to March, 2013) chu chu October 2012 atanga March 2013 (thla ruk chung)
- iii) Statement on six monthly review of the Finance Minister on the fiscal position of the Government of Mizoram for the First half of 2013-2014 (April, 2013 to September, 2013) chu chu thlaruk chung atan – heng paper pathum te hi he House zahawm takah hian ka rawn lay e.

SPEAKER : A copy kha han sem rawh u le. Tunah chuan member zahawm tak Pu Lalrinmawia ‘The Mizoram Co-operative Societies Rules, 2012 and (Amendment) Rules, 2014 chu House Table a lay turin i lo sawm ang.

Pu LALRINMAWIA RALTE : Pu Speaker i phalna leh he House zahawm tak remtihna in ‘The Mizoram Co-operative Societies Rules, 2012 and (Amendment) Rules, 2014 te hi he House zahawm tak dawhkanah hian ka lay e

SPEAKER : A copy kha member zahawm takte hnenah sem ni sela. Tunah chuan Official resolution move turin Minister zahawm tak Pu Lalsawta sawm ila, a resolution hi chu ka chhiar chhuak lemlo mai ang a, a mahin lo move mai se. Kan inthlak lawk dawn

Pu LALSAWTA, MINISTER : Pu Deputy Speaker, wawinah hian Official resolution pawimawh tak mai move turin ka rawn in buatsaih a. He official resolution tul nachhan pawh hi rawn sawi fiah a tul in ka hria a. India Constitution hi amendment a awm thin a, Rajya Sabha leh Lok Sabha ten an pass a amendment ni mai thei te, mahse state in a an ratify kher kher ngai, chu tah pawh chuan India rama state zawng zawng chanve tal in a ratify ngai a awm a.

Vawiina kan official resolution hi state in kan ratify ngai te zing ami a ni a. Tin, ratify hi a chakawm in ka hria a, a tul hle in ka hria a. A chhan chu High Court-ah leh Supreme Court-ah hian judges ho appointment chungchang ah Constitution Article 124-na hian tih dan a lo nei tawh a, chutiang hman chuan hun rei tak chung kan kal hnu ah sawisel na te a lo awm in han bih chian in tha tawh lo te a lo awm tih a hriat bawh avangin Article 124-na hi amendment siam ila.

Tin, chu mi rual chuan a Dan pawh hi siam fel nghal ila tih kha central a kan Parliament ah Rajya Sabha leh Lok Sabha ten an rawn ti fel tawh a. Mahse kan state hian kan lo ratify ve a ngai a. India rama State tam tak zingah State te pawl ni mah ila kan tih tur pawimawh tak niin ka hria a, 50% a lo thawh ve turin a chanve a tlin ngei theih na tur in he House zahawm takah, member zahawm tak te hnenah vawiina kan resolution pawimawh tak hi hetiang hian kan chhiar chhuak ang a, chu chu kan member zahawm tak ten min pawmpui a, he House in kan adopt hi ka rawn dil a ni. Ka official resolution chu hei hi a ni a, kan bulletin part II ah khan nimina tih tur a tih a ni nangin, engemaw programme tlem a han remchang lo deuh a, vawiinah zawk kan han ti ta a, a tha vek tho a. Ka official resolution chu hetiang hian a ni, Pu Speaker, Pu Deputy Speaker “That this House ratifies the amendments to the Constitution of India falling within the purview of clause (b) of the proviso to clause (2) of Article 368, proposed to be made by the Constitution (One Hundred Twenty- First Amendemnt) Bill, 2014, as passed by both the Houses of Parliament”. Member zahawm tak ten min pawm pui tur in ka ngen e. Ka lawm e.

DEPUTY SPEAKER : Awle, official resolution a changtu Minister zahawm tak in an move ta a. Sawi duh kan neih chuan a sawi theih tho a. Official Resolution a ni a , a sawi ang khan Parliament In hnih in majority in an lo pass tawh a, absolute majority in, President assent tur in India rama state zat ve in kan ratify ve a ngai a ni a. Chu chu kan lo pawm mai dawn nge, kha kha hriatchian duh kan nei em? Sawi duh hrim hrim an awm chuan hun hawng lawk ang. Awm lem lo maw, a nih chuan pawmpui tur in a rawn dil tawh a, sawm leh hran pawh a ngai tawh chuang lo a, a move tawh a, chu chu kan buk tawh mai ang a. Hei hi Article 368 na hman a an amend a ni a, Constitution an amend tak hi chu Article 124 Supreme Court Chief Justice leh Judge te appoint chung chang leh Article 217 High Court Chief Justice leh Judge te appoint chung chang a ni a, hei hi Parliament in a lo amend ang hian a rem ti apiangin ‘Rem ti’, ti rawh u le...Rem ti lo kan awm chuan “rem ti lo” ti rawh u le.. Aw le, rem ti lo kan awm lo a.

House in “That this House ratifies this amendments to the Constitution of India falling within the purview of clause (b) of the proviso to clause (2) of article 368, proposed to be

made by the Constitution (One Hundred Twenty- First Amendemnt) Bill, 2014, as passed by both the House of Parliament” chu lungual tak in a pass ta a ni. He tah hian Member ten in hriat ka duh chu Constitution (One Hundred Twenty- First Amendemnt) Bill a ni a, a Constitution amendment ah chuan 99th amendment a ni, Act kha a lo kal hun ah chuan Constitution 99th amendment a rawn ni tawh dawn a ni Assembly Secretariat atanga kha mi Constitution amendment Parliament in an pass in lo dawn a kha copy 2 in dawng ang a, copy 1-na kha bill a luh ang ang a ni ta, copy 2-na kha as passed by Parliament a ni ta a, chu chu Parliament in an lo pass na ah khan, a bill luh na ah khan Constitution 21st Amendment Act tih tho in an ziak a, chu chu Lok Sabha debate a bu kan rawn pek che u phok 130-na ah khan a move tu Union Law minister khan amend a dil nghal a, tah chuan page 1 line 2 for 121st substitute 99 ti in passed a ni ta a ni. Tichuan kan lo pawmpui avang hian India ram Constitution hi vawi 99 siamthat (amendment) a ni dawn ta a ni.

Tunah legislative business-ah kan kal ang a Pu Lalsawta Minister zahawm takin “The Mizoram Lokayukta Bill, .2014” hi House-ah introduce han dil phawt se la.

Pu LALSAWTA, MINISTER : Pu Deputy Speaker, Governor recommendation na leh i phal na leh he House rem tih na in “The Mizoram Lokayukta Bill,.2014” hi he House zahawm tak a rawn put luh ka rawn dil e.

DEPUTY SPEAKER : Minister zahawm tak in a Bill rawn introduce a dil a, kan phal mai lawm ni? A nih chuan minister zahawm tak kan sawm ang a, Bill introduce pah in ngaihtuah a sawi ho tur in rawn move nghal se la, i lo sawm ang.

Pu LALSAWTA, MINISTER : Pu Deputy Speaker, ka lawm e. Kan Bill ngaituah tur pawimawh tak mai hi ka rawn introduce dawn a, ka introduce pah hian ka sawi nghal mai ang a, a fiah zawk in ka ring a, member zahawm tak tak ten nakinah an rawn sawi belh zel tur ah pawh ka ngai a.

“The Mizoram Lokayukta Bill, 2014” hi kan chai rei khawp mai a. Committee te kan buatsaih a, Committee ah pawh he ti lama tui mi te kan theih ang ang in member-ah te pawh kan dah a. Chutiang chuan hun rei ngial kan buaipui tawh a, mi thahnem ngai tak tak ten an ngaih dan pawl ang te, mimal ang ten an rawn thawh khawm diat diat a. Kan Law Secretary hnuai ah hian rei viau tawh atang khan kan lo ching kan lo ching tawh a, website ah te pawh kan khai chhuak tawha a duh duhin commend te pawh rawn siam tur in kan ti a. Kan hriatthiam dan chinah

chuan Mizoram mipui hetiang ngaihtuah thin tawh tute tan chuan leh lo ngaihtuah mek te tan chuan han sawisel emaw, rawtna neite tan chuan kan inpe tam tawk hle in kan hria a. Pu Deputy Speaker, he dan in a tum bulpui ber chu corruption hi a ngampat loh theih nan leh a ti a te na taka kan hrem theihna atan dan neih tul kan ti a. Kan dan neih sa te hi a tawk lo ve tih lam ni lovin, kan dan neihsa te hian an tih theih chin te a awm a, a kalhmangah te a lo muanchan theih avang te leh kawng hrang hranga corruption ngaitheilo mi ten an duh khawp thin loh avangin “The Mizoram Lokayukta Bill, 2014” hi vawiinah hian ka rawn pulut a ni. Vai tawng a ni a, vai ho zingah hian engtingge an lam chu aw ti a kan zawh pawhin an lam dan hi a inang lova. Kan High Court Judge zinga lo kal thenkhat te hi chuan Lokayukta te an ti a. Engpawh nise, kan tawng a nih miau loh avangin eng ang pawhin lam ila kan hriat tlan chuan pawm mai ila a tha in ka ring a.

Tin, corruption chungchangah hian khawvel sorkar te a lo puitling tial tial a, sorkar a lo resourceful a, sum leh pai pawh a lo ngah tial tial hian corruption hi intihhmuh vak ngai lo hian a lo ngampa tial tial a, a lo tam tial tial a. Chutiangah chuan Europe ram hmar lam ami Scandinavian country kan tih Finland, Norway leh Denmark lam atang khuan ombudsmen kan tih hi an rawn ti lar chho ta a. Chutiang ombudsmen chuan an ram nasa takin a ti thianghlimin eirukna lakah a chhan thui hle a ni tih hriat a ni a. Chumi ombudsmen ang chuan India ramah pawh a hming hranin India ram pumpuia central lam mi pawimawhte leh sorkar hnathawkte khuahkhirh tur leh hrem turin Lok Pal hi buatsaih a ni a. Tin, state tinah hian state in kan neih ve tur, state sorkar thuhnuaia kan chelek tur Lokayukta hi neih tul kan ti a. Tuna a tul zualna lanchhuah hma pawh hian kan sorkar hi chuan kawng hrang hrangin corruption nekchep theih dan tur te, tih tlangnel theih loh dan tur kawng te a lo dap in, tunhma Anti-Corruption Branch te pawh Anti-Corruption Bureau a hmingte pawh thlakin leh a nihna te pawh ti lian in a khawihtute pawh officer lian zawk te a han buatsaih chho a, chutiang chuan history hi a lo nei thui ve viau tawh a.

Tin, Pu Deputy Speaker, hemi chungchang ka rawn introduce a kan sawi hmasak duh chu keini rorelnaah hian, he House zahawm takah i hnuaia ro kan relnaah hian Rules of Procedure and Conduct of Mizoram Legislative Assembly hi kan leklam khawp mai a, hemi thuhnuaiah hian rorelna kenkawh chhoh zel a ni a. Chumiah chuan Rules 69-naah ka hriatthiam dan in bill neitu in Speaker hnenah a bill chu Gazette-ah a bill leh a kaihhnawih paper pawimawh zawng zawngte pawh publish turin request a siam thei a, chutiang a siam a nih chuan Speaker-in a ngen angin Gazette in a lo tifel thei a ni tih a

chuang a. Tin, chutiang ang tak a nih chuan nichina kan han tih ang chi motion dil te, introduction tih te pawh kha ngailo tur anga ziaak a ni a. Mahse, he House-a member-a mipui leh Pathian zara kan lo awm ve a, House-a Bill putluh turah hian, keiina ka putluh ve chinah hian pakhatmah chutianga Speaker hnena dil lawk ka nei lova. Tin, ka hriat ve chinah ka tel ve lem loh tum pawhin tumahin an bill hi request siam a Gazette a ti tura an tih hi ka hre lova. Chuvang chuan tun tumah pawh hian kei leh kan minister zahawm tak Pu P.C. Lalthanliana ten kan bill neih ang ang kan rawn thehluh hma hian Gazette a chhuah tur hian kan rawn dil lo va, tih tur a ni tih pawh a awm lo va, an tih ngai pawh kan hre lo va, kan tih lem loh a nih avang hian request a nih avangin kei pawh hian ka ti lo a ni tih ka'n sawi hmasa duh a.

The Mizoram Lokayukta Bill hi kan sawi tawh ang khan central a kan Minister te, kan M.P te leh central sorkar hnathawkte zuk thunun tur leh anmahni chung a thunei tur chuan Lok Pal Bill kan nei a, state ah chuan Lokayukta hi neih a ngai a, chutiang chu kan kalphung a ni a. Hemi tel lo hian corruption hi a zalen ta tihna ni lovin hmanraw dang dang Prevention of Corruption Act 1988 te, IPC te kan nei tho a, a hmanrua atan ACB te pawh kan nei a. Mahse, sorkar hnathawkte an nih bakah thununtu nei te an nih avangin an chak tawk lovin tu mitmei emaw te pawh an veng palh lutuk ang e tih hlauhthawn na avangin chi hrang hranga anmahni enkawltu leh an chung a mitmei ven tur Lokayukta hi awm se kan duh a ni. Chutah chuan member pathum chin an awm thei a, pathum hi awm ngei ngei tur tihna a ni lo va, chumi zingah chuan Chairman kha a awm ang a, a dang chu member an ni mai ang a. Hemi atan hian qualification duhawm tak tak fimkhur taka ngaihtuah ngai tam tak a awm thei a, Mizoram hian tun hnai maiah pawh hian mi tha leh mi thiam kan ngah ta hle a. High Court-in Senior Advocate-a a designate pawh hi kan neih belh tawh a ni. Chungte pawh chu keini tan chuan mi hmantlak tak leh tha tak tak an ni in Lokayukta-a Chairman atan leh member atan te pawh mi hmantlak tak tak tur an ni a.

Tin, kan dan siamah hian Senior Advocate kan tih kher loh pawh court ah te kum bithliah kan nei a, chu kum bithliah te an lo tihfel theih chuan chung chu an qualification ah kan dah a. Mizote zingah thawk thei tur kan tam ve tawh a ni tih ka'n sawi duh a. Tin, he bill ka rawn putluh hian Pu Dy. Speaker, nimin lamah te pawh kan tih ang tho khan tihsual palh hi a lo awm leh thin a. Kan uluk em em a, mithiam rual ten an thlir uluk hle chung hian No. han tihsual palh zeuh kan nei a, chu chu patent error a min pawmsak turin member zahawm tak te leh nangmah ngei pawh kan ngen hmasa duh che u a.

Chu chu section 14 tih kha 13 tih tur zawk a ni a, chumi lo lan na chu Lokayukta Bill kan ti a, tunah chuan section tiin kan sawi zel tawh mai ang a khata a reference ah khan section 13-na ami han tih mai tur kha 14 kan lo ti palh hlauh mai a, a va si fu ta lo hlauh mai a, chulai te chu member zahawm tak tak ten min lo hriatthiam sak a, hei hi chu printing a kan han dah dawn leh Gazette a kan han dah chhuah dawnah siamthat turin kan ti a, Bill kha member te hnenah sem vek tawh a ni a, section 31- na section tiin lam zel tawh mai ila bill a nih chhung chuan clause tiin an lam thin na a keini ah chuan a fiah zawk nan. Section 31-na a a sawiah khan khawngaihin min keu pui ta ula. Khata section 14 tih a han sawi zauh kha 13 tia min correct sak turin ka ngen hmasa duh a ni.

He kan Dan siam hi a pawimawh dawn em a, he ram hi kristian ram a nih ang ngei a corruption a tlem theihna tur leh corruption a tim theihna tura buatsaih a ni a. Chuvang chuan Pu Dy. Speaker, hun ka lo la rei deuh hlek a nih pawhin hemi introduction ah hian hun lak hret a tul dawnin ka hria a. Chapter 14 a awm a, chapter 14 hi chapter 1-na ah chuan preliminaries a ni a, chapter 2-na-ah chuan establishment of Lok Ayukta a ni a, chapter 3-na ah chuan Constitution of Directorate of Enquiry, Investigation & Prosecution a ni a, chapter 4-na ah chuan Expenses of Lok Ayukta a ni a, chapter 5-na ah chuan Jurisdiction of Lok Ayukta a ni leh a, chapter 6-na ah chuan Procedure and Respect of Preliminary Enquiry Investigation a ni a, chapter 7-na ah chuan Powers of Lok Ayukta a ni a. Constitution of Special Courts hi a pawimawh em avangin hei hi han sawilan bik te pawh nakinah ka duh dawn a, chu chu chapter 8-na ah dah a ni a, chapter 9-na ah chuan Complain Against Chairperson, Members and Officials of Lok Ayukta a ni a, chapter 10-na ah hian Accessment of Loss & Recovery thereof by the special Court tih a ni a, chapter 11-na ah chuan Finance, Accounts and Audit of Lok Ayukta tih a ni a, chapter 12-naah hian Declaration of Assets a ni a, chapter 13-na ah hian Offences and Penalty a awm ve leh a, chutah a tawp berah chapter 14-na ah hian Report to the Governor and Miscellaneous tih kha dah khawm a ni a.

He Lok Ayukta a pawimawh na em em hi chu kan rama rorelna sang ber kan Chief Minister te pawh hi he Lok Ayukta thuhnui ah hian an awm thei dawn a, chu chu ka'n sawi hmasa duh a. Ani chungchanga competent authority chu Governor a ni dawn a. Tin, Minister te, Parliamentary Secretary te, MLA te, Board Chairman zawng zawng te kha competent authority nei vekin khang ho khan anmahni he Lok Ayukta atanga awlsam zawka an chungchang enquiry te han siam zung zung, preliminary enquiry leh

investigation te han siam zung zung theihna turin competent authority an nei far a ni. He thil pawimawhna hi a indawt te te in sawi ta ila Pu Dy. Speaker. Section 3-na sub-section 1-ah khan functional independence a nei dawn a ni. Functional independence kan tih chu an ni hian an ACR ziaktu tur an nei lo, an ACR ziaktu tur chu mipui an ni mai awm e. Chief Minister an hlauh a ngai lo va, tumah hi hlauh tur an nei lo va, mitmei ven tur pawh an nei lo a ni. Tin, Constitution in a phut angin mipui tana roreltu, mipui tana hnathawh tur lian leh mawhphurhna sang tak nei an nih avangin thutiam (oath) an lak a ngai a, chu chu section 3-na ah bawh khan a awm a. Tin, Section 3-na ah bawh hian anmahni qualifications pawimawh te pawh a rawn sawi a ni. Tin, an ni hi tute nge an nih tih hi vawiinah hian tute mahin kan la hre lo va, beiseina nen mi tha tak, mi rinawm tak, corruption haw tak leh chumi kawnga chak tak leh khauh taka hma la turah kan han beisei phawt mai a. An hlauh tur te pawh hi a sang khawp mai a, Chairman hian High Court kan tih bikah chuan Gauhati High Court turah ngai ta ila, chuta an Chief Justice hlauh ang hi a hlauh ang a; tin, member te chuan Gauhati High Court-a Judge hote hlauh ang kha an la ve dawn a ni. Tin, an term chhung hian an salary hi a hniam zawngin engtikawng zawng mahin tih thian a ni lo tih kha Pu Dy. Speaker, ka sawi duh bawh a. Amaherawhchu, an hnathawh chhung hian tute lakah emaw lo tih lawm emaw, tha lo thlah deuh avanga Company lian ah te, sorkar ah ngei te pawh employment beisei a an hnathawh tur an thawh that tawk loh an hlauh avangin employment hi phalsak an ni lo bur mai a ni.

Tin, Lok Ayukta a thawk ho zawng zawng hi an condition of service kan ti ang chu, an promotion dan tur te, anmahni hrem theih dan tur te, eng eng emaw an service chungchanga thil pawimawh zawng zawng kha chu regulation in Lok Ayukta hian a siam sak dawn a. Tin, Pu Dy. Speaker, pawimawh em em mai bawh chu, an ni hian huaisen tak leh mitmei ven nei miah lo va thil an tih theihna turin Directorate of Enquiry, Investigation and Prosecution hi siam tul kan ti a. A chhan sawifiah pawh ngaiin ka hria a. Tuna kan neih sa ang ang hi engemaw chhung chu kan hman a ngai dawn tho tho a ni maithei a, pawisa lamah harsatna a awm thin avangin. Mahse a mihring bera te hian an ACR ziaktu te an nei a, anmahni control tu an lo nih a sorkar anga hlauh nei an nih kha chuan an thawh tur ang hi an thawk tha thei lovang tih hi kan hlau a, churang chuan autonomy nei ve thei ngei turin an service a regulations hmanga functional autonomy an nei tur ang bawh khan Directorate hrang an neih hi tul kan ti a ni. Thenkhat ngaihdanah chuan heng hi sum a hek mai mai a, tul lo tih te pawh hi a awm ve a, mahse keini

ngaihndan ah chuan Directorate of Enquiry, Investigation and Prosecution hi neih tha kan ti a. A chhan chu hlauh nei tan chuan hna tha a thawh theih loh a, hlauh nei lova an thawh ngei hi kan duh avangin hei hi a Dan ah hian kan han buatsaih a, chu chu section 11-na ah khan kan member ten in lo thlir duh chuan a lang ang a. He Directorate of Enquiry, Investigation and Prosecution hi kan neih hma chuan sorkar hnathawk Anti-corruption Bureau ami pawh kan hman nawk nawk te a ngai ang a, chungte avang chuan helai hi a provision pawh kan han siam tel phah a ni.

Section 13-na Jurisdiction hi a pawimawh khawp mai, hei hi kan House member zawng zawngte pawhin min hriat sak ka duh a. A saptawngin kan chhiar ang a. “The Lok Ayukta shall enquire or cause an enquiry to be conducted into any matter pertaining to or arising from, or connected with any allegation of corruption made in a complaint or in a case initiated on its motion in any respect of the following namely-” a ti ta a. Khatah khan kan la sawi zel turah mawltein lehkha phok var ringawtah pawh complaint an thehluh hian thutakah an lo la thei a. Tuten emaw corruption an tih chungchanga an rawn report, hekna ni lovin an rawn report, ‘hek’ tih tawngkam hi Mizo tawngah hian kan hmang diklo hlein ka hria a. Hek leh thuhrih hi a inang lo a ni. Mi an chhiatna tur leh an mawi lohna tur atana dawt a mi chanchin, thuneitu emaw hnena kan sawi hi hek a ni. Mahse, thudik tak kan sawi hi chu hek a ni lo. Kan hek a ni reng reng lo, thudik kan sawi a, a tuar tuar chuan an tuar tur a ni mai a ni. Chutiang tur atan chuan duh duhin paper an thehlut ang a. Amaherawhchu, chhui zuite a ngaih dawn avangin, an address te chu an pe turah kan ngai a. Tunlai chhanah pheih chuan Mobile no. te pawh kan pe ang a. Engtingge hei i thu rawn sawi hi a fiah lo riau mai ti a chhui zui theihna turin.

Tin, anmahni kha kut phuar ringawt tur a ni lova, min an rawn tih ringawt pawh nghak tur an ni lova, Lok Ayukta hian a own motion-in he pa/he nu hi chu a dik lo aniang. Chanchinbu an chhiar ve atangte emaw, ti ti atangtea hriat emaw, ama mit ngei a a hmuh atangte khan own motion khan case hi chu a institutethei a ni, bul a tan thei a ni. Khalai kha a pawimawh khawp mai a. Amaherawhchu, exception a awm a, he exception hi, he House zahawm takah hian kan member ten an duh duh zalen taka an sawi theihna a awm a, chu zalen taka an sawi theihna avanga tu chanchin emaw an sawi avanga an hmang an lam chhuak emaw, lam chhuak lo emaw, hriat theih ngei tura an sawi emaw ang chungchangah khan kan member zahawm tak te hian privilege kan nei a. Chu kan privilege ang kan tih emaw, Committee na ah House Committee naah te kan thil sawi emaw ang chi kha thuchhiaa

lak a rem lo a ni. Hei hi hman sual theih tak nimahse keimahni mipui aiawha member kan nihnaa min venhimna a ni a. Lok Ayukta pawh hian he House-a kan member zahawm tak ten an sawi vangin, amah kha rawn bawhzui emaw, ama sawi chungchang atang khan case rawn siam emaw kha chu rem lo turah kan ngai deuh a. Amaherawhchu, member in House-a ka sawi hi chu an bawhzui ang a tih erawh hi chuan ama chungchang a nih loh pheih chuan a theih tho turah kan ngai a. He privilege hi kan neih loh chuan House-ah hian dawih leh hlauin kan awm ang a, kan ram tan thu kan sawi tha ngam lo ang tih hlauh vanga he provision hi siam a ni.

Tin, heng case lo awm tawh reng reng hi mahni kut sil a, hei chu Enquiry Commission-ah pe mai ang tih hi a thiang lo. An mawhphurhna an keng tlang zak tur a ni. Tu malchungah emaw an va dah mai thiang lo a ni. Chu chu section 13-na sub-section 4-na ah khan a lo lang leh a. Commission of Enquiry Act 1952 angin he thil hi chu keini tan a buaithlak em mai kan ti thei lo va, an ni hian ti teh se tia va hlan mai chi a ni lo. Dan hian a phal lo a ni.

Section 21-na ah khan Furnishing of Information and Document an ti a, heng hi a pawimawh em em a, hna an thawh dawn chuan, min hekna te an rawn sawi a, he pa hian chuti khati, an Office lam ah, an hnathawhna ah, contractor nena an inkar ah, khatiangah khan document pawimawh tak tak, thuhruk an duh, min hmu lo se an duh ngawih ngawih a lo awm thei a nih pawhin khang kha a va dil thei a ni. A va dil ti mai ang, khatiang kha pek theih vek a ni.

Tin, 22-na hi a pawimawh khawp mai a, enganga lian pawh nise, eng anga sang pawh nise, eng anga oficer lian pawh nise, preliminary enquiry leh investigation atan chuan sanction a ngai lo a ni. Sorkar in a sanction a, authority kha a ngai lo a ni. Amaherawhchu, an han bawhzui zel turah chuan sorkar hnathawkte pawh Article 3:11 in anmahni hrem theihna kawng hrang hrang a lo tih hmain sanction a ngai a. Tin, Public Service Commission-a thawk te Article 320-na ami ang te pawh anmahni hremna tur chungchang a nih chuan a pangngai anga sanction chu tih theih a ni a. Amaherawhchu, Preliminary Enquiry hi a thiam lo chiang bal a ni, he pa hi corruption chungchangah hi chuan a thiam lo chiang bal a ni a tih a sanction pek loh hi chu, sanction pe thei tu tan chuan thil tih chi a ni lo tawp ang tih hriat a nih avangin heng hi chu i zawm ve ang khai ti in state danga an tih dan te kha a zawm tlak ang kan ti a.

Tin, Pu Deputy Speaker, Lok Ayukta hi an nei neuh neuh a, state thenkhatah chuan mi corrupt te tawmimna tha tak an buatsaih a ni ang a tih tur khawp te hi a awm ve a. A chhan chu Chief Minister te, Minister te, Parliamentary Secretary te, MLA te, khang kha a hming chuan an han ti ve lim liam a, thiamchang tein an chhuah ve leh mai bawk thin a, khatiang neih kha kan hlau a ni. Khang ang neih kha kan duh lova, chuvang chuan India rama kan neih that ve berte zing ami Karnataka Lok Ayukta hi kan entawn tam ber a.

Tin, Mizoram hi kan hriat theuh angin internet atangte a kan resource a nih loh chuan keimahni own resource ah chuan mahni puala (mithiam hetiang lampanga heti tur a ni tia), mi thiam leh experience nei hi kan ngah vak lo va, chuvang chuan tha ber nia kan hriat ang chi kha a hrang hrang kan bih khawm a, Committee hian an bih ngun khawp a, chutah chuan he ta an tih dan hi chu a tha ang tih te kha anrawn tih angah hi chuan Karnataka hi kan lak tam berte an ni a, thawkkhat lai phei kha chuan an Chief Minister nen pawh khan an inhmu thiam lo ve rap rap kha a ni a. Public ah chuan Chief Minister zawk kha a thiam lo aniang a, kan han ti nghal mai a, a dik pawh a dbik berin a lang a. Engpawhnise, kan hriat tawk leh kan phak tawk angah chuan Dan na na na han duan hi chu kan thiam ang tawkin kan ti tha a. Corruption dona tura hmanruaah chuan hei bak hi tuna kan tlin tawkah chuan kan ti thei lo a ni.

Tin, Lok Ayukta hi mi rinawm tak takte awmna tur ani a, an Office a thawk tur pawh an Secretary leh a hnuai lama thawk tur mi rinawm tak tak te thlan khawm tur an ni a, anmahni Lok Ayuka ngei in a buatsaih tur te pawh a ni a. An Service Regulation ah te pawh chutiang taka thuneihna pek an ni a. Mahse, an ni hian mimal case te te kha ro an rel dawn lo a ni. Helai hi a pawimawh khawp mai a, a puhtu in an chungar ro a rel nghal hi khawvel kal hmangah remchang lo an ti a. Chuvang chuan Special Court-ah Special Judge in an ni chungchang hi (case an pek hi) ro an lo rel dawn a. Heng ang chi hi zawh thuai thuai theih na turin Fast Track Court kan tih ang deuh hlek a hmanhmawh taka zawh turin kan ti ang a. Tin, an ni hian heng case an pek te hi an maimitchhin hnan nghal mai dawn lo va. An hria in an ngaihven zui em em ang tih hi keini chuan kan beisei nghal tlat a ni.

Special Court hi a hranpa taka office te nei tur leh a mihring te pawh lak belh ngai a ni lem lo va. Tuna kan neih ang kan District a Court lian ve tak tak te pawh khi High Court nena state government kan inrawn tawn a, hei hi chu Special Court-ah hmang ila, a Judge atan pawh amah hi Special Judge-ah ti ang ti a rawtna kan siam chuan kha kha Special Court lo niin Special Judge a ni nghal thei mai bawk a ni.

Tin, Lok Ayukta hi mihring ve bawk an ni a, eng ang a mitha pawh ni se tihsual palh te a nei thei in tih sual luih pawh a nei thei a. Chung ang a hnathawhna kawng zawng zawngah hian a langtlang tawh tur a ni. Lang tlang tak, anmahni chungchangah leh an hnathawh, an functioning chungchangah hian transparency hi a sure tur a ni ti in Section 24-na ah hian he Transparency hi kan rawn dah tel bawk a ni.

Tin, Lok Ayukta kan han tih ber hi mi hria ten an sawi danah chuan Lok Ayukta pawh hi a mihring a hi a ni mai, amah hi Lok Ayukta chu a ni mai, a member te pawh hi Lok Ayukta an ni mai an ti thin a. Chutiang chu a nih hmel in ka hria a, khang ang khan thuneihna zau tak, thuneihna sang tak hi a nei ve hrim hrim a ni tih hi he House zahawm takah hian sawilan tul in ka hria a. Thuneihna nei mang lo, hlawh sang fu si, Bangla ropui taka luah mai tur ang chi hi chu he sorkar tum dan a ni lo. Kan Chief Minister zahawm tak kaihhruai na ah hian corruption hi kan nek chep a tul zia te, sorkar pawisa hman dik loh a huatthla lak zia te hi kan sawi tam a, a hrihl pawh hi kan in hrihl ngun a. Tukin zing question hour-ah te pawh sawi lan zawk a ni a. Compensation chungchangah te pawh hian dik lo taka pawisa hmuh tumna hian kan ram hmasawn duhtu te lu a ti hai ta lutuk a. Khang ang chi ah te pawh khan corruption, District Collector a ni emaw, estimate siamtu leh khami va chhut tu zawng zawng ang te pawh khan tu emaw pawisa pekna tur atan a an lo inthural ang chi te pawh kha huatthlala tak a ni a. Public money, nang leh keiin kan thawhkhawm, helaia lo tling khawm hmanna tur atan hian dik taka tih a nih loh chuan a thawhkhawm tute rilru a na thei a. Mi diklo ten hmun pawimawh an luah hi kan sorkarin rem a tih loh avangin chutiang kheng thlawn thla nghal thei tur Lok Ayukta hi neih kan duh a. Chuvang chuan vawiinah he House-ah hian Lok Ayukta Bill hi ka rawn pulut a.

Tin, Search & Seizure, thil eng emaw thuhruk leh khami va zawn theihna te pawh kha kan nei a. Tin, amah kha lal tak nimahse power a hman turah khan Civil Court lam ami koh theihna te, khatiang thuneihna kha Court of Civil Procedure 198, khatiang chi zawng zawng kha amah hi pek tur a ni a. Tin, helaia pawimawh tak chu eng hmanraw hmangin nge chung corruption chu a umzui ang tih laiah hian eng Agency pawh, Mizo zingah pawh lar ve tak tawh CBI kan tih te pawh hi an service hi a hman sak thei a ni. Chu chu Section 28-na ah khan member ten min lo en sak chuan in hmu ang a. Tin, ha nei a nih a ngai a, seh thei a nih a ngai a, chuvang chuan transfer leh suspend nghal theihna tur thuneihna hi Preliminary Inquiry an han neih atang khan Lok Ayukta hian a nei a, chu chu Section 31-na ah hian a lo awm a. Section 34-na ah khan Special Court din a ni a, chu Special Court chuan Lok Ayukta atanga case a hmuh te a bawhzui tur chungchang kan hmu leh a.

Section 35 & 36-na ah khan, 35-na ah khan Letter of Request kan ti a, a mamawh ang zawng zawng hna chak taka a thawh theihna turin khawi Department-ah emaw a mamawh zawng zawng tul kha a va requisition thei a ni. Letter of Request kan ti tak na in Requisition ang a ni ang chu, pek loh ngam pawh a nih ka ring lo. Tin, anmahni leh anmahni hi an inchhui a rem lo, hei hi 36-na ah khan a lo lang a. Mahni leh mahni in chhui chu thiam chan a awl dawn em a. Chutiang chuan a Chairman ber pawh hi kan beisei loh ang tak hian lo fihlim lo ta viau mai se, chutiang chuan he House-a member zawng zawng 2/3 in petition siam a impeachment, amah kha paih tura kan nawr emaw, tin, Supreme Court in ani hi misbehavior (corruption in legal context) a rawn tih chuan Governor hian a ban tawp thei a ni. Tin, he House member 2/3 in petition sign a kan tih kha chuan a ualau hle tawh in kha pa kha a diklo hle tawh tur a ni a. Chutiang chuan paihthlak theih (impeachment) a ni a.

Tin, Pu Deputy Speaker, 45-na hi a pawimawh khawp mai a. Hei hi Lok Pal Bill-ah te pawh khan a awm a, Karnataka-ah te pawh khan a awm tho niin ka hria a- : whenever any person makes any false and frivolous or vexatious complaint and causes arrest of public servant', public servant hi kan ni vek a, helai a thukhawm zawng zawng pawh hi, official gallery a thu te nen hian public servant kan ni vek mai a. Mipuite chhiahhlawh definition hi Prevention of Corruption Act, 1988 ah hian fiah tak in a sawi a, IPC-ah pawh a sawi tho a. Mahse Prevention of Corruption Act, 1988 ami hi a exhaustive zawk a. Chutiang chuan public servant, mipuite chhiahhlawh kan nihna anga tuten emaw uanthuan thil tak emaw, dik lo tak emaw, ngeiawm leh chimawm (vocations) taka complain an theh luh a, chumi avanga kan Chief Minister emaw, Minister dang emaw, Commissioner te emaw man hial an lo nih a Judge in chutiang chu a ni tih a finfiah baw chuan. Chutiang a he institution zahawm tak hi tihbuai mai mai na tur chi a nilo tih hriatna turin amah kha hrem let theih a ni, condition a awm tuk mai. 1-na ah chuan false (diklo tak) 2-na ah chuan frivolous (uangthuung, ti mai mai) ...chimawm leh engemaw ti zawng a va kherh buai vel, khatianga complain a siam a. (tunah chuan he tawngkam hi kan hmang ang a) Pu Dy.Speaker, diklo taka ava hek kha man a nih chuan special judge-in chutiang taka a hriat baw chuan chumi chu pawisa chawitir theih a ni a. Chu pawisa chu a pek loh chuan thla 3 chhung lungin tan tir theih a ni. Helai hi thenkhat chuan an la vawng deuh hlek niin ka hria a. He House-ah hian han sawi tha ka ti a. A hrem tura te lampang sawi awm silo, hrem tlak leh hrem phu te, chutiang corruption hua rawn ziaktute lampang hremna ziah duai mai hi chu a dik dawn emawni le an ti a. Court-in hrem tur a tih dan kawng chungchang hi chipchiar takin keini sawi phak a ni lova. Engang sentence nge a pek dawn pawh kan hre lo va. Sawi tur tam tak a awm ang a, a then chu lungin tang tur te an ni ang a, thenkhat chu hlep rukna a nih chuan hmanni lawk a Tamil Nadu Chief Minister an hrem ang

deuh khan lungin tantir piahlahmah pawh cheng nuai hliir, nuai 1 chawitir tul ang deuh te pawh kha a awm ve thei a. Khati zawng kha kan sawi uar lova, he Danah hian an tithei a ni tih lai hi kan sawi mai a. Mahse, diklo taka hektute erawh hi chu khatianga sawi teh dum ngai lo khan helaiah hian paragraph 1-in kan sawi mai a, chu paragraph ah chuan helh deuhthe an lo awm a nih pawhin kan zalenna hi mawhphurhna nen a kalrual a ni tih hi he House-ah chuan sawi tha ka ti a. Kan zalenna hi duh duh, mahni huat zawng te emaw duh duh tih pawp pawp theihna chu a nilo a ni. Entirna pakhat kan sawi ang a, tum loh tak thil thleng a ni a. Sikul 1-ah hian naupang pawl 5 hi an zirtirtu in naupang dangte hek avangin thil ru ah a puh a, thil ru ngai lo a ni nge ni a na ti lutuk kha in lam a haw atang khan a biak tlak loh, tunah chuan nula a ni tawh a. Nula a ni tih pawh a la hre lo. Min diklo taka min puh a, min tihbuai zek hi thil awm thei ve a ni a. Helaia venthawanna kan dah hi tu tan mah hian huatthlala in kan hre lo. A tha zawk hle ah kan ngai a, Mizoram ah hian facebook te kan uar a, You-tube te, whatsapp te thil dang dang kan ti a. Kan thil tih hian mi chhungkua leh mimal nun te a khawih na dawn em? Hei hian a pasal/a nupui a hmuhna tur kawngah harsatna a thlen dawn em? Thu finfiah awm silo, na tak maia amah pawh hriat theih bawk si a kan han inti chiam chiam mai te pawh hi cyber law te hi han zir deuh chuan lungin tan theihna te hi a lo tam hle mai a. Chuvang chuan, kan zalenna hi mawhphurhna lian tak nena kalpui chi a ni e tih hi Pu Dy.Speaker, kan sawi tel nghal a. Tin, hetah hian mimal kher nilovin pawl ang pawhin kan duh duh ngampa taka tih mai theih chi chu a ni chuang lo. Pawl kan nih avanga inthlamuan mai chi pawh a ni chuang lo. Diklo taka thil tih, a tuartu tana na em em, amah arrest hialna tur khawp a nih chuan mawhphurhna nen he ram kan enkawl tlanna leh kan vei tlanna ah hian kan tih chu a ngai ve a ni. Mi nun kan ti chhe thei a, mi chhungkua kan tibuai vek thei a ni tih kha tawite in kan sawi duh a.

Tin, Pu Dy.Speaker, helaiah hian sorkar hnathawk an tihtur an tih a, mi an va man emaw, mi in an va dap emaw in good faith a an tihah khan anmahni kha khinlet a thianga lo. An tihtur, an public duty a ni a, in good faith a ni a, report rinawm tak an hmuh a, he motor-ah hian zu bur 500 chuang an rawn phur a ni tihte an hriat chuan chutianga lo enkawl tu leh lo mawhphurthu chuan 'in motor kha ding rawh se, kan han check ang e' an tih kha a thianga ni. Tin, mi pakhat in corruption nasa taka bei in a inah a nuai tel in a chheprelh a ni awm e tih hriat a nih chuan chung ang te pawh chu kha report kha rinawm tawk a nih a, warrant of search te an lo neih a, tin, seizure atan pawh an neih chuan an va kal ang a, chumi avanga an thiltih, in good faith a kha a titu te kha hrem hlauh tum theih chi a ni lo, chulai chu han sawifiah tel ngaiin ka hria a.

Tin, Lok Ayukta hi kan duhthawhna lamah kum zabi 1600-1700 vel Spanish inquisition ang deuh a siam mai duhna te hi chak lutuk a kan duhna ah hian a awm palh thei a. Rambuai reh tawh lampang, la buai viau lai khan Pu Dy.Speaker, Phaileng ah khuan BDO ka ni a. Ruah sur churh churh lai hian sipai ho leh tu te emaw hi an lo thleng a. Kha tute emaw hmai an tuamtir tlat, mit zawn chiah an reh pawh kha vawiin thleng hian tunge ka la hre lo va. Sikul tualah mi an punkhawm a, an kawh ta reuh a, appeal na tur hi a awm lo reng reng. Khami kawktu khan khaw 2, khaw 3-ah kawh tur a hre tawh lo a nih chuan Phaileng ah tal hian ka kawh loh chuan min ringhlel letling tawh ang tih hlauhna vangin a duh zawng zawng kha a kawh palh mai thei a ni. Chuvangin, hengah hian thuneihna kan inpek hian thuneihna thununna hnuai a awmlo hi a hlauhawm ve tho tih kan hriat a ngai a. Police an ni emaw, Excise lampang an ni emaw, judge an ni emaw a nih pawhin dan ang in rule of law kha la operate zel kan duh a ni. Tin, hetiangah hian mi corrupt-te kan ti na in mi corrupt tak pawhin corrupt lo tak nih a duh avangin ‘Ukil rawihna ka nei lo, pawisa reng reng ka nei lo’, a ti tlat ve thei a. ‘Ka nei lo’ a tih miau chuan sorkar hian a thiamthu a sawi ve theihna tur atan ukil a rawihna kha kan tumsak thei a ni. Tumsak ngei ngei tur tih pawh a ni lo, amahin a rawn dilte pawh a ngai ang. Chulaiah chuan helh deuh kan lo awm a nih pawhin hei hi chu anmahni thu thu a ni a. Khatianga puh ten, ‘Ukil ka mamawh a, pawisa ka neilo, min rawih sak rawh u’, a tih tlat chuan kha kha chu India Judiciary ah hian sawipuitu neilo court chungchang hre ve bawh silo ten sum an neih bawh siloh chuan Legal Services Authority tukin zing lama kan sawi ten an lo buaipui zingah sorkar in sumte pawh tumsak in ukil te pawh an lo buatsaih sak thei a. Chu chu Section 52-na ah khan a awm bawh a ni.

Tin, Pu Dy.Speaker, vawiinah hian kan insawm nghal te pawh nise engtikah nge he Lok Ayukta hi a taka kan neih tur chu hrelo mah ila whistle blower an ti a, mawlte a kan hriatthiam dan turah chuan whistle blower chu an thawhna ah hrechiang tu in (a thawhpui ten) corruption an tihdan kalhmang zawng zawng te, an chairman ber emaw, commissioner emaw, thu ber ten an tih dan te a hriat vek avanga thu neitu te hnenah a va sawi khan amah kha a taksa himna leh a service himna leh amah pawh humhim a ngai thin a ni. Chuvangchuan hei hi section 56-na ah khan kan dah a. Whistle blower hi protect an ngai a, amahin a ti ve duh miah lo a, mahse a mit hmuh ngeiah a thawhpui ten corruption an ti a, chiang taka thuneitu hnena a thlen avang khan harsatna tam tak a chungah thleng thei a nih avang in amah hi protect, (venhim), a ngai ve thung a. Chumi atan chuan section 56-na kha kan dah a, a saptawng hi i phalna in kan chhiar chhuak lawk ang a, “For the protection of complainant under this act, section 20 of Anti-Corruption, Grievances Redressal and Whistle blower Protection Act, 2011 shall apply and that the word, ‘Lok Pal’, wherever it occurs in that section, shall be Lok Ayukta,” Kum 2011-a he Dan an lo siam tawh, Anti - Corruption,

Grievances Redressal and Whistle blower Protection Act 2011 in a sawi ang hi amah venghim turin a apply vek anga. Tin, Lok Ayukta.....

DEPUTY SPEAKER : Chuti chu diklo taka ti emaw, mi er vanga complaint-tu hrem theih a nih rual khan, complaint-tu ven himna pawh a awm tel nghal tihna a ni maw?

Pu LALSAWTA, MINISTER : Hei hi chu whistle blower kha a ni ta a ni, a thawh na ah, ama thawh na ah khan a thawhpui te khan diklo taka thil an lo tih khan authority hnena thil an lo tih a va hrih kha chuan amah kha an ching hlum duh mai ang tih te pawh a hlauhawm avangin hum a ngai ta a ni. A thawhpui zawng zawng, ni tin a a office kalpui te an nih avang khan, Lok Pal ti a inziak zawng zawng hi Lok Ayukta ti a thlak mai nise, he Dan hi hman nghal a ni, an ti mai bawk a ni.

Pu Deputy Speaker, a tawp ka khar dawn tawh ang a, heng thil tha tak tak kan tih te hi kan ram tan Dan bu chhah lo tak ni mahse, kan ram khawih danglam thei tu, kohhran ti buai tu, chhungkaw ti buai tu, khawtlang ti hmelhem tu, heng zawng zawng a hlawk taka hma min laksak thei tu tur Mizoram Lok Ayukta Bill hi kan pass chuan, Gazzette a nih ruala operation nei nghal tur a ni lo va, pawisa hi 14th Finance Commission-ah kan dil a, hmuh ngei pawh kan beisei a, pawisa lam kan hmuh theih chuan kan Bill-ah pawh hian kan pawisa mamawh zat, Financial Memorandum te kan rawn tarlan kha, khang ang diak diak kha kan hmu pha lo a nih pawhin Lok Ayukta Bill hi kan nei tawh si a, tunah chuan Act a lo ni ta a, khawngge appointed day neiin i han hmang tan teh ang kan ti a, kan sum neih ang angin a din theih dan tur kawng kawng a kan inbuatsaih a, search committee te siam a eng emaw kan han tih theih tawh chuan din thuai theih kan duh em em a, kan House Leader hruaina ah hian corruption hi tawmim se kan duh a, rawn tlangnel lo se kan duh ngawih ngawih a, chumi atana pawimawh ber ni a kan hriat, 'The Mizoram Lok Ayukta Bill 2014' hi kan member zahawm tak tak ten min pass sak turin Pu Deputy Speaker, nangmah through hian ka han ngen a ni. Ka lawm e.

DEPUTY SPEAKER : Awle, move na chipchiar takin, a Dan chhung luh chilhin Bill dang ai chuan a move chhung pawh a rei deuh a. Dan thar a ni a; tin, keimahni ho pawh min phuar tu tur leh min chhui tur Dan a nih avangin kan pass pui ngei theih nan fiah takin a rawn move a ni a. Kan sawiho dawn ang a, chawhma lam hun tlem kan la nei a, member pakhatin minute 5 ti leh mai ila, kha ta tlema sawi tur ngah deuh kha chu kan in ngaihathiam thin tho a, minute 10 kan tih

hian kan darkar neih hian min daih miah lo a, chuangchuan minute 5 ti ila, a khat zual deuh a kha chu kan inpe thei tho a, a tha mai em? A nih chuan tunge han sawi tan ang? Pu K.Sangthuama.

Pu K. SANGTHUAMA : Pu Deputy Speaker, ka lawm e. Minute 5 kha a tlem khawp mai a, kan inhriatthiam deuh hlek chu a ngai ang, minute 10 hi tun hma atangin kan tih dan tlangpui deuh, a ni a. He Bill phei hi chu a pawimawh khawp mai a, kan Minister khan thil a rawn sawi chiang viau mai a, hemi kan han pulut hi hrim hrim hi a lawmawm khawpin ka hria a. Mizoram mai ni lo India ram pumpuiah pawh corruption chungchang hi kan buai phah a kan mangan phah a, a zawn chhuah lam leh a hremna lamah hian eng state sawrkar mah hi kan chak tawk lo vek a. Tin, central sawrkar pawh a chak tawk lo a, hetiang Dan tha neih hi a hlu a, a tha em em a, a lawmawm khawpin kan hria a. Amaherawhchu chutih laiah chuan, a rawn puluttu kan Minister zahawm tak khan thil fiah fai tak chuan a rawn sawi a, a rawn sawina laiah pawh hian duhkawp loh deuh eng eng emaw han sawi tur a la awm nualin ka'n hria a, chuangin ngun takin min lo ngaihthlak sak se a thain ka ring a.

Chapter-1, bung-1 na, section-1 no 2. ah khan, 'it extends to the whole of Mizoram' tih hi, kan ti thei ang em? Nge Mizoram pumpuiah hian he Dan kan siam hi kan ti thei em? Dan kan siam tam tak hian kan District Council pathum saw a huam thin lova. Chapter-1 a a rawn sawiah hian, 'the whole of Mizoram' tih hi enge ni, nakinah sawifiah a ngaiin kan ring a, anmahni District Council a inhumhahna an neih, zu zawrh chungchangah te pawh kan va ti thei lova, entirna pakhat chauh thil dang dang pawh a ni vek a, hei hi nakinah sawifiah a ngaiin ka ring a.

Tin, chapter-3 na, section-11 ah khan, thubuai chinfel prosecution chu Directorate kutah a awm ang tih a ni a, chapter-6 na, section-19 ah chuan, prosecution wing kutah a awm tur thu a lang ve leh tlat bawk si a, hei hi a inkalh niin a lang a. Tin, prosecution wing dinna tur hi thil duanah hian a lang leh lo niin kan hmu a; tin Directorate pakhat chauh din tura tih a ni a, mahse prosecution wing tih tur tih laiah hian a lo lang leh nawlh bawk si a, heng hi nakina hrilhfiah thain ka ring a. Prosecution wing kha a hranpaa din leh tur thu kha a chiang leh bawk si lo, khalai kha chiang takin kan Dan siamtute kan Minister te khan lo enchiang ula nakinah la sawifiah leh ngaiin ka ring a.

Tin, bung 13-na, section 45-naah chuan, nichinah chiang tak chuan a rawn sawi tawh na a, complaint-tuin a sawi dik loh chuan thla thum thlanga lungin tan tir theih a ni a, hrem a

nih tur thu a lo lang a. Thla thum thleng kha lungin tan theih a ni a, hetah hian a hektu, nichina an sawiah khan, engemaw ti a, nuihzat zawng ang lek leka la a, thil awmze nei mang lova va hek te, va tih te, khatiang khan heti laiah khan a rawn hrilhfiah a, a dik khawp mai a, mahse hei hian, false a tih ringawt te, frivolous a tih te, vexatious a tih te, heti laiah hian false, ‘any false’ a ti a, diklo taka va hek a hi, a dik miahlo reng a, amaherawhchu dik lo taka hekna kha a nih leh nih loh hre turin kan va hek duh thei a, khami kan va hek duh a kha a chiah chiah erawh chu hriat a har a. Pakhatin kei hian corruption ka ti ah lo ring ta se, mi rawn hek sela, lo ti lo ta ni ila, court-in thiam mi chantir ta si sela, chuti laiah chuan a hektu chan hi a chhe thei viau mai a, hei hi ngaihtuah chian ngai hlein ka hria a. Chuvangin mi hi kan ti ti deuh mai ang aw tih ngaihndan min siam tir thei a. Mi an tit loh deuh hlekna tura he Dan hi kan siam chu a ngai awm mang e ka ti a.

Nichina hrilhfiahna kha chu a chiang thawkhat viau nain, keini hrilhfiahna leh midang hrilhfiahna kha a lo inanglo ve thei a, hei hi bung 13, section 45-ah khan kan hmu a. Chuvangin hektute kan tlem phah ang a, kan tum dan a that ang hu hian kan kal tha theilo mai ang tih ngaihndan min siam tir thei tur awm niin ka hria a.

Tin, bung 14, section 52-ah khan, nichina chiang taka a rawn sawi tawh ang khan, ‘ukil rawih sak’ tih kha a awm a, a dik khawp mai. Court danah hian neilo na na na chu ukil rawih sak hram tur tih hi sorkar leh court lam thutlukna a ni a, tam tak an rawih sak a. Mahse tuna kan danah hian, a tul kher em aw ka ti deuh a. Sorkar laipua hnathawkte hi a huam ve lova, hei hi hrilhfiah a ngaih deuh ka ring a. State thenkhatah chuan a huam tho a, Dy. Secretary thleng a huam ang tih te a awm a, Uttarakhand lamah te pawh. Helaiah pawh central sorkar hnathawk engemaw zat an awm ve tho a, a tenau atanga a lian thlengin. Hengah hian Dan an siam ve thei lo em ni ang, hengte pawh hi telh a tha lawm ni tih te ngaihndan ka han sawi duh baw k a.

Tin, nichinah khan, transfer/suspension chungchang tihsual palh a ni e an rawn ti a. Khati laiah khan chiang thawkhat mai turah ngai ila. Chulo lehah chuan, kan danah hian ka han hriatthiamloh leh chu, amah hian thuneihna hranpa nei lovin, an ngaihtuah ang a, corruption chungchanga hekna te kha a ngaihtuah ang a, chu chu court-ah a thlen ve leh mai thin dawn nge, amah hian huneihna hran em em a nei chuang lova, a thunawn ang deuh mai kha a ni dawn nge ni tih te hi chianglo hlein ka hria a. Chuvang chuan ACB-te, CBI-te chu kan hmanrua turte chu an ni ngei ang a. CBI te pawh state sorkarin phalna a pek loh chuan amah chuan a ti ngawt thei dawn lova. Hengah hian a tul dan azirin state sorkarin phalna a pe zel dawn nge tih te thlengin kan danah hian ngaihtuah tur a awm baw k a.

Tin, section 15 (i)-ah hian a bench awm tur te; a case file chungchang thu te; section 24 a transparency chungchang thu te; section 25 a thuneihna te; tin, section 45 leh 46-a a hektute hremna ang chi te leh section 52-a ukil rawihsak kan tih ang te kha tha tawk a a siamtute siam a nih rual khan a tha ber em tih kha ngaihtuah nawn leh ni se. Pu Dy. Speaker, minute 2 lek. Chuvangin kan dan siam hi vawikhatah a fel vek thei lova, chuvangin, ennawn leh ni ta se, chiang zawkin session lehah pharh leh ni se. Vantlang te pawhin eng emaw sawisel te an nei a. A Dan hrim hrim hi chu hnial tur a awm lova a tha a. Siam tur pawh a ni a. Mahse hei hi ngun zawka en leh a, Budget session lehah te pawh ennawna pass a tha mai lawm ni? Vawiinah hi chuan tlemin duhthu a samlohna laiah hian sawi tur tam tak a la awm a, 5 minutes chung chuan duh ang a sawi hleih thei si lova. Chuti laiah chuan kan House hian ngaihtuahna hmang nawn leh ila a tha lawm ni tih rawtna ka han siam duh a ni.

DEPUTY SPEAKER : Minute 10 aiin hun i hmang rei a. Tunah minute 5 vel chiah hun kan nei e. Chumi chhunga thusawi thei tur chu kan awm em, a sawi hnem hman viau a nia? Awle, Parliamentary Affairs Minister Pu R. Romawia ilo ko ang.

Pu R. ROMAWIA, MINISTER : Pu Deputy Speaker, Lokpal an siam rual khan, Lok Ayukta kha state tinin kum 1 chhungin India pum huap a siam tur a ni a. Dan dang zawngin J&K a huam lo vang tih a nih laiin Lok Pal ah kha chuan, "It extends to the whole of India" a ti a, exception a pe lo reng reng a. India chhung ami leh pawn ami pawh a ti a, chutiang khawp chuan corruption chungchangah UNO lam atanga khawvel pum kan chhiat pui na boruak lian tak awmah khan keini ram pawh hon'ble Minister-in a sawi ang khan Scandinavia lam ten an lo thatpui em em kei ni India ram zau tak leh mipui tam tak leh natural resources a hausa tak corruption avanga kan changkan theih lohna thui tak awp beh a awm ni a hriat na avanga heng hi rawn irchhuak chho a ni a. Chutiang chuan a rawn kal chho va, keini pawhin kan ngaihthlak ang khan India hmun hrang hrang te pawhin an tih dan deuh enin chutah chuan 'keini Mizoram state in a hemi hi keini chuan kan hman thiam tawk leh kan tih mi ber a ni ang e' ti a dan uluk tak an rawn duan chhoh chu vawiin khan kan lo ngaihthla ta a ni. Thenkhat sawi te kan lo ngaihthla ve mai mai thin a, Lokayukta in a mi va hrem theih lo ang hial ten, a mi tha zawk, mi sual, hepa hi a sual a ni va ti tu zawk zawk hrem thauh si ang lek lek a an sawi te kha ka han thlir a, ka rilru a lo awm ta chu Police te hian misual kha an zawng ta a, court-ah khan an va ding ta a, an va prosecute ta a, tah chuan Court khan prosecution ngaihndan te ngun takin an ngaihthla a, chutah chuan judgement an siam ta a. Chuvangin, tuna mi tam takin an duh dan ang, Lokayukta hian hrem

nghal zel mai se an tih hi chu a tha dawn em ni aw! Police hian judgement order kha siam chhuak nghal ta zel mai se, a prosecutor ho khan. Tumah hi an va thiam thei dawn lo em ve. Thu lai taka relna kha a va awm lo awm em ka ti a. Heti hian public leader te hi an lo zahawm hle a. Thuneihna te an kutah a lo awm bawk a. Chutiang a nih avang chuan, public leader te hi official an transfer theihthe emaw, an promotion theih te emaw, an demotion theih te emawin thu dik takah pawh thubuai han siam sak kha thil ngam awm a lo ni hauh lo thei a. Chutiang a nih avang chuan autonomous body siam a ngai ta tlat mai a. Public leader te dik lo taka an lo khawsak pawhin, autonomous body chhuitu awm a ngai tlat mai a ni. Minister te, an transfer theih loh, an khawih theih loh, khami autonomous body kha a ngai tlat mai a ni, prosecution ah khan. Chumi avang chuan, khami uluk taka han chhui tur khan Lokayukta body kha siam a lo ngai ta a. Chumi ah pawh chuan mipuiin an mi rintlak tak tak, mithiam tak tak, autonomous body khan an han chhui dawn ta a. Uluk takin an han chhui ta kauh kauh a. Tahchuan, ‘E hei chu thubuai siamsak tlak a ni e. Puhna hi evidence a awm e’, a han tih ah khan, Special Court hnenah khan thu an thlen dawn ta ni maiin ka lo chhiar ve a. Chu Special Court a Special Judge chuan a rawn buk dawn ta a. Chutiang avang chuan a lehlamah sawipuitu mamawhna pawh a lehlam chuan a lo nei ve ta tho va, a fair hle dawn in ka hria a. Kan Police officer ten emaw an va khin a, khatiangah khan Judge in rorelna lai tak kenkawh a lo tumna ang chi-ah khan a dik dawnin ka hria a. Chuvangin, thuneihna sang tak Autonomous Body Lokayukta kha khang thil zawng zawngah khan enquiry han tih leh khatianga charge tlak a nih chuan han charge turte a nih hi han sawisel vak tur emaw a nih le.

Tin, tu te emaw hmel huat vang leh eng emaw avanga uan thila chutiang khatiang tih mai mai te hi kan ram hian kan sim a hun tawh a. Chutiang zawnga ‘an ni ho hi an kam tam man hrem ang’. Mizo Danah pawh kam tam hrem theihna Dan kan nei ve tawh tho a. Kam tam man hrem ve phawt ang aw’, an lo ti te kha, engemaw ah chuan a awm khat hle mai a. Mizo Dan nen pawh a inrem hle ang a te ka ti ve zawk a. Chungte chu ka’n sawi duh a ni. Pu Dy. Speaker, ka lawm e.

DEPUTY SPEAKER : Aw le, tunah chuan kan chawl rih ang a. Dar 2:00PM ah kan thukhawm leh dawn nia.

2:00 P.M.

SPEAKER : Kan Bill sawihona kan tan leh tawh ang a. Chawhma khan pahnih chauhin an swi hman a, tunah sawiho tan leh tawh ila. Tu nge sawi hmasa ber ang? Pu Rinawma.

Er. LALRINAWMA : Pu Speaker, ka lawm e. Hei, vawiinah Mizoram Lokayukta Bill pass turin an han chhawp chhuak a ni a, a lehlamah hetianga Dan keimahni min phuartu turte pass tura an chhawp chhuak thei hi a lawmawm hlein ka hria a. Chutih rual erawh chuan thil tam tak kan ngaihtuah thain ka hria a.

Ka hmaah kan senior, West-1 bialtu zahawm tak khan a sawi nual tawh a, a sawi tam tak kha kei pawhin ka pawm a, ka ngaipawimawh hlawm khawp mai a. Tin, chubakah chuan helaiyah independent charge-a awm tur kan nih lai khan financial system lai, a pawisa hmuh lai tura hi ka rilruah a lang deuh hlek a. A chhan chu section 12-na hi lo en ta ila, kan pawisa hman tur hi charge tur ang takin a rawn lang a, hetiang independent body kan nih dawn chuan, thil duh awm takte a ni a. Amaherawhchu, Section 40-na provident fund-ah hian state legislative in a tih leh tih loh tak khanin a rawn ziaik leh bawk a. Helai hi kan Minister zahawm tak khan min lo chhinchhiah sak sela thain ka hre bawk a. A chhan chu pawisa lo kalna tur a kha body chak leh chak loh tih laiah khan thil thui tak a kawh avang khan keimahni min chhuitu tur an nih lai kara sum control tu lama kan tan leh si kha chuan thil kha a buaithlak ve theiin kan ring deuh a. Kha kha min hrilhfiah thei se a lawmawm khawpin ka ring a.

Nichina ka hma a an rawn sawi tawh angin Section 13-na central lama thawkte a chhui theih loh vang tih laite pawh kha kan ramah central body tam tak, central hnathawktu tam tak an lo awm tawh a, tunah pawh an la rawn awm belh zel bawk a. Khangte pawh kha ennawn tih that leh theih te pawh ni sela a tha khawpin ka ring a.

Tin, Section 45-naa a complaint tu hremna tih taka pawh kha a sawi ang khan ti khan thil kha an kal a. Amaherawhchu, hetianga miin thil an rawn thehluh tawh a thu dik a nih leh nih loh finfiah chhung chu rei ve deuh a nia. Chutih lai karah Ukil rawih sakna tur te a lo awm a. Kan puha te khan Ukil an han ruai ang a, thiamte an chang a nih pheii chuan keini zawka kha min rawn khing let ve leh mai ang a, tih te kha kan ngaihdan tlangpui kha a ni a. Tah khan kan member zahawm tak te hriat atana ka duh chu mi a titim thei mai awm mang e tih te kha a lang thei deuhvin ka hria a. Tin, hei a tlangpui thuah chuan bill thar kan han nei tura hi kan ram tan chuan hmasawanna pawimawh tak leh hlim thla lanna tur pawimawh tak a niin ka hria a, a lawmawm hlein ka hria. Chu chu ka sawi theih tawk ni mai teh se. Ka lawm e.

SPEAKER : A lawmawm e. Sawi tur dang kan awm tawh lo a niang. Awle, a tha e.

Dr K. BEICHHUA : Pu Speaker, kan ram Mizoram hi Pathian zawnychhuah ram kan ti a, Kristian 100% inchhal ram kan ni a. A ralmuang a, kan society leh kan culture te pawh a tha a, nuam takin kan cheng a ni. Chutih lai chuan khawvel hmasawn zel karah corruption hian kan ramah hian zung a kaih thuk thui tawh khawp mai a. Chutiang lam kan ngaihtuah chuan corruption avang hian rilru a rum a ni. Chutianga rilru tak taka kan ngaihtuah phei chuan he corruption hi a nawlpui anga kan do loh chuan kan ram hi tun atanga reiloteah chuan chhanchhuah theih lohvin a awm ang tih ka ngaihtuah thin a. Keima mimal ang pawh hian nasa takin ka ngaihtuah ve thin a ni a. Chutih laiin helaiiah Lokayukta Bill tha tak Law & Judicial Department-in an tha leh zung leh ngaihtuahna te, an hun leh thil tam tak senga he Bill an rawn buatsaih hi lawmawm ka ti a. A bik takin kan Minister zahawm tak hnenah lawmthu ka sawi duh a. Chutih laia he Lokayukta Bill ka han en ve thuk thuk chuan Law lama thiamna nei ka nilova. Mahse, hei a hminga roreltu te kan lo nih takah chuan ka lo en ve ta a. Chutih laia ka rilrua lo awm ve chu, khawvelah hian thil tha tih tumna tam tak te a awm a, thil thaa kan ngaih, tih tura hma kan lak lai hian thil tha lo tam tak hi chu mi bulah chuan a awm a ni tih hi ka rilru ah hian a lang a. Chuvang chuan, “The Mizoram Lokayukta Bill, 2014” hi ka phak ang tawkin kan en ve a. Mahse, ka en tam poh leh Law lama thiamna neilo na na na chu kan buai deuh ting emaw tih tur a ni a.

Chutih lai chuan kan Minister khan tukinah chiang tak khan a sawi ta a, khatia a han sawi takah kha chuan engemaw chen chu hriatthiam chin te pawh kan lo nei ta a, bengvarthlak ka ti a, Minute 5 chauh a ni si a duh zawng pawh kan sawi hman dawnin a lang lova. Pakhat te tea han sawi dawn chuan sawi tur chu a awm ve nual a. Pu Speaker, tlemin min lo hrethiam deuh hlek la.

Pakhatna-ah chuan nichina kan senior-in a rawn sawi tawh ang khan kan hriatthiam loh nge maw ni dawn ni,. Section A(2)-ah khan, it extend to the whole of Mizoram tih ah khan dan dang nena in an loh na lai a lo awm ta a. Ka phak ang tawkin 6th Scheduled bu pawh kan en ve chhin a, heta ka hmuh ang chinah chuan Tripura, Meghalaya, Mizoram, Assam-a 6th schedule in a protect ho ang ah chuan para 3(a) leh 3(b) leh 8 leh 10 ang ah te kha chuan Parliament-in emaw, Legislature in emaw dan a siam reng rengin not applicable

unless District Council so direct with or without modification tih te kha a ni tlangpui deuh ta a. Chutah provision-a a hnai deuh ber ah chuan Governor may direct not to apply or may apply with or without modification tih te. Chuloah Parliament-a Law an siam khan President may direct not to apply or may apply or without modification tih te pawh kha ka lo hmu ve si a. Helaiah hian engnge ni thil awmzia kan Minister zahawm tak khan nakinah min hrilhfiah thei se a tha in ka hria.

Chulohah chuan Section 3(1) te pawh kan han en ta a. Administrative, Financial leh functional independence tih kha a lo ni a. Hei hi Lokayukta kan neih duhna chhan ber te pawh a nih ka ring a. Chuvangchuan, helai a tawp lampang berah khan a chiah chiah sawi lemlovin, hun a tawi avangin hetiang independent body ni tur khan finance-ah khan department pakhat 14th Finance anga nichina a sawi ang khan lo hmu ta ni ila department pakhat enkawl ang khan helai Legislative atang hian kan enkawl leh tho dawn a. Finance-a heta tanga enkawl leh tho state in a enkawl tho a nih chuan engemaw chenah a hren theihna te pawh kha kan nei dawn tho va. Chutiang a nih a a sum leh paia han inhren ngat kha chuan independent a nih loh nalai kha a kaw k deuh rohvin ka hria a. Chunglai te pawh chu hetia keiman kan en danah hi chuan a nilo awm mang e aw tihna rilru te pawh ka nei a.

Tin, Lokayukta Body han constitute ah khan Chief Minister, Speaker leh Leader of Opposition leh Chief Justice tih kha a ni ta a, a tha thawkhat viauin a lang a. Hei aia tha tur ka rilrua lo awm mai mai chu nakin hun lo kal zel turah heng Chairman te, Secretary te leh Lokayukta kan siam hi tun dinhmunah la ni lo mah se, hun lo la kal leh zel turah chuan ruling hmanrua ang te pawh hian kan chan tir palh lawng maw? Tute emaw duh sak deuh a Chairman-a han dah mai te emaw, Secretary-a hand ah mai te emaw khawvel kal chho zel turah hian a ni thei ang em tih te hlauhthawwna tam tak ka nei ta a. Chuvang chuan sawi tur tam tak a awm ang a, chu chu warning a ni tawh em? Pu Speaker. (Speaker : Aw, warning, i in rin nan.) Chuvang chuan heta a main ber a kha chu tuna kan financial memorandum kha en ta ila, State sum bawm atanga kan hlawh leh thil dang zawng zawng kha kan phuhruk sak kha a ngai dawn a ni. Tuna kan financial dinhmun ngaihtuah chuan hei hi chu tunah rih chuan kan va tlin dawn lo em tih kha rilru ah ka nei a ni. Tuna kan sum dinhmun a chhiat zia chu member tin hian kan hria a, sawi sawi pawh a ngai lova. He Lokayukta ropui tak hi han din ta ila State-a High Court rank ang a ni dawn a, a body kha a lian dawn a, sum hman tur pawh kha a tam dawn a, tun

dinhmun ah hi chuan kan va tlin dawn lo em, chuvang chuan engpawh nise a tha lo ka tih na pawh ni lovin a principle hi a tha a, kan Mizoram context ngaihtuah hian corruption hi a nasa tawh mai si a. Chuvang chuan engemaw a do nan hian siam a ngai a ni tih rilru hi chu keimah a lo awmsa tawh. Tin, hei hi a lo awm pawhin tha ti tu ka ni. Mahse nichina ka han sawi ang te te, hun pheih chu awm se chuan han sawi belh te pawh a chakawm viau a, mahse hun a awm loh avangin kan sum dinhmun ngaihtuah in tun ang dinhmun ah hi chuan hei hi la pass rih loh ni se, tlem in pending deuh in a fuh lo deuh hlek lai a kan ngaih pawh hi enthat leh zual ni ta se, nakum March thla emaw velah te tal hian pass turin ti ta ila a va fuh awm ve tih na rilru ka nei a. Tin, tunah hian han pass ta teh reng pawh ni ila Pu Speaker, kan pass ringawt ang a, Dan helai a kan pass a, Bill pass a, Dan neih lo tluk deuh thaw hian kan la kal ka ring a ni, kan sum neih loh vang hian. Chuvang chuan kan la tih theih loh tur hmanhmawh taka lo tih kha eng nge a tulna tih kha ka rilru ah a lo awm a. Engpawhnise chung te avang chuan a Bill hi ka duh lo nilovin kan dinhmun, kan hma state context atanga chhutin kan la fit lo ka ti a. Tun thut thutah hian pass lovin a leh pek a pass atan engatinge kan pending hrih mai loh tih leh ennawn leh phawt nise tih kha ka rawtna a ni. Ka lawm e.

SPEAKER : A sawi tur member zahawm takte kha khawngaihin midang sawi zawh veleh khan din tum ila, hun ren nan. Aw, Pu R. Lalrinawma.

DEPUTY SPEAKER : Pu Speaker, tawite han sawi ve ka duh a. Bill tha tak mai keimahni min control tu tur huaisen taka Law Minister in a rawn pulut hi lawmawm ka ti a, hei hi rawn support pahin a move na ah khan a rawn sawi nual tawh a. Central-ah Lok Pal an ti a kan hria a, State-ah Lokayukta an ti a, hei hi ombudsman atanga lo chhuak, hemi entawn a tih a ni a. Ram changkang zawk ah te, Scandinavian country, developed country kan tih ah te tun hma 1809-ah khan an lo nei daih tawh a, Sweden te pheih chuan an nei a, 1919-ah Finland, Norway tih te. Anni chuan administrative system, administration a administrative official ten an power misused leh injustice leh mal-administration khang ang control nan ombudsman hi din a ni a, corruption ngawr ngawr hi a tum a ni lo a. Khang ang administrative authority te hian thuneihna/discretionary power, anmahni chhia leh tha hriatna power exercise na tur tam tak an nei a, khang ang dik lo taka an hman complaint na tur khan parliamentary control te a awm a, chutah chuan Parliament-ah chuan au chhuah sak tu tur an neih a ngai bawk si a, khatiang kha a lo tawk lo a, judicial review an ti a, court a kal te tam tak tan a lo harsa a. Chuvang chuan

ombudsman heng institution hi mipui ten an lungawi loh na thawi damna, redress an hmuh na tur atana institution lo awm a ni a. Chu chu India ram ah pawh hian kan mamawh ve a ni tih kum 1967 vel atangin Lok Pal Bill a lo lut tawh a. Tunah chuan Central-ah pawh Lok Pal Bill a lo awm tawh a, state tam tak pawh hian an lo nei chho a Lokayukta hi. Uttar Pradesh in kum 1975 ah, Madhya Pradesh in 1981-ah, .ti khan rei tak tak an lo nei chho tawh a. Chu chu keini pawh hian kan ram ah hmasawna hna te kan thawk chho dawn a, heng ah hian corruption hi kan hmasawna dal tu a ni kan ti a. Kan House Leader zahawm tak ho in corruption do na turin term hmasa atang khan kawng hrang hrang in hma lak a ni a. Tunah hian Dan kan neih sa in a huam bak leh Dan kan neih sa a chak loh na lai te a chhui tu tur in institution tha tak mai khang administrative system dangah pawh a hrem tu an nilo a, a chhuitu an ni. An chhui a ti khan Court-ah an pe thin a, Parliament ah te an sawi chhuak thin a, court lamah te an thlen thin a.

Tun a vawiina mi tam takin in kan duh ang a chhui bawk, va complain a, an hrem ang a tih ang chi hi chu tun hma Barbarian State, democracy kan nih hma....dictatorship hnuai a te a awm a. Democracy ah hi chuan check and balance, power hi kan in sem zai a ngai a, tu kut ah emaw thu neihna pum hlum awm lovin, absolute power kan hman chuan hman sual a awl lutuk a...a chhui bawk ang a, a man ang a, a hrem thei tu a nih bawk kha chuan principle natural justice hi a kalh hrim hrim a ni. No man shall be a judge in be own cause ? tumah ama chung changah roreltu ah a tang thei lo. Aman sual ni a a hriat a va chhui, a hrem thei tu, roreltu a lo nih vaih kha chuan, British hunlai a India ram awpbeh nan an hman chu Magistrate power kha police power te nen an nei vek a. Chutiang chuan awpbeh nan a hrem thei tu chu Lal a ni tia an ngaih deuh avang khan chu chu India ram lo kal chho zel ah hian separation of judiciary te an ti a, executive control atangin judiciary te pawh an han dah hrang ta a. Tunah pawh hian judiciary hi kan term hmasa atang khan kan pu ho in kan dah hrang a. Seperation of Judiciary a awm a, Court hi kan hnuai a awm tawh lo va, tiang chuan a chhui tu institution Lokayukta chak tak hian rang takin an chhui tawh ang a, a hma chuan ACB te sorkar hnuai a ni a, rin loh na lai te pawh kan nei a. Amaherawhchu independent in an chhui tawh ang a, khami khan an chhui chhuah chu independent judiciary ah hrem turin an thlen dawn tih na a ni ta a, tam takin kan duh khawp loh na lai kha pakhat a power hlawm vek emaw, thil ti thei vek emaw, super government emaw kha a ni thei dawn ta a. Kha kha mipui bawk hi a zo lo tur kan ni leh dawn ta a ni. Tin, a complaint tu hremna dan lo awm te pawh kha a tha em em mai a. A chhan chu politics a inhuatna vang te,

thenawm khawveng inhuatna vang te, ram in chuh vang mai mai pawhin thil tih theih a lo ni a. Hei hi a body hi a chak si a, amaherawhchu kha kha man thleng hial a lo tawh khan dik lo a complaint a lo nih si chuan tih a ni chauh a Mahse lemchang ang zawnga kha pa puh thluk nan thil dik lo tak a tih a a complaint a, man hial a lo tawh tawh a, complaint kha a lo dik lo a nih si chuan complaint tu kha man theih a ni ve tih kha. Tlan chhe chungin corruption hi kan do tur a ni lo a, a report tu pawhin a complaint a nih chuan huai takin a complaint tur a ni tih te kha hun a tawi si a Pu Speaker, kan sawi lang ve duh a. Bill hi a tha khawp mai. Ka lawm e.

SPEAKER : Sawi tur dang kan awm tawh loh chuan House Leader-in engemaw sawi tur a nei em aw.

Pu LALRUATKIMA : Pu Speaker, sawi tur dang an awm emaw ka ti a ka'n nghak deuh a, tawi tein a rei lovang. Kan Law Minister in kan rama eirukna, hlemhletna chungchang do na turin Dan tha tak mai a rawn buatsaih a, vawiinah kan House-ah sawihona hun tha tak kan nei te hi a lawmawm tak zet zet in ka hria a. Kan ram dinhmun te kan hria a, tun hnaiah India ram pumah Anti-corruption movement a lo nasa a. Chutiang chuan kan ramah te pawh nghawng nasa tak a nei tih kan hre tlang awm e. Chumi piah lamah chuan 2008 Election Manifesto-ah khan Vigilance Commission kan sorkar hian ruahmanna a siam a, a ti puitling ta lova. Tunah hian dan tha tak mai "The Mizoram Lokayukta Bill, 2014" he House zahawm takah hian kan han sawiho ta a ni a.

Dan hi chu a famkim veklo tih chu kan ngaihthlak tawh atang pawh khan a langin ka hria a. Chulaiah chuan duhthusam Dan tling pha lo mah se engemawchen hi chu kan ramin a mamawh leh a thatpui tur ni te pawhin a lang a. Han tih fel ngai, han sawi belh ngai, duhthu a sam tawh lohna lai kan han ching pawr lo thei lova. A thate chu kalsan zung zung ngai Pu Speaker, a ni a. Chuvangin Mizoram pumpui huap tur Dan a nih miau avangin helaiah hian Bill pakhatna Section 2-ah khan a rawn lang a, Sixth Scheduled ami te pawh huap vek tur Dan vawiinah hian kan duan thu te pawh kan ngaithla a ni a. A hrang hranga kha han sawi tur pawhin Administrative te, Financial leh Function ah te pawh independent a nih tur thu te pawh Section 3 (i)-ah khan kan hmu bawh a. Helaiah hian engkim mai a sum petu tur kha Section dangah te khan sorkar a nih loh theih lohna chin a awm a. Appointing authority pawh sorkar a nihna chen a awm a. Mi pali kha member tur khan ruahmanna an siam a, kan Law lam changtu Minister te kha a initiate tu turah khan an tel turah ka lo ngai ngawt a, mahse midang an rawn dah ta a. Helaiah hian amah a inrelbawlna tur hrim

hrim pawh hi Section 58-a kan hmuh angin regulation pawh amahin a insiam thei tur a ni tih te pawh kan hmu a ni.

He Lokayukta hian kan Chief Minister atanga Minister te, MLA te leh sorkar hnathawk zawng zawngte corruption laka an fihlim loh chuan chhui thei tura ruahman a ni a. Tin, sorkar nena indawrna tur thil, association hrang hrang, corporate hrang hrangte nen ruahman pawh kha a ni a. Khalaiah khan ka sawi duh chu Section 13-naah khan a lang a. Tin, Section 43-naah khan sorkar hnathawk leh sorkar atanga hlawh la chinte thil neih leh thil bat zawng zawng kha assets puang turin a rawn ti bawk a. Chulaiah chuan 44-naah chuan an hmuhchhuah phawt chu eiru anga ngaih tur tih a rawn tarlang bawk a. Declaration kha kan kalphung leh kan society dinhmun hrim hrim en hian fimkhur a ngai khawp maiin ka hria a. Declaration kan tih phungah hian Bible-ah Anania leh Saphiri an sum leh pai zawng zawng ni lo deuh an theh chhuak ang deuh te kha Declaration fel lo tak te kha an lo neih palh chuan fimkhur taka inzirtir ngai thil te pawh niin a lang a. Nichina an sawi Section 45-naah khan Offences and Compensation thereof ah khan thil ti dik lotute frivolous leh vexatious complaint a awma hremna dan awma kha a him chiah ang em aw tih chu ka nei a. Rinhlelh zawngte kha a va puh theih tho mai si a. Kan rinhlelh zawng te kha an lo nih loh palh khan harsatna awm thei awmin ka hria a. Bill neitu Minister zahawm tak khan nichin khan a rawn sawifiah tho nangin Dan chhungah hian inven ngai tam tak chu a awm tih kan hre tlang vek mai a.

Heng zawng zawngte ngaihtuah chung hian he Bill hi rawn lut a ni a. Engtikah nge kan hman theih ang, engtik atangin nge kan tihpuitlin theih ang tih chu tuman kan sawi thei lo nangin a tihlawhtling theitu chu sorkar a ni a. Kan dinhmun te, a thatna lai leh that lohna lai te hre chungin ngaihtuahna nasa tak an rawn seng zel turah te pawh kan ngai a. Tunah hian kan dinhmun hrang hrang han en hian kan Financial Memorandum-ah te kan en chuan a sum hman tur, mamawh tur ti mai ang cheng vaibelchhe 13 leh nuai 90 ni in a rawn lang a. Chutiang te kan nih lai chuan Financial Memorandum hetiang ang thil ropui tak mai High Court tluk pha hial kan din dawn a, ruahmanna kan siam a, sum leh pai harsatna nasa tak kan tawh mek lai hian kan tlin ang em aw tih te chu ka ngaihtuahna ah a awm a. Hemi ti hlawhtling tur hian 14th Finance Commission atangin sum tam tak kan dil a. Ka hriatsual loh chuan cheng vaibelchhe 122 leh nuai 2 leh sing khat kha kan dil mek a, a hlawhtlin dawn leh dawn loh kan hre hauh lova. Chutiang te a nih avang chuan engtikah nge kan tih hlawhtlin ang? Tun dinhmunah hian dan tha tak si hi a famkim lohna laite rawn lang tho si bawkah hian a harsa deuh awm mang e aw ka ti a. Amaherawhchu, kan member

zahawm tak tak ten an sawi a, Dan tha tak tur si, tangkai tak tur si phuailuui deuha han tih kha fel lohna lai te pawh tam tak awm thei a ni.

Tin, whistleblower te protection ah pawh khan an him chiah ang em tih pawh kha ngaihtuah thlen fe ngai thil a awm a. Amaherawhchu, engtin nge a hlawhtlin ang, a hlawhtlinna zawng thlir dawn chuan engkim mai kan bawh rawp rawp lo thei lo a. Chutih kawng ah chuan kan whistleblower te kan protect dawnah pawh khan ngaihtuahna zau tak kan neiha khati zawnga ngaihtuahna kan hman a thain ka hria.

He Bill, 'The Mizoram Lokayukta Bill, 2014' hi Dan tha tak ni chuan ka hria a. Amaherawhchu, a phuailuaina laite pawh kan Bill neitu khan siam that te, a tul anga en that zel theih a ni, dan hi chu a tir lamah famkim lo mah se a hnu lamah kan thawm tha thei zel alawm a tih kha a dik khawp mai a. Kan sawi tawh ang leh kan ngaihthlak tawh angin dan zawng zawng chu famkim thei lo vek a nih laiin hemi Bill rawn luh hma te khan opposition te nen pawh han sawiho ve hrim hrim ila tha tur a ni a. Bill luh hma hian Bill lian, ram pum huap chai theih thil ang chi kan House zahawm tak hian Bill pahnih vel chu kan ngaihtuah tawhin ka hria a, sawiho tlana kan ngaihdan te pawh in share tlan, han intih bengvar tlan kha a thain ka hria. Mipui lamah ngaihtuahna zau tak nei te, nghakhlel taka lo thlirtu pawl hrang hrang te, mimal te an awm tih pawh kan hria a. Beiseina sang taka lo thlirtute beisei a phak chiah loh thu te pawh nitin chanchinbu-ah kan hmu a. Chutiang te chu kan nih avangin he Bill tha tak hi tangkai taka Mizo mipuiten eirukna leh hlemhletna, kan ram tichhe tu dona tura kan dan neih hi a famkim lo lai te pawh kan hriat tlan a thain ka hria a. He Bill hi ennawn theih ni se chuan a tha viau chuan ka hria a. Engti kawng zawng pawhin sawi sawi mah ila kan pass tho tho dawn ni te pawhin a lang a. Chutiang dinhmunah chuan kan din miao avangin keini tan chuan a famkim lohna lai te, a fel lohna lai te kan han point out te kha nakinah pawh kan Minister zahawm tak khan min rawn hriatpui se la. He Dan hi tangkai taka kan hnam leh kan ram tan hmasawna leh corruption kan tih ang chi zawng zawng laka Mizo hnam te min veng him tu a nih theih ka beisei tlat a ni.

Chuvangchuan, he dan hi kan sum leh pai dinhmun te hre chung a ngaihtuah phei chuan pass ngam chi ni pawhin ka hre lo a. Amaherawhchu, kan dinhmun kan enin a bill hi tha ka ti lawi baw si chu a ni a. Chulai chu kan dinhmun a ni a. Chuvangchuan, he bill hi tun dinhmunah chuan hnuh let leh rih mai hi a tha mai lawm ni tih te pawh kan sum dinhmun thlir chung a ngaihtuah chuan ka ti a. Kan mamawhna thlir chung erawh chuan kan mamawh hle chuan ka hria tih kha kan sawi tel duh a ni e. Ka lawm e.

SPEAKER : Pu T. Sangkunga

Pu T. SANGKUNGA : Pu Speaker, ka lawm e. Kan Leader uapnain kan Law Minister-in hetiang Dan tha tak mai a rawn chhawp chhuak hi a beihna zawng zawng leh mithiamte a rawnaah te, NGO pawl hrang hrang a rawna result a niin ka hria a. Hun tam tak kan neih loh avangin han sawi zung zung ila. Tukin khan MZP President zin tur nen kan inbia a, engnge MZP in in ngaihkan ka ti a, tha kan ti thlawt a ni a ti a. India ramah a vei hmasa leh a rawttu kan nih avangin India rama he dan nei tawh state kan hriat ang ang kan collect a, Mizoram hi a tha ber a nih loh chuan pahnihna chu a ni ngei ang a ti tawp mai a ni. State dang nei ho hi ngaih ang a lo ni hauh lo mai a, a ningnel ve angreng riau mai a. Chuvangin MZP te pawhin a thalo kan tih lai kan sawihonaa kan rawt kha an lo co-operate zel mai bawk si a, chuvangin keini chuan hei hi min pass sak hram ula a ti a. Chhimlama Chawlhbuk lungphun va phum tur a ni a, chumi nen chuan hei kan General Secretary nen, kan Financial Secretary nen kan kal a ti a. Kawngkawia han tawh pawh khan thahnem a ngai niin ka hria, a mah pawh khan min rawn phone zel a, a content a hmuh dan te min rawn hrilh a, a tha an ti a, a rawttu ber kan ni a, NGO hrang hrang ko khawmtu pawh hi kan ni a, sawihona pawh organise thin kan ni a a ti a. Lawmawm ka ti khawp mai a, khatiang dan tha, kei he dan hi ka lo zir ve ngai lova, YMA-a kan awm laia YMA aiawh kalah pawh khan ka tel ngai lova, ka lo blind khawp mai a. Central YMA President leh a dange ka'n bia a, 'kan hrelo khawp mai, idea kan nei lo', an ti a. 'Chuti a nih chuan YMA chuan tha tih leh tih loh thu ah pawh lo study-na in nei vak lo ang a nih chu', ka ti a, 'ni chiah e', an ti a. Chuvangin a zir nasa inti te chuan he kan Bill hi an lo fak khawp mai tih a hmasa in ka'n sawi duh a.

A dawt lehah a danglamna em em chu kan hotuten min post avangin Mizo zingah chuan Vigilance Departmentah a awm rei ber ka ni a, kum 13 ka awm a, ACB in an chhui zawng zawngte hi kan lo exam thin a, chutah chuan ACB in investigation an tih tur zawng zawng hi Vigilance Department-in Chief Secretary phalna kan lak loh chuan an chhui thei miah lo. Tin, CBI ko lut turin Chief Minister phalna kan lak loh chuan a theih miah loh, he dan erawh hi chuan he Lokayukta hmang hian CBI kha a duh duh hi a chhui tir ringawt mai dawn a ni. Hetianga kan hotute an inphal ngam hi ropui ka ti a. Kan Chief Minister pawh hi CBI in chhui rawh se a tih chuan chhui nghal mai tur, phalna lak a ngailo reng reng, chu chu Chapter 5 section 13 sub section 1 phek 12-naah khan a awm a. Ka awm loh hnuin dan hmannah ka chhiar a, a lo danglam hlek a, Joint Secretary hnuai lam kha chu direct-in ACB khuan an lo chhui thei tawh a, a chung lam phei chu phalna lak ngai vek a ni, Chief Minister chhui te chu teuh lo mai. Chuvangin thir pal chhah takin kan inhung hi a ni ngawt mai a ni J/S chunglam kha chu, a hnuai lam kha chu chhui theih

mai an ni a, chu chu vawiina kan dan ding lai a ni. Ka hriat zawng zawngah eng state mahin Chief Minister phalna lo a CBI koh luh phal state an awmlo reng reng. ACB-a ka awm lai khan tam tak ka zawt a, sorkar phalna lovin CBI an inrawlh thei lo an ti vek a ni state khan. Assam te pawh kha chhui an rawn tum ngawt a, Gogoia'n a awihlo reng reng. Tunah kan hotute Dan siamah hi chuan kan pu ber, kan House Leader te, kan Speaker te pawh hi phalna la reng reng lovin an rawn chhui thei tawp mai a ni. Bungrua zawng zawng leh an duh duh hi an seize thei ringawt mai a ni he danah hian. Chutiang khawpa dan ropui kan nei hi chhiar chianglo tan chuan a ropui zia hi an hre phaklo zawkin ka hria a, kha section ah khan suo moto-in complaint emaw suo moto-in emaw an thei a ti tawp mai a. Ka zu chhiar a kan pu te hi an va huai em, an corrupt lo hle a nih hi ka ti tawp mai a ni.

A dawt leha ka'n sawi leh duh chu, information an hmuh theihna turin right to information act kha chapter-6 section 24 pheh 17-naah khan han keu leh ula, khami ang chiah zalen taka information act kha an in cooperate bawh si a. A dawt leha chuan Section 26-ah pawh khan investigating body te powerful zia kha a lang a. A dawt leha section 27 sub-section 1, pheh 19-na ah khan Civil Procedure Court power a la nei leh bawh si a, a ropui ka ti a. A dawt leha chuan tuten emaw dawta eng eng emaw min tih a, tu tu te emaw min han chhui ringawt, khatieng dawt lutuka tuten emaw min han puhna a hektu hrem theihna a awm leh zel te kha ropui ka ti a. A hremna kha na lovin ₹1000 thleng chauh chawi theih pawh nise khatianga tih let dan an han khung te kha mi intihmualpho lohna a ni a. IAS pakhat Goa-a post ka hriat reng chu kan DAO fel bera ka ngaih kha an hek a, chhui a ngai ta si a, an han chhui rei ropui si a, a promotion zawng zawng a forfeit a, dawt a lo ni tih an han fiah meuh chuan a aia junior-in an lo kai khalh nasa tawh lutuk a, a tih te pawh he Dan kan en hian ka hre chhuak thar a. Chuvangin khatieng dawt ringawt maia mi hekna nuihza fiamthu paha an tih te kha a rawn khap tel lehzel te hi, khata ₹ 1000 a chawi duh loh chuan thla thum thleng a tan tir thei ang tih te a ni a. Na vaklo mahse ₹1000 chawite chu, heng dan a rawn siamte hi ropui ka ti a. Chuvangin he kan Dan hi kan implement thei mai emaw thei mai lo emaw keini aia zir nasa MZP te chuan a aia tha hi an hmulo a nih chu. Pass tha kan ti lo a nih pawhin kan dan hi chu a aia tha India ramah a vang a ni tih hria ila thain ka hria a. Tin, sorkar hnathawk zawng zawngte in an tlan na a nih kha, tuna Joint Secretary hnuai lam zawng zawng chhui theia a chung lam kan inhung tlat te pawh kha lungualna zion tlang chungah chuan kan inang tlang tawh dawn a ni, an duh duh kha an rawn ti thei mai dawn a, chuvangin an dang chuanglo e vanlal nau ang a tah na ah tih kha he dan hian a rawn keng tel lehngal a, ropui ka ti khawp mai a.

Amaherawhchu, Lord Maculaya'n India rama Dan zawng zawng hi chu a siam a ni mai a, in hria ang a, Lord hial an pek a ni a, British in min awp lai khan. Ani khan kan IPC te, kan CRPC te, kan conduct rule te, CCS, CA zawng zawng hi a siam vek a ni, A mak em emna chu hetia an ziak zung zung kha inkawlkah a lo awm reng reng lo e an ti a, vawiin thleng hian ropui an ti a Lord Maculaya kha. Mahse ani siam meuh pawh vawi tam tak an amend tawh a, chuvangin a tha zik tluak vek ang ka ti hauh lova, amend ngailo Dan hi a awm lo reng reng, kan Bible meuh pawh an lehthat hi chuan a dang a dang mai a. Chuvangin heng kan Dante hi chu a kimlo lai apiangte kan la belh zel ang a, amaherawhchu, vawikhat siamah chuan nau piangah hian a fuh pawl tak a ni e ka ti a ni, ka lawm e.

SPEAKER : Pu John Siamkunga.

Pu JOHN SIAMKUNGA : Pu Speaker ka lawm e, vawiinah hian kan Chief Minister ropui zia te, kan minister ropui zia te, kan sorkar laiin dikna a duh zia leh a huaisen zia te kan sawi mek ni hian ka hria a, a ropui ka ti khawp mai. Tin, i vei lam ami ten an rawn sawi thin a, helai ah Lokayukta hian engkim a engkim ni in, hrem thei nghal vek se la, man bawrh bawrh se la, a hrem na pawh pe nghal bawrh bawrh se la tih kha an sawi tlangpuiin ka hria a, a man tu hi a hrem tu an nih chuan justice a awm thei ngai lo reng reng a ni, chu chu dan kal phung a ni a.

North Korea President thar Kim Jung Un hi kum 30 mi vel lek a la ni a, a lal na tur hian a pate-a, a ni pasal hian a pui nasa em em a ni, nasa tak in a pui a, a u lal aiin a lal ta a, a u zawk erawh chu Japan ramah a tlan chhia a nih kha. Tah chuan a lalna tura theih tawpa bei tu chu dik lo tak in mi ten an rawn hek ta a, Kim Jung Un chuan rorelna kut a rawn lek ta a, a ni pasal kha a khai hlum ta ringawt mai a ni. Mi in diklo takin an rawn hek a, a dik nge dik lo fiah silo in a ni pasal a khai hlum a ni, chu chu thil awm dan a ni. Mi in dik lo tak in rawn hek ta se la huat vang hrim hrim pawh in, kha mi kha lo hrem nghal ta ila a dik ber em? Kha lai kha kan ngaihtuah tel hi a ngai thin a. Kan duh khauh leh lutuk chuan a tha lo thei a, totalitarian sorkar kan tih dictator sorkar ah hi chuan eng anga khauh pawh in awm sela thu hran a ni. Democracy ah hi chuan kha tiang lutuk a khauh kha chu thil tih chi a ni lo thin tih hriat hmasak ka duh a.

Tin, Lokayukta body hrim hrim hi a tha hle in ka hria a. Eng ang chiah in nge an siam tih hi ka en thin a, tunge maw a chair ni dawn le tih te ka han en hian High Court Judge ni lai emaw a retired tawh kha a ni tur a ni a. Tin, a dang 2 kha chu mi ropui tak tak, mipui chung lam fe an ni dawn a ni tih a ziak atang khan a Chiang em em a, chu mi atang ringawt pawh chuan he Dan

duang tu te pawh hian an duang thelh lo in ka hria a. Tin, selection and search committee kha article 4-ah khan a lo lang a, kha mi ah khan a zawng tu tur, mi tha zawng tu tur te pawh kha an puitling thet thawt hle a ni. Chutiang mi puitling tak tak kar ah khan opposition leader a tel thei a, opposition an tlin loh chuan group leader an tel thei a ni, a zawng tu tur te hi rinhleh rual niin kei chuan ka hre lo a, an zawng tha ang, an zawng puitling ang tih hi a rinhleh awm loh in ka hria a.

Tin, kha Lokayukta khan nasa takin hna a thawh theih na tur in Directorate of inquiry, investigation leh prosecution khawih thei tur kha an din dawn a. He body ah hian Secretary, sorkar-a secretary rank a awm dawn a. Tin, chu bakah Director kha Addl. Secretary rank a ni leh dawn nghal a, a body ringawt pawh hi phui sui tha tak a ni tih a chiang in ka hria. Tin, he body hian lai tak a ro a rel theih nan tumahin an kawih her mai mai theih lohna tur in an hlawh leh an sum sen tur pawh kha section 12-na ah khan chiang tak in a rawn ziak a, Consolidated fund of the state atangin a ni. Consolidated fund of the state hi chu he House chhungah kan vote miah lovin, kan vote pawh ngai miah lo, kan sawi ho pawh ngai miahlo atangin an hlawh an la dawn a ni. Kha mi atang ringawt pawh khan tu controlna hnuai mah an awm lo tih hi a chiang em em a.

Tin, he body hian sual ni-a an hriat kha chu suo moto pawhin case kha an take up thei tih a chiang a ni, an rawn complain kher loh pawh in a chiang tlat a ni. Kha mi a nih atang khan he body hi sorkar hian misual te hrem tur dik tak in, thil ti sual te in humhim na awm lo tur in huai takin a duang a ni tih a chiang em em a ni. Kha mi a nih chuan khawilai emaw chanchinbua thil lo chhuak ringawt atang pawh khan an duh a te kha an rawn chhui thei tih na a ni a, a huai thlak hle in ka hria. Mahni in chhui tur emaw, tu te emaw chhui tur a ram that duhna avang liau liaua he dan siam a ni hi a ropui tak meuh meuh a. A ropui nalai tak pawh engmah thlei bik nei lo a duh hun hun a an chhui thei leh khatianga hma an la thei bik kha an ropui na a ni. Tin Chief Minister a ni emaw, Speaker a ni emaw, Dy. Speaker a ni emaw, public leader te, public servants te an chhui thei vek, kha mi atang ringawt pawh khan the dan hian thlei bik a nei lo a ni tih a chiang hle in ka hria.

Tin, pending case chungchang ah, pending case a lo awm a nih pawhin Lokayukta a lo din tawh chuan kha lamah khan a transfer tur a ni a court a awm mek te a nih loh chuan. Kha kha i vei lam ami ten Pu Speaker, an hlau nge transfer tur te a la awm a nih chuan Lokayukta khan dik taka rorel in tumah thlei bik nei lo a rel kha an hlau nge, la hman rih loh an rawt fo hi enge ni a chhan tih hriat thiam a har a. Tin chu bakah “Constitution of bench” tih kha article 15-ah a lo lang a, rorel tak tak tu tur te, khatiang case lo khawih tu tur te kha an siam leh nghal dawn baw a, khang atang khan a ropui tak zet in ka hria. Tin, chu bakah, case an han chhui a, investigation hi

helaia a lan dan atang chuan ni 45 chhungin an zo turah ngaih a ni a, khata tang ringawt pawh khan he dan hian thu dik hi a duh a ni, hunawl awm lova diklohna hmuh chhuah tuma chhui char char a ni ringawt mai a ni.

Khami atang ringawt pawh khan an hna thawh tur ringawt pawh hi a ropui tak zet in ka hria a. Tin, investigation agency-ah khan an duh duh an ruai thei, special investigation agency eng pawh a tha ber ber an ruai thei tlat a ni. Kha mi te khan an chhui ang a, tah chuan an chhui hun kha thla 12 emaw lo ni ta se, an lo chhui zo lo a nih chuan thla 6 an pek belh leh thei a. Mahse dan in ziak atang hi chuan kha mi chhung khan chhui chhuah ngei ngei tur a ni, kha mi atang khan tun hma a corruption case rei tak tak kum 10 tel kal ang chi kha a kal dawn tawh lo tih hriat ringawt atang pawh hian he Lokayukta hi a ropui tak zet a. He sorkar in hetiang Dan ropui tak a siam ngam hi chu a fakawm thlawtin ka hria.

Tin, kha corruption case nena inkaihhnawih ro sum leh thil dang ang chi te kha attach theih a ni. An hren sak ang a, an convict ngat phei chuan an confiscate dawn a ni, thiam changlo te chuan an chan dawn a ni. Chumi a nih avang chuan hei hi dan tha em em, mahse a sawiseltu ten engemaw lai pawh pawr an tum chuan pawh pawr tur hi chu a awm ve thin a. Mahse kum 2 ral hma in sawisel duh kan neih chuan sawisel theih a la ni tih a tawp ber ah khan chiang tak in a chuang a ni.

Tin, a dang leh ah chuan, diklo taka inhek chungchang kha thil awm thei a ni tlat mai. A vang chu rambuai lai khan mi pakhat kei pawhin ka hriat chian, mi fel tak chu kawktu in a kaww ta ringawt mai a. Zana a inthiar tur pawna a chhuak a chu an man ta a, diklohna nei reng reng lovin. Mahse, dikloa puh a nih tlat avang khan rorelna dik a hmu thei ta reng reng lo va, an man a, an vaw hrep a, a hriat a hahthlak khawp mai. An han man ta kha a tawpah phei chuan rorelna dik engmah hmu lo khan an vaw hlum ta nghe nghe a ni.

Chumi a nih avang chuan a complain tute kha hrem theihna dan siam a ni hi a ropui lutuk. Misual tak khan tuemaw officer pakhat emaw a huat avang khan, MNF movement laia an kawh ang khan min kaww thei tlat a ni. Chuvangin, khami kawktute kha dik ber a kan ngaiha hrem let an nih si loh chuan, mimal taka inhuatna nei te khan he Dan hi phuba lak nan an hmang thei tlat a ni. Chuvangin he Dan hi a ropui ka ti a, kha tianga dan engkim a leng kha a ropui tak zet in ka hria.

A tawp berah chuan he Dan ropui tak, he sorkarin, kan Chief Minister remtihna a hetiang a Zoram mipuite tana dan siam a, Dan khauh tak hnuaiia corruption kan do tur hi a ropui leh zual a, hei hi ka rawn thlawp a ni. Ka lawm e.

Pu R.L. PIANMAWIA : Pu Speaker, ka lawm e. The Mizoram Lokayukta Bill, 2014 hi phak ang tawkin kan thlir ve a, a tha in a hlu em em mai a. Amaherawhchu, pheh 15-na tlar 3-naah hian document submit hun hi ni 45 chhungin a ti a, a rel fel hun chhung kha ni 45 a ni bawk si a, a thehluh hun ni 45 a nih a, a relfel hun ni 45 a nih bawk si kha chuan a buai thei mai lawng maw tih ka rilruah a lo awm a.

Tichuan, vawiinah he bill hi kan pass a tul em em in ka hria a. A chhan chu kan House Leader ang chhui ngam leh chhui dawn a ven ngai ang chi hi an awm loh hunah chuan heng ang bill hi kan pass dawn lo reng reng. Amah pawh mihring tho a ni a, khualbuk vengtu ang vek kan ni, sualin min bawm reng a, chuti chung chuan he bill hi a kaihhruaina hnuaiia pharha an awm ta hi a ropui hle in ka hria a, a hlu pawh ka ti a. Chuvang chuan, kan pass phawt loh chuan Pu Beichhua, MLA in sorkar reng tura min dah a, thlaphang ang deuha a rawn sawina ang ki kha he khawvelah hian Congress hi kan sorkar reng dawn lova. Tu te emaw kaihhnawih thei tur awmah an ngai deuh niin ka hria a rukin, sawichhuak ngam si lovin. ACB ten an check dawn a thalai rual lo pun a, ven ngai ang chi te kha an ngaihtuah thleng pha vek niin ka hria a, an ngaihtuahna pawh a thui a, a lawmawm a, party tan chuan an hlu hle in ka ring. Khek rih an rawtna chiah kha thil engemaw dai thler ngam loh deuh an nei a, dai thler ve law law se a tha in ka hria a. Lungrual takin pass ila a tha in ka hria, a sawisel zawnga kan kal dawn a nih chuan naktuk lamah pawh Private Members Resolution te pawh sawiho tur kan la nei a. Chuvang chuan lungrual takin he bill hi pass ngei chi niin ka hria.

Tin, engamah hmaa kan sum neih loh chungchangte sawi kha a dik rualin mi rethei fa in nupui/pasal nei ve suh se tih ngawt ang hi a theih loh reng reng a ni. Sum an neih loh avanga nupui neilo tura pawng khap ngawt theih a ni lo ang hian sum leh paiah tun dinhmunah kan harsa tih kan hria, mahse a tul leh pawimawhah chuan kan hmang zel tho a ni, duhtawh hman tur nei khawvelah an awm lo, kan mamawhna avangin kan hmang zel zawk a ni. Chuvangin, Pu Speaker, “The Mizoram Lokayukta Bill, 2014” hi kan zavai hian lungrual takin pass ila chu chuan naktuk ni chhuak pawh a tih that ka ring, ka lawm e.

Pu T.T. ZOTHANSANGA : Pu Speaker, ka lawm e. Tawite rawn sawi ve ka duh a. Kei chuan “Bill of the century” ni turah ka’n ngai deuh a, a chhan chu Mizoramah hian corruption hi a tam em em mai a, tute pawh hian kan huat lai karah hian kan hma zawna a rawn kal chuan tumah hi kan tlo leh zo si lova, chulai karah chuan kan sorkar tirh ah kan hotuten an rawn chhawpchuak hi a ropui ka ti khawp mai.

Kan hun kalta te kan thlir kir chuan, kum 2000 chho vel atang khan Zoramah hian corruption hi a hluar em em a ni. Tunah i veilama mite pawhin an duh lohna chhan chu kan ngaihtuah a, Special Court-ah an kal ve mai ang tih an hlau emaw ni chu aw ka ti a. Tin, a dan hi ngun takin kan en a, India rama state changtlung ber te zing ami Karnataka atanga lakchhuah a ni tih te kan hria a, keipawhin kan en deuh nual a, Jayalalitha te pawh an han sawp deuh nawk nawk kha a ni a, khatiang dinhmuna ding tur khan keimahni leh keimahni huaisen takin he dan hian kan inhung a ni a, keimahni tan chuan thang leh inspector mit a min rawn thlir reng tu kan din a ni a, a huaisen thlak hle in ka hria a, a ropui ka ti a ni.

Tin, corruption hi a zung nena phoro kan tum a, a phoro tumtu ber ten kan han ti chhuak hi a ropui leh zual ka ti a. Kum 2000 chho vela corruption an hluar chhoh tak tak lai kha chuan Judicial Separation hi Mizoram-in kan mamawh a ni kan ti a, kan sorkar hotute pawh khan an hrechiang em em a. Mahse, Judicial Separation kha a rei thei ang ber khan an chelh lui tang tang a, 2008 inthlan dawnah chiah khan a rawn separate ta chauh a ni. Keini erawh chuan tun tumah hian corruption avanga hremna phu te hrem an nih ngei theihna turin kan sorkar kum khatna atanga kan rawn ti hi a ropui ka ti a. Nakina mite la rawn bawhzui atana rel ringawt lovin keimahni hun chhung ngei in a theih ang tawk tawkin a puitlin na tur a kan bawhzui tura kan chhawpchuak thei hi a ropui ka ti ve hrim hrim a.

Tin, sorkar hnathawk leh politician tam tak corruption case nei Mizoramah hian kan awm mek a ni a, case hi a kal chak tak tak hlei thei lova, hetiang case tam tak hi he Dan kan lo pass a special court kan neih hunah chuan special court khan a lo la ang a, court pangngai kha a lo relieve tawh ang a, special court-ah kan kal ho dal dal tawh mai turah ka ngai a, kha kha pending tam lutuk solve na atan a tha in ka hria a, Dan huaisen tak niin ka hria a ni tih ka’n sawi duh a.

Tin, a puitling lovang tih hlauhna te kha a awm a, amaherawhchu nimirah khan ka sawi tawh a, thil reng reng nausen pawh arawn piang hi a puitling nghal mai lo hrim hrim. Mizoram University te pawh kan neih tirh khan State University kan duh zawk te an ti a, Central University that lohna te pawh tam takin an sawi a ni, khatianga a buai nuai nuai lai khan Central University chu kan ram tan a tha a ni tih hria in pass a ni ta a. A tirah chuan research pawh an ti nghal mai thei lo, professor pawh an awm nghal mai lo, mahse hun in a rawn keng chho a, a mamawh kha an hre chho zel a, tunah chuan University chhuanawm tak te zing ami a rawn ni chho thei ta a. Chutiang deuh chuan Lokayuka pawh hi a famkim ang thlapa hmuh nghal mai i veilam ami te hian an tum emaw ni chu aw ka ti a. Engmah hi a puitling nghal thlup thei biklo a ni. Thawmhaw thar neih dawn a, engamah hmaa a fual awm em mai tih ang chauh kha a ni. Chuvangin hetiang dan tha hi chu pass ngei tha ka ti a ni.

India ram Constitution, khawvela constitution chipchiar leh tha ber ni a kan ngaih te pawh chawhma lamah 121-na amendment kan han siam a ni a, hei pawh hi wawinah kan pass ang a, a fel lo lai leh thawm that ngai a awm a nih chuan nakin lamah an rawn ti chho zel ang a, chu chu kan ram tan, kan hnam tan kan din khawchhuah zel nan a tha tur ang in a hun ami ten an rawn siam tha zel mai dawn a ni. Chuvang chuan tunah a famkim thlup thlup ang a neih kan tum ang boruak hi chu a tha in ka hre lo a.

Tin, sum dinhmun hi a chhe em mai tih te kha chu chhuanlam a tlingin ka hre lova, public finance lam kha kan zir that leh deuh tha ka ti. Tin, phuailuai taka pass hi tha ka ti lo an han ti a, kei chuan tunah hian a phuailuai em em ka hre lova, a fel sa thlup thei lo na in tuna bul tanna tha tak kan han nei hi a chanve zo tluk kan ni. Tihian kan han ti ang a, kan dawm chho tlang ang a, opposition hotute pawh kha dan tha tak kan neih theih na turin i tangho ang u tiin ka sawm duh che u a ni. Kan beisei chu a pha lo maithei a, hnuh let leh duh hial rilru kan han pu kha chu a tha lo khawp in ka hria a. Kan dam ang a, Pathian zarah he ramah hian rorelna dik leh fel tluantling mipuite tana transparent tak kan neih chhoh zel theihna tur leh thil tusual tute chu in dap nawk nawk theih tura hetiang Dan kan han nei tur hi a tha hrim hrim a. A dik tak chuan inhremna a na lo lutuk hi kan huangtau phah ni te pawhin ka hria. Akbara hunah pawh inhremna kha a na a, thil tusual te kha chu beng leh hnar an hleh sak a, tam an hlep hman lo reng reng. Chuvangin, tunah pawh kan han ti ang a, corruption he Dan in a man tawh chu mi 2/3 an nih tawh chuan a zia ngei ang. Zoram hi kal pangngaiin, corruption free em em hi

chu vawikhat ah kan nei thut lo a nih pawhin he Dan zahna leh Pathian tihna te nen kawng dik a kan kal hun hi dingdihlip a kan thlir chu a ni, chu chu kan hriat a pawimawh khawpin ka hria. Sawi tur tam tak a awm a, mahse kan sawi tam lovang a, “Ram hmangaih theuh theuh, in duh leh ngaithiam lo ula, kan duhdan hi a rual tawh chuang hlei lawng e, kan kal zel mai dawn e Zion ah” tih ang deuh khan vawiinah hian pass turin ka rawn thlawp a ni, ka lawm e.

SPEAKER : A nih leh tunah hian a sawi duh chuan kan sawi zo tawh ni ah ka ngai a, kan leader sawi tur a neih chuan sawm ila.

Pu LAL THANHAWLA, CHIEF MINISTER : Pu Speaker, ka lawm khawp mai. Ban tam vang leh tam loh vang ringawta namnul hi kan hotute kalphung a ni lova, chuvangin kha lam kha ngaihtuah lo ila, kan ban tam kan hman thinna hi chu ram leh hnam tana tha tur nia kan hriatah hian huaisen takin kan hmang mai thin a ni a. He Dan pawh hi Pu Speaker, kan ramah corruption in zung a kaih thuk hle tawh niin kan hria a, chuvangin tuna kan sorkar kalta ah pawh khan keimahni ringawt chuan kan veng seng lo vang a kan ti a, min venpui turin kohhran hrang hrang hruaitute, tlawmngai pawl MHIP leh YMA hruaitute, Committee siamin kan hotuten Ethics Committee an din a. Thildang chu thudang niselangin, Chief Minister te, Minister te pawh corrupt thei vek kan nih avangin chung ven chu in hna pui ber tur te zing ami a ni a, chutiang in tih na tur atan chuan file zawng zawng access kan pe ang che u kan ti a. Chutianga kan ti chung pawhin vawiinah hian mi 200 vel lai thubuai nei hrem, Group ‘A’ Officer te pawh ban hlawl hlawl te, compulsory retirement tir te, an hlauh tihhniam sak te a awm nuk mai a ni hi thil tih hrehawm tak a ni a. Chuvangin khang ang min chhawk tu tur neih pawh hi kan tan chuan a lawmawm hrim hrim a ni.

Tin, a Dan kha a chikim hle a, a lawmawm hle mai a. Hemi a jurisdiction te chu India ram pumpui Jammu & Kashmir nen lam special status nei a nih avangin 6th Scheduled area pawh kha a tel tih hi chiang sa mai ila. India ram a nih miau avangin buaina tur awmin ka ring lo va. Tin, hlauh nei lo leh leipse ngam lo te tan chuan hetiang dan hi a tina tin chi pawh a ni lo va. Tin, India ram pumpuia tih tur a nih avangin a ti hmasa pawl nih te pawh hi a tha a, kan hmasa pawl tawh lo nghe nghe mai thei chu a ni.

Tin, a Dan chikim kha a lawmawm ka ti a, dawta hektute hrem theihna Dan a awm te pawh kha thil tha tak a ni. A puluttu kan Law Minister zahawm tak pawhin kawktu awm lai vel te a hlauhawm zia amahin a experience te pawh a sawi kha a nia. Keipawh sorkara pumpa in thubuai min siamsak a, kum 10 min um a, hlauh tur nei miah lo mah ilangin a zahthlak deuh rum rum chang leh a ninawm chang a tam khawp mai. 1998 inthlan a kan tlak a sorkar thar a lo pian tukah police lal tak a lo leng a, 'hei chhui tur che in min ti a ka pu, ka chhui dawn che a ni', a ti a. 'E! a lawmawm khawp ang chu, in tan pawh chhui ka nuam khawp ang chu, kut hnungkhirh ka nih lai a ni a, MLA fang pawh ka ni lo va, chhui ka nuam khawp ang, min chhui dawn nia', ka ti mai a. Tichuan, kum 10 chung tihmualpho theihtawp tumin min bei a, prosecution sanction pawh ka fapa ka vui ni ngat in a ni an tih ni. Thuhretu sawmnga (50) chuang an ni a, Judge in min zawt ve a, 'hei thuhretu sawmnga chuang lai an ni a, nang i mamawh ve em'? min ti a. 'Aih, ka mamawh lo kei chu', ka ti a. Ka thuhretu chu chunglam ami khi a ni ka ti mai a. Chutiang chuan an kal a, tun hi kan thleng chho ta a ni. Kan sawi duh nachhan chu tianga intihmualpho duhna hrim hrim, engemawti kawng zawng taka advantage lak nan te, mi kan huat zawng leh kan itsik zawng te tihmualpho nan te kan hmang thin a. Pastor meuh leh politician chi kkeh te pawhin Supreme Court ah te pawh khatieng khan min tihmualpho tumin min bei a tum hnih tum thum. Mahse Pathian khawngaih na in tun dinhmun ah hian kan la ding chho zel. Heng hi tun tumah hian sawi remchang a ka hriatna chu hun min pek takah chuan Pu Speaker, tianga ho te te a intihmualpho theih te hi a ni a, mahni hmasial vang te, itsik neih vang te, phiarruk neih vang te chutieng chu a ni a. Chuvangin tianga mite tihmualpho tum leh mi hek ching te umzui zel theihna Dan a awm te hi Dan tha, Dan famkim a nihna a ni.

Engpawhnise Pu Speaker, corruption in min luhkhung thuk hle a, kut tlinglo a sum lakna tur atana compensation claim te pawh kan zak miah tawh lo va, kohhran mi pawh an bang chuang lo va, Chuvangin hetiang Dan huaisen taka nei ngam nih ve hrim hrim pawh hi thil lawmawm tak a ni a. Tin, politically tak pawhin advantage lak nan an ngam lo, an ngam, chuti khati tih te a awm thin a. Kan ngam a ni tih khawvel entirna tur atana pass hi a tha ve hrim hrim, keini a hminga ruling party ni te tan chuan. Keini ang duang hi chuan article chumi khami tih hi kan thiam ve vak lo va, a tlangpuia kan hotuten min hrilhfiat dan leh tukin a kan Law Minister in a putluh laia a sawi zawng zawng atang khan keini ang mimawl tan chuan foul proof law a ni mai awm mang e aw tih theih tur khawp a ni a. A chhut soal te leh saptawng thiam tawk loh vanga lo chhut

dik loh te chu awm thei a ni a, khang kha chu siamthat leh theih vek a ni a. Tin, chu mai nilovin Dan hrim hrim hi kan ngaihthlak tawh ang in a tul kan tih hun apianga siamthat leh theih zel a ni. Tukina kan ngaihthlak tawh ang khan kan Constitution te pawh a wawi za chuang kan siamthat na te pawh a awm tawh a ni a. Tin, vawiina kan pass avang hian naktuk ah a ding nghal luah mai dawn lo va, chutih karah chuan a siamthat dan kawng te pawh a awm zel thovin ka ring a. Chuvangin kan zavaia lungrualna a hetiang Dan tha neih hi a tha in ka ring a, chuvang chuan kan zavaia lungrua turin ka inchah duh a. Tin, leipse ngam kan hotute an ni hrim hrim pawh hi ropui ka ti a, tha ka ti a, leipse ngam lo tan chuan Dan hlauhawm tak a ni. Chuvangin, he ramah hian corruption kan do dawn a nih chuan kawng tinrengin keini ho zawng zawng hi a bik takin treasury bench-a mite hi chu leipse ngam kan ni tur a ni a.

Hmeichhiat mipat thil ah, eirukna kawng ah, kuttlinglo a sum lak kawng ah. Tin, sorkar sum hi sawrkar hnathawkte hnen atangin kan dawng em ? Tu tute nen emaw contract te kan thawk nial nual em tih te thleng pawh hian inlepse pawh hi a thain ka hria a. Chutiang kan ngam loh chuan corruption hi kan umbo mai mai dawn lova. Corruption kan umbo loh chuan Mizo hnam kan mualpho mai lova, Pathian nung betute kan ni a, Pathian hnam thlan kan inti a, Pathian nung thleng pawh hian timualphotute kan ni tih inhriatna nung nen Pu Speaker, hetiang keimahni leh keimahni pawh inlepse theihna dan pass hi chu kan zavai hian a chhuang ber tu kan nih hi a tha in ka hre zawk a. Chuvangin vawiinah hian a tam zawk nih vanga inpalzutna lam nilovin, kan ram, kan hnam, khawtlang nun thleng pawh a siamthat a kohhran nun thleng te pawh a nghawng chhoh theih nante pawh tangkai tak a nih ka beisei a. Chuvangin lungrua taka pass mai hi kan zavaia hmingthatna tur a nih bakah kan ram, kan hnama kut tling lova pawisa lakluhna lo tam ta te, eiruk pawisak lohna lo tam ta te, heng ang thil chhe tak min luhkhungtu hi kan umbo tlan theih nan leh kan tih raltit theihna kawng a nih ka beisei a, chuvangin a rawn duang chhuaktute chungah pawh lawmthu sawi chungin leh kan Law Minister in hetiang taka Chiang Kuanga keini ang hrethiam ve lo tan pawh hriatthiam theih tura a rawn pu lut hi lawmawm ka ti a

Tin, kan eptu lam te pawhin 'a tha mang e' ti liam satliah mai lova duhthawh lai kan nei lo thei lova, tlema kan duhthawh lai te Chiang taka an rawn sawichhuah atang pawh khan kan Minister zahawm tak leh Dan min rawn duanchhuah sak tute pawhin a lehpeka tih that dan te pawh an hriatthiam theih a rinawm a. Chuvangin lawmthu sawi rualin i pass mai ang u tih kan ngen a ni. Ka lawm e.

SPEAKER : Tunah chuan Bill neitu Minister zahawm tak Pu Sawta kan sawm tawh ang a, anin sawifiah ngai te min sawifiah sak sela, pass rawn dil nghal mai rawh se.

Pu LALSAWTA, MINISTER : Pu Speaker, kan member zahawm tak tak 9 leh kan House Leader, avaiia belhkhawmin 10 in ka Bill an rawn sawi a. An chungah lawmthu ka'n sawi hmasa duh a.

An thusawi kha kan Chief Minister leh helam panga awmte tih loh kha chu a in ang deuh put a. Mahse, ruling lam atanga sawifiahna te a awm tawh chungin a Bill neitu nih manah rawn sawifiah leh deuh hlek chu a thain ka hria. 'It extent to the whole of Mizoram' tih lai hi, he Dan hi member zahawm tak ten min hriat sak ka duh chu teritorial mai nilovin a mihring lam hi a ni tih min hriat sak ka duh a. Mizoram sorkar hna pawimawh ah Mumbai-ah emaw, Washington-ah emaw, Silchar-ah emaw pawh awm se kha mihring chungah kha chuan state government employee a nih chhung chuan hnain a um zel dawn a ni. Dhubai-ah a zu extent a tih a awm lova, USA ah a zu extent ta tih a awm lova. Saiha emaw, Lawngtlai-ah emaw state government servant kha a awm chuan khami kha khawi hmunah pawh awm se um zel theih a ni tih na a ni zawk a. Territorial mai nilovin a mihring lama kha a ni tih kha kan sawi duh a ni. Chuvangin Mizoram pumpui kan ti lo thei lo a ni.

Tin, India ramah pawh kan House Leader zahawm takin a sawi ang khan "It extent to the whole of India" tih piah lamah Dan tin deuhthaw hian 'except Jammu and Kashmir' tih awm lo tawpin "It extent to the whole of India" a ti tawp tawp tih kha min hriat sak ka duh a.

Tin, Prosecution wing tih kha member zahawm tak Pu K.Sangthuama khan a rawn sawi a. Prosecution Wing tih ang hian a awm mai lova, Directorate of Inquiry, Investigation and Prosecution a ni a, kha khan thil pathum kha a rawn hum nghal thawt mai a. Kha kha min hriat sak chuan Prosecutin wing anga a hranpaa din ngai a ni lova.

Tin, section 45-na hi kan vei lama thu te khan in ngaimawh deuh vek in ka hria a. Hei hi kan House Leader zahawm takin a rawn sawi ang khan inhuatna leh engemaw avanga in theh chhiat ve theih deuh mai a ni a. Chawhma lamah khan ta se, ta se kan ti tho bawk a, helamah chuan he dan hi keimahni chungah pawh leklam tur a nih bawk avangin kan chungah pawh tehkhinna thu ang deuhvin 'ta se' kan ti ve ang a. Kan zinga corrupt miah lo va ka rin e.g.

Pu Thanliana te hi tuten emaw hek ta se. “A corrupt em em a, a hnathawh mil lovin cheng nuai 882 hi bank account-ah a nei a ni” ti ta se, amah kha man bawk si se. Mahse preliminary-an han exam khan khatiang kha lo ni hauh lovin Bank ah khan cheng nuai 2 em pawh lo nei ta lo se, khatianga tih hmingshhiat duhtu kha chu han hrem ve kha a awm a ni lawm ni? Khalai kha chu kan hrethiam vekin ka hria. Chuvang chuan duh duh a mi tan kan sawi emaw kan tih ang ang apiang hi miin thutaka an lak zelna tur ram atan chuan Mizoram hi kan ui a, chuvang chuan section 45-na hi vuah lo thei loah kan ngai a. Tin, Lok Pal-ah pawh hian a awm ve tho tih kha kan sawi duh a.

Tin, Legal Assistance chungchang hi kan han sawi leh thin a, enge kan hlauh chhan ang aw ka ti a, Pu Speaker. A chhan kha a sawi zikluak lem lova. A Dan hi kan chhiar chian chuan khatiang case harsa nei, sum lama harsa si khan a ‘request’ chuan, (a ngen chuan) Lok Ayukta hian a ‘consider’ thei ang tih chauh a ni. ‘May consider’ a ti a. Tin, a tawp kharnaah pawh khan “If requested for” a ti a ni. Mi duh lo chung chung kha tu Ukil emaw, “Hei kan pe dawn che, i ruai lo thei lo vang” tih ang chi emaw, helaiah hi chuan a mamawh a sum lam a neih bawk si loh chuan, hengte hi vawiin kan dinhmunah Legal assistant services te kan ti a. Hengah chuan harsate tanpuina hi a pawimawh alawm tih avanga hemi section 52-na hi dah kan ni a. Tin, a ‘phuailuai’ tih ang deuh hlek a “I ti hrih lo mai ila”, leh ‘delay’ tih vel kha he Dan hi a phuailuai lo, Pu Speaker. Tihsual pakhat erawhchu kan nei Section 31-naah khan reference ah section 13-na tih tur ah khan, tunlai chuan computer kan hmang vek a, provision pakhat a hma lam ami kan paih thlak tak avangin section 14-na kan lo ti palh hlauh mai, chu chu keimah ngei pawh thiam lo ka inti a, khami ka lo hmu lo kha pawika ti khawp mai a. Mahse hemi kan tihsual tih loh hi chu hemiah hian phuailuai pakhatmah han pass theih lohna chhan tur a awm lo tih he House zahawm tak hi ka han hrih duh a.

Tin, ram roreltute hi hremna avanga hlauhawm hi a tul ve a. Lord Halifax chuan, “Men are not hanged for stealing horses but that horses may not be stolen” a lo ti a. “Miin sakawr ruk vangin anmahni khaih lum an ni mai hleinem, Sakawrte hi ruka an awm lohna tura khaih lum an ni zawk a sin” a lo ti a. Chuvang chuan pakhat khaih lum a, mi tam takin ruk an ruk loh te kha a hlu em em a. Hlauhawmna hian engemaw chenah chuan Lok Ayukta kan neih hi kan ram tan hian thatna chen a awm dawn tlat a. Kan hlauh vang chu a ti hauh lova, mahse, “Han muang hrih ila, han withdraw leh se”, tih an han sawi deuh thliah thliah atang khan ka sawi ve thiam dan tawk chuan, “I sawi zawn g pawn” tih kha a lang deuh a. “I sawi zawn g pawn” tih hi chu engemaw hi chu a awm a ni. Tin, mihring hi mak deuh mai kan nia, khawchhak lama pa

pakhat chu a thu hi a duh khawp a, a rawt tum ran ran hi midangin an rawt vaih chuan a hnial tlat mai a ni an ti a, tiang kha chu kan ni lo turah ka ngai a helaiah chuan. Hengte hi engtik sorkar hun atana tih ve te pawh an lo tum a lo ni a, kan tih khalh avangte chuan an ti lek lo vang a.

Tin, sum chungchang hi kan hre vek a. Sum chungchang hi “Kan awlsam” ti hian helai House zahawm takah hian ka sawi dawn lo reng reng a, mahse 14th Finance Commission-ah hian kan dil a ni. Kan dil hi min pek chuan a bul hi chu kan tan ve theih kan ring. Chuan 14th Finance Commission dawtah hian keini hengah kan tel ve tawh lo a nih pawh in, wawiina thu te pawh kan thu tawh lo a nih pawhin 15th Finance Commission pawhin a chhonzawm zel theihna tur kawng zawng hian heng te hi kan ti ang a. Annin an lo thei lo a nih pawh in he dan tha takin din a tum Lok Ayukta hi chu Mizoramah hian vul reng se kan duh a ni. Chuvang chuan he dan kan pass hian a effective date hi Gazette date a ni ve dawn lo va. Sorkarin ‘kan in ring ta e’ ti a ppointed date kan la siam leh tur a ni. Chuvangin, enga ti nge kan hmanhmawh kan tih chuan wawiin a kan tih theih tur naktuk a han khek hi a tulna kan hre lo a ni. Kan House Leader zahawm takin a sawi ang khan Dan kan lo nei sa diam ang a, a tha tawh lo te pawh siamthat duh lai kan nei a nih pawhin thu hran a ni a. Amaherawhchu, a taka kan hman tur hun erawh chu wawiinah hian khami niah, chumi kumah tiin ka han sawi mai thei lo va. 14th Finance Commission-ah hian kan in nghat thui hle a ni tih erawh chu sawi a tha in ka hria a.

Tin, Section 12-na ami sorkarin a tih loh chuan tih leh Section 40-na ami sorkarin sum a pek loh chuan tih lai ang deuh a lang kha kan member zahawm tak te chu dan siamtu in ni a. Helaia Budget te pawh lo phar a, nangmahni zara Budget hman theih tura siam thin te pawh a ni a. “Charged on the consolidated fund of the State of Mizoram”-ah khan provision siam a ngai a, keinin kan vote ngai lo mahse provision kha budget-ah khan thun a ngai hrim hrim a ni. Kan hman tur provision kha kan dah loh chuan, sorkar berin kan dah loh chuan an ni khan provision awm miah lo va, “charged on the consolidated fund of the Mizoram State” a nih vang ringawt a hman theih kha a ni chuang lo. Thuneihna in sem zai chungchang hi kan sawi tam a, chuta pawimawh tak chu Pu Speaker, nangmah ngei, i office ngei pawh hi “Charged on the consolidated fund of the State” a niin ka hria a, tin Governor te, MPSC te, High Court Judge te an lo ni a. Khangte kha member ho hian inthural in vote miah lo mah ila sorkarin an hlawh tur te, an enkawl na tur te buatsaih a nih kha chuan an kal reng dawn. Chumi in a kawh thuk em em chu Judiciary hi lo haw tlang viau ila, in lungrual ta vek ila vote loh tur ti ta ngawt ila, keini vote a ngai reng reng lo. Budget provision a an rawn dah khan chuan helaiah hian kan vote lohin a tlang dawn tho tho a ni. Chumiin a entir chu kan vote loh pawhin anni hi chu anmahni pual a, mahni ke a ding an nih ve na

ah, an dinhmun zahawmna te, khang kha a ken tlat avangin kan High Court Judge te, kan Judge ho te leh khatiang mi pawimawh ho kha chu vote loh pawh khan charged on the consolidated fund of the State of Mizoram a nihna, a pawimawhna zawk kha kan member thenkhat te khan ‘state-ah a in nghat lutuk alawm’ in rawn ti lek lek a khami kan han sawichhuah na kha. Sawi chhuah loh phal a ni lo, charged on the consolidated fund of the State of Mizoram a ni hi kan chhuang em a ni, kha zawk kha a ni.

Tin, Chief Minister te, Chief Justice emaw, a aiawh te emaw, Leader of Opposition lampang han telna ang kha, a tawp khar na a ni lo va khami chungchang kha. Search Committee atana ngaihtuah tu tur kha a ni, Search Committee member te kha an ni. An ni khan Search Committee atan tute nge tha ang tiin an ngaihtuah ang a. Chu Search Committee-ah chuan eminent person kan tih te leh lehkhathiam te leh kawng hrang hrang ami te an han dap ang a, khalai kha a kalhmang chu a ni a.

Tin, Declaration of Assets tih chungchang hi a pawimawh khawp a, declare loh chuan failure kha a ni ve a. Chuvang chuan India ram rau rauah pawh Mizoram hi income tax lak lohna a nih avang hian Declaration of Assets hi kan sorkar hnathawk te pawh in an ti vak lo na chungin inngaihnhathiamna nen kan kal chho zel a. Mahse Central Sectt., a thawk chin te phei khu chu declaration hi an ngai pawimawh khawp. TV an lei dawn pawh in man to deuh chinah chuan phalna te an la lawk a. Tin, declaration te an ti a, motor te pawh a rem rem ang a lei a mi fa te hming a han tih mai mai ang chi te pawh an ti vak lo.

Tin, whistle blower kan tih hi Cr.P.C lamah te pawh kan lo hmuh thin ang deuh approval kan tih ang a ni a. Anmahni pawh hrechiantu, an thawpui ten an corrupt ngei a ni tih hrechiantu, anmahni pawh an lo tel ve reng mai thei a. Chutiangah chuan tualthah naah te pawh thattu zing ami ten ‘approval-ah ka tang ang e’ an tih chuan ‘hei hian a chek hmasa ber a, a dawt lehah chu chuan a chek leh a, a thih tawh hnuah chu chuan a hrawk a zai a’ tih ang thleng a zuk sawi Chiang theitu tur anmahni zing ami, approval kan tih ang chi deuh kha an ni a, hrechiantu a ngaih an nih avangin. Whistle blower te hian an hriat ang ang an sawi tawh a, chu chu mi corrupt te umna kawngah a tangkai hle a nih si chuan venhim an ngai a ni, chu chu a pawimawh na em em a ni a.

Tin, Rule of Law kan hria a, a tel lo chuan modern democracy hi a theih tawh lo hrim hrim a. Chuvang chuan Rule of Law awm in, mahni tih tur chin fel fai taka an tih theihna kha

a pawimawh a. Tin, hnathawh chak, 45 days kan han tih investigation zo ngei tura khami hun a submit thei tur te pawh kha in turna tha tak niin kan hria a. Tin, he dan pawimawh tak kan han sawi a a phen a awm lian tak chu mahni chungah hremna pawh thleng se ti tu ten, vawiin a he House member 40 ten huai tak leh lungrual taka ‘kan chungah pawh hian min kan diklo a nih chuan min hremna turin ti ang hmiang’ ti a kan lungrualna hi a nih avang hian he dan hi nimim lama kan dan pawimawh tak tak te karah khan a danglam bikna kha sawi tulin ka hria a. Keimahni chhunga harsatna thlen theitu zawng zawngte hre reng chungah lungrual tak leh hlim taka kan pass thei a nih chuan a lawmawm hle dawn a. Dan danglam tak pawh a ni dawn a ni. Keini leh sorkar hnathawk dang zawng zawng te pawh tih kha sawi tul zual ni a ka hriat te kha ka han sawi a. Chutichuan Pu Speaker, he dan member 9 ten min sawipui leh kan House Leader nen 10 in min han sawipui tak hnu hian kan lungrual turah kan ngai a. La muanpui hlek ila han ti pawh khan huaisen takin min vote puiin, min pass pui ngei turin House member zawng zawng hi nangmah kal tlangin ka ngen a ni, ka lawm e.

SPEAKER : Awle, Law Minister zahawm takin he Bill hi pass pui turin House a ngen a. Pass remti zawngin ‘remti’ tiru le, remtilo kan awm em? Kan awmlo. Le, tunah hian “The Mizoram Lokayukta Bill,2014” hi lungrual taka pass a ni tih ka puang e. Tunah chuan Bill dang kan la leh ang a.

Pu LALSAWTA, MINISTER : Pu Speaker, ka lawm e.

SPEAKER : Minister zahawm tak Pu P.C.Lalthanlian’n ‘The Mizoram Animal (Control & Taxation) Bill, 2014,’ hi House-a introduce rawn dil sela.

Pu P.C. LALTHANLIANA, MINISTER : Pu Speaker, i remtihna leh he House zahawm tak phalnain ‘The Mizoram Animal (Control & Taxation) Bill, 2014,’ hi introduce ka han dil e.

SPEAKER : Introduce kan phalsak mai lawm ni? Kan phalsak a tunah hian ngaihtuah a, sawihona nei nghal turin rawn move tawh mai sela.

Pu P.C. LALTHANLIANA, MINISTER : Pu Speaker, i remtihna leh he House zahawm tak phalna in ‘The Mizoram Animal (Control & Taxation) Bill, 2014,’ chu ka rawn introduce a. Ka introduce rualin a Bill in a ken tel leh tul pawimawh te sawina tlangpui neih ka duh a. Pu Speaker,

Bill hmasa zawk kan han sawi a, keimahni ngei chung a thleng thei kan sawiho a, kan mut te pawh a tichhuak a, min tinguai deuh te pawh a ni tawh mai thei a. Tunah hi chuan mihring ni lo ran lampang thil tisuah hremna dan ve thung a ni a. Chuvangin, mut a tichhuak vakin ka ring lova, a hahdam thlak deuhin ka hria. Kan sorkar hi a tha khawp a, mi thil tisuah hremna dan a nia, ran thleng a thil tisuah hremna dan leh control dan kan ti dawn a ni.

Pu Speaker, The Mizoram Animal (Control & Taxation) Act, 1980 hi Mizoram in kan nei tawh a. Chu chu ran khuahkhirhna leh ran chhiah khawna dan a ni mai a. Kum 30 zet he Dan kan neih hi a tak takin kan hman theih lohna lai a tam a. Chuvang chuan, he Bill tangkai taka kan hman theih loh thin dan thlak nan he Bill hi siam a lo tul ta a ni tih a hmasa in ka'n sawi duh a.

A hmasa berin vawiih kan Dan, kan Bill putluh tak hi 'The Mizoram Animal (Control & Taxation) Act, 1980 thlak hlauhna tur a ni a., Dan thar ang a ni. Chumi thlak alo tul tak na chhan chu 1-na ah chuan – He kan Dan neih mekah hian kha Animal Control & Taxation ti hlawhtlinga a taka a chung a thuneitu ber tur kha Town Committee tih a ni thin a. Kan ramah hian Town Committee thunei taka siam kan nei lova, khawpuiah pawh Town Committee kan nei chuang lova, town kan tih ah te pawh Village Council thuneihna hnuaiah kan ram a kal a. Village Council hi kan lunglenna ber rorelna ah ala nih avangin vawiih hian kan Dan neihlai a Town Committee anga thuneihna awm tlat kha Village Council lamah thuneihna kan pek zawk avanga tih danglam te pawh a tul ta a. Tin, chumi piah lamah chuan Municipal kan lo neih takah chuan kan Dan hian municipal a huam theih loh avangin chumi pawn lama kan Dan hi dahchhuah a ngai ta a. Municipal hian hetiang Animal Control & Taxation hi a nei ve duh a nih pawhin a hrana a siam alo ngai dawn ta a. Chuvang chuan, kan Dan hmanlai hi siamthat loh theih loh a lo ni a.

Tin, kan Dan hmanlai ah hian ran chhiah bituk hi a principal act-ah a awm tlat avangin tihdanglam hun tawh hle mah sela, harsa taka amendment siam danglam ngai tur a nih avangin vawiih chutiang chu tihdanglam a tha in kan hria a. Rules lamah te dah zawk awm, kum 4/5 dan ah pawh, kum 2 dan ah pawh chhiah bituk hi danglam thei a nih avangin chutiang awlsam zawng chu zawn a ni a.

A bik takin ui chungchang ah hian Mizo ran vulh zingah ui hi pawimawh tak pawh pawh khawih thei tak, tun thlengin mi tam takin ui seh te pawh an tuar a. Amaherawhchu, Dan mumal a awm loh avanga a seh tute chung leh a seh a te insawirem satliah mai mai a kalna a tam

a. Chuvang in, Dan felfai tak ui in mi a seh chungchangah te leh khuahkhirhna ah te kan neih vat a tul ka ti a.

Tin, kan sorkar in kut hnathawktu te eizawwna ngelnghet tura pawimawh tak pakhat ah ran vulh te a awm a. Chung ah chuan he Animal Control & Taxation-ah hian ran ten zalen taka anmahni chaw zawn vena tur an neih hi tha a ti a. Chuvang chuan, Village Council tin ah khaw tin in ran vulh tuten zalen taka an ran tlat na hmun graging ground te pawh Village Council ten an ramah khawilai area emaw an siam a, chung ah chuan ran khuahkhirh loh zalen taka an tlatna hmun tul si te pawh kha he Dan chhung atang hian Village Council tin ten an buatsaih a tul a ni kan tihna Dan te an awm bawk a ni a. Chung ka han sawi tlangpui avang chuan he kan Dan hman lai kum 30 zet kan lo hman tawh The Mizoram Animal (Control & Taxation) Act,1980 hi repeal a Dan thar siam hi sorkar in tul a ti a. Chutichuan vawiinah hian Bill 2014 neih a lo ngai ta a, chu chu a chhan tlangpui a ni a.

Kan Bill ‘The Mizoram Animal (Control & Taxation) Bill,2014’ ah hian chapter 6 a awm a, section 23 a nei a.Section1-na ah hi chuan a huamchin tur te, Autonomous District Council kan neih pathum mai bakah Municipal Council area kan neihah he Dan hi hman a nih lohna turte a rawn tarlang a ni mai a. Tin, section 2-ah chuan thumal sawifiahna te, tin, section 3-na ah hi chuan ran hi khuahkhirh tur a ni a ti tawp mai a ni. Eng ran pawh khuahkhirh tur a ni tih hi he Dan in a tum chu a ni. Chutah chuan section 4-na ah hian Mizo ten kan ran vulh chi hrang hrang ar leh vawk kan tih ang chi te, kel te leh cattle kan tih ang chi khuahkhirhna dan, a neitu in a enkawl dan tur te kha chipchiar takin kan hmu theuhin ka ring a, a rawn tarlang leh a. Tin, ran reng reng hi fai taka enkawl zel tur a ni tih section 5-ah khan he Dan hian a rawn phut a. Nichina kan sawi tak ang khan section 6-na ah hian Village Council tinin khawtin ah (graging ground) ran tlatna hmun tur an nei tur a ni. Chutah chuan ran vulh lo thei lo te, bawng vulh lo thei lo te tan pawh tlatna hmun siam hi khawtin Village Council ten an tihtur a ni a. Chu chu sorkar ah pawmpui turin khami area te pawh kha report in sorkar ah thlen tur tih te alo lang a. Tin, section 7-na ah hian ram nei tu, huan nei tu reng rengin an ram leh huan chhunga ran lut ang chi reng reng te man theihna Dan an nei a. An man rualin Village Council ah an report ang a, an thelut ang a. Tichuan, Village Council in chu an ran man thu chu darkar 24 chhungin mipui ah an puangzar ang a, a neitu in ni 7 chhungin Village Council tena an man atanga ni 7 chhungin a neitu in a tlan chhuak leh tur a ni tih te a awm a.

Tin, section 8-naah hian Village Council ten khatianga ran an man hrim hrim kha engemaw uluk lo takin khawilai ah emaw a dah mai mai tur a ni lo va, a dahna hmun a siam ah uluk takin an enkawl ang a, chaw tha takin an pe ang a. A chaw man rate erawh kha chu sawrkar bithliah angin a kal ang a, tichuan a nei tu in kha ran thil ti sualtu ava lam leh ah khan an lo chawm na zawng zawng, ni hnih ni thum an lo kawl a nih chuan khami chhunga eiral kha a nei tu in Village Council ah a pe ang tih te section – 8 na ah hian a rawn lang leh a. Tichuan, heng ran an man te hi a neitu dik tak ten an lam lem loh chuan Village Council ten an lilam thei a ni, chu chu section -10 na ah a rawn tarlang leh a. Chung Village Council ten an lilam na man kha Village Council fund ah an dah thei ang ti in section – 10 ah hian thuneihna a rawn pe bawk a ni. Chutiang chuan section -11-na ah hian, ran chhiah bituk chungchangah sawrkarin a bituk ang a, a pek dan tur engkim an ruahman ang a, chu chu Village Council ten an lekkawh tur a ni a, amaherawhchu a bikin, central sawrkar emaw, state sawrkar emaw, North Eastern Council emaw, sawrkar ta, corporation ta emaw, Village Council khawtlang bik in ran an neih leh eng emaw ang chi bik kha chu heng ang ran khuah khirhna dan hian a huam ve dawn lo, chhiah bi tuk a khan a huam ve dawn lo a ni tih kha section-11 na ah a rawn lang a ni.

Tin, section-12 na ah hian khaw tin ah khawtlang ah ran vulh tu zawng zawngin an ran vulh leh neih reng reng kha thla khat chhungin Village Council ah an report vek tur a ni a, Village Council ten register fel tak an khawtlanga ran awm zawng zawng chhinchiah na an nei ang a, chutiang chuan mumal fel takin, khawtlangah ar vulh eng zat nge, vawk vulh eng zat nge tih te pawh Village Council in ti khan an ti ang a. Chutah chuan chhiah, nichina kan sawi ang khan an lak theih na kha section 13-ah a lo lang a. Chung chhiah te chu 100 ah 50 kha Village Council in a chang ang a, ran chhiah, bawng pakhat ah ₹ 50, vawk ah ₹ 50 a nih chuan chung zawng zawng khawn khawm chu 50 % kha Village Council in fund ah an nei ang a, 50 % kha sawrkarah an chhung lut tur a ni tih a ni. Chutiang chuan ran khuahkhirhna dan te, ran registration fel taka khawtina kalpui a nih dan tur te kha he Dan hian a tum bulpui pakhat a ni. Tin, section 15-na ah hian ran, mi huana pawl a va khawih emaw, a va lut emaw a nih chuan ₹ 500 thleng ran neituten an chawi theihna a awm a. Tin, ran in thlai leh thil a tih chhiat awm te, compensation ram neitu in a phut ang te pawh Village Council in pe turin an ti ve thei a ni.

Tin, nichina ka sawi ang khan, ran thlahthlam lutuk in Ui in mi a lo seh palh chuan ui neitu in ₹ 500 chawi theihna leh a seh te lam inenkawl na damdawi thlengin tum sak emaw, a pahnih hniha ₹ 500 chawi bawk, a enkawl na man chawi bawk tih ang chi kha, Dan hian a rawn sawi lang bawk a ni a. Chutiang chuan he Dan kan Bill ah hian ran khuah khirhna Dan te, chumi

atanga sawrkar leh Village Council in chhiah an lak dan tur te a tlangpui, Pu Speaker, a rawn tarlang a ni ber mai a. Tichuan, a tawp lamah hian section 23-na ah, The Mizoram Animal Control and Taxation Act 1980 chu a siam thatna te nen lam he Dan thar hian a withdraw tir a, a repeal dawn a ni tih kha tarlan a ni a. Dan hlui chu repeal ni mah sela Dan hlui hnuaiia thil lo tih tawh te, he Dan thar nena inkalh a nih loh chuan he Dan in a tih anga pawm a nih zui dan tur section tawp berah hian a rawn tarlang bawk a ni. Pu Speaker, hei hi chu keimahni chungah thil thleng thei a ni chiah lemlo bawk a, kan unau dangte pawhin awlsam takin kan pass tlang thei mai turah ka ngai a. Chuvangin he Dan mumal fel tak a kan rama ran kan vulh te kan enkawlna tur te leh chuta tanga chhiah kan lo lak thin ang te, mumal fel taka a kal theihna tur Dan, 'The Mizoram Animal Control & Taxation Bill 2014', hi he House zahawm tak hian Mizoramah hman a nih theihna tura min pass pui turin he House zahawm tak hi ka rawn sawm a ni. Ka lawm e.

SPEAKER : Minister zahawm tak Pu P.C Lalthanliana'n a Dan siam duh felfai takin he House ah a rawn pharh ta a, kan vaia kan ngaihtuah ho a, kan sawiho atan. Tunah chuan a sawiho kan tan leh tawh ang a, nichina kan hun pangngai ang kha hman a tha maiin ka hria a, minute 5, mahse inngaihnhathiamna nen minute 5 kha hman nisela, tiang chuan tunah sawiho kan tan tawh ang a, a sawi duh chuan sawi tan ang u. Pu R.L. Pianmawia.

Pu R.L. PIANMAWIA : Pu Speaker, kan Minister zahawm takin Animal Control & Taxation Bill 2014 a rawn put luh hi a tha hle in ka hria a, pakhat tih belh dan ala awm em aw ka ti a. A chhan chu, ran khuahkhirhna kan lo lekkawh tawh na ah, mi pakhat chawi tir tura tih khan a chawi duh tlat lo mai a, mi a vau let kher kher mai a. Tual chhungah kut in thlak Village Council tan pawh a chakawm lovin a lo hrehawm a, chuvangchuan khua leh khua a chhe thei ang bera in tih a lo hrehawm si a. Chuvangin kha tih hun laia Aizawl DC Pu Vanhela Pachuau IAS kha ka zuk rawn a, anin police kaltlangin "Village Council ten chawi tura an tih a pek duh loh kha darkar 24 chhunga a pek loh chuan a hnenah darkar 24 chhung bawkin i rawn thlen tur a ni, Police kaltlangin", ..a rawn ti a, a hma a pawng deuh thin engemaw intel khawm deuh te pawh a reh vek mai a, harsatna a awm ta miahlo mai a ni. Chuvangchuan tuna kan Dan neihah hian a ran neitu lamin lungawilohna an thlenna tur a ziak a, a chawi tir tu lam Village Council te tan han zualko na, thuneitu lama an tlan theihna tur, District Magistrate ah an zualko thei ang tih emaw, eng emaw deuh kha tih belh dan awm se chuan a bak hi chu a tha tawh khawp hian ka hre mai a, sawisel tur leh sawi belh tur pawh ka hre chuang lo a, chuvangchuan he Dan hi pass mai ka support a ni e.

SPEAKER : Thusawi i thiam khawp mai. Pu T.T.Zothansanga.

Pu T.T. ZOTHANSANGA : Pu Speaker, ka lawm e. A hmasa in statement of objection reasons pathumna kha min lo ensak ula – A section that specifically addresses the issue of the danger from domesticated dogs, their control and remedy is proposed to be included in ‘The Mizoram Animal Control & Taxation Act’ a rawn ti a, ui chungchang kha a rawn ngaipawimawh khawp mai a, amaherawhchu a Act ah hian ui hi a inziak miah lo mai a, other animal, ti chuah hian a lang tlat mai a, khalai te kha ui ang a tih lan theih dan kha a awm em tih ka sawi duh a, hmun dangah hian ui pakhat mah a langlo a ni.

Tin, chapter 2, section 3-ah khan, animals to be kept under control a rawn ti kha a rawn ti tha khawp mai a. Ui hi mihring te ran zingah mihring te hnaih ber a ni a, thenkhat chuan an bualfai a, an mutpui a, khatiang khan tlangnel takin mihring thiantha ber te zing ami a ni. Amaherawhchu zingah ui chhuak hi a tam khawp mai a, zingah hian ui hi an ti harh ve thin a, thlung reng pawh khan an han chhuah a, an chhuah zalen ve thin a. Kum senior deuh ten zingah exercise te an han la a, an han walk a, khanga kal ngam mang loh khawpa zinga ui lo zuang thoh thoh hi an tam em em mai a ni. Chumai ala nilo a, ui ek hi a tam lutuk zingah hian, hei hi kan khawpui tibawhlawh tu tak niin ka hria a, zingah mi in ui an kaichhuak a exercise an lak pui emaw, engemaw ti a an han thlah zalen a nih pawhin a ek hi an control tel tur a ni. A ek te hi la zui zel sela, chhar sela, hawn mai sela, khatiang a nih loh chuan kawtlaiah mihring ek ang tak tak hi a tam riau mai a, kha kha kan Minister zahawm tak khan min lo chhinchhiah sak sela, a ek kha public nuisance a tling tlat mai a. Tin, chubakah a neitu tan a hlauhawm loh te an ti a, midang tan hian a hlauhawm tlat mai a ni, tlem te han chhuah mai ang chi pawh kha, rilru ah a awm a Tin, chubakah Minister zahawmtak Pu Chakma te chan nge ni ka hrelo a, ui hi compulsory a chiu vek nise kei chu tha in ka ring a. Ui ka’n sawi duah na chhan chu section 4-ah khan ui a lan ve loh avang khan siam that nise ka ti a, other animals a an tel mai kha a chiang lovin ka hria a ni.

Tin, seizure of animal dan kan han siam deuh nual a, a tha ang reng viau va. Aizawl tlak lam veng pakhat ah chuan ui chhuak an man ang a, Village Council hnenah an pe ang a, a man tu in ₹ 250 a hlawh ang a, ₹ 250 Village Council account ah a lut ang an ti a, a tha ka ti khawp mai a, veng a thianghlim duh an ti a, khang te ka rilru ah a awm mai mai a.

A dan leh kaihnawih ah hi chuan a tha tlangpui in ka hria a ni. Tin, section 10 ah khan “if animals are not claim within 7 days” a rawn ti a, ui a nih chuan ni hnih thum lek hi a tawk in ka hria a, bawng te, sakawr te leh ran lian dang te hi chu

ni 7 chung hun han in pe pawh ni ila ui te hi chu mihring te zinga awm reng a ni a, chuvangin ni hnih thum bak chance in pek a ngai em ni ka ti deuh a ni. A tlangpui thuin tha ka ti a, appeal na ah khan “If a person aggrieve by any order by Village Council or the officer this chapter may appeal in such authority within” a rawn ti a, authority tak mai hi a rules lamah chiang deuh faka kan sawi kha a thain ka ring a. A chhan chu hei hi thingtlang lamah te pawh Dan a nih vek dawn avangin thuneitute lamah appeal vek tur tih piah lam ah khan chiang fek fawka chumi hnenah chuan appeal tur a ni tih kha zokhaw lam hriat fiah theih tura dah nise ka ti a. A tlangpuiin a dan hi a tha ka ti a ni.

Er. LALRINAWMA : Pu Speaker, ka lawm e. Vawiinah ‘The Mizoram Animal Control & Taxation’ kan hmu a lawmawm ka ti khawp mai. Dan mumal tha zawk kan neih hi a tul hlein ka hria a. Section 8-na hian, kan ran man te kha riltamin kan awm tir tur a ni lova chaw leh tui kan pe tur a ni tih a lang a. Amaherawhchu, hei mai hi a la tawk lova hriatna ka nei a, ran han tih khan ui te, ar tih te kha lo insual tir theih a ni, khalai kha a sawi tel lova, mihring miziate a inang lova, bawngte pawh lo insik tir duh mai te pawh kha awm a nia. Chuvang chuan helai hi kan Minister khan a tihdanglam, a tihbelh dan te pawh a hriat kan ring deuh va. Insual tir te insik ang chi te, kha khap nise tha ka ti khawp mai a, mihring kut hlei dan chin a inang miah lo a nia.

Tin 9-naah hian kan ran man tawh sa te khul leh dan tur lai te chiang fel fai takin a ziaak a, chutih rual chuan Village Council kutah khan thi ta se engtingge a awm ang tih kha a ziaak lova, thil nung an ni a thi thei an ni a. A neitupa in ‘chutiang khatiing chuan in ti a a thi’, ti se chuan pawl ve deuh mai tur a nia. Chuvang chuan helai hi felfai deuh hlekin tih thei se tha ka ti khawp mai.

Tin, animal registration tih laiah hian felfai taka chhinchhiah tur a ni kan han ti a, khaw pakhat ah hian sial in chuh an awm a, a buaithlak em em a, chuvangin bawng a ni emaw, vawk a ni emaw, sial a ni emaw chhinchhiah na fel tak a vulh tu ten neih nise tha in ka hria a ni. A chhan chu se inchuh te a buaithlak ania a man tam tawh si a, Village Council hnenah hian se vulh tu te khan mark fel fai tak a chhinchhiah nise tha ka ti a ni. NLUP-ah pawh a thenin se vulh te an thlang a, bawng vulh te an thlang a, nakinah an la buai lovang tih a sawi theih lova chuvangin a registration laiah hian mark fel tak neih hi a tha ka ti a ni.

Tin, ran khuakhirhna dan ah hianin, ar hi in sual tir an ching khawp mai a, hei pawh hi ngaih pawimawh tham niin ka hria a ni. A chhan chu Aizawl-ah an ching a, pawisa tam tak an thap a, a hria te sawi dan phei chuan a thih thlenga insual tir kha a ni mai a, churang chuan kan ti ta rau rau a nih chuan heng te hi en a tha in ka hria. Kan khawpui chhung ngei maia nasa taka inchawi hi he dan hian a huam em ka hre lova, he dan hi kan Minister te hian lo en nawn leh a tha khawp in ka hria a ni.

Tin, ui seh hian vawi 2 ka in chiu tawh a, ka fapa a seh bawka, vawikhat injection hi ₹ 900 vel a ni a, doctor te phei chuan a huh hlek pawn jection a ngai an ti a, Champhai bial tu in a sawi ang khan injection tir hrim hrim a tih te pawh kha a tha in ka hria. He laia dan felfai tak a rawn siam hi a tha hle in ka hria a churangin kei chuan ka thlawp khawp mai tih kha kan sawi duh nghal a ni.

Dr K. BEICHHUA : Pu Speaker, ka lawm e. A rei loh nan ka thiante pawh hian tha an tih vek ka ring a. Churang chuan ka thlawp hle a ni tih kha ka sawi duh a. Chuti laia pakhat ka sawi leh duh chu kan Bill rawn puluttu khan i vei lam ami tan chuan pawisawi dawn lova pass ve thovang a ti a, a hre lo hlein ka hria a ni. I vei lamah phei chuan vawithum lai an lo sawi tawh a nih kha....Pu Speaker, thil tha a nih chuan kan pawm ve ngam tho a ni tih kha a tawp nan ka sawi e.

SPEAKER : Veilam ami chauh a seh chuan ui sual tak a ni ang. Pu T. Sangkunga i lo ko ang.

Pu T. SANGKUNGA : Pu Speaker, sawina chi a ni tawh lova. Helai Chapter 3, Section 7, Sub Section 2 hi ranin thil a tihsual a, thil a va tihchhiat a, engemaw khatia a neituten an han umna lama tla hlumah khan a huan neitupa khan engmah 'shall not be liable to pay damage to the owner for such animal' a ti a. License to kill a ni mai awm mang e aw ka ti a, hei hi a tha lo khawpin ka hria. A chhan chu, tunhma Animal & Husbandry a reilote ka awm chhung khan kan mangan ber chu kan Department sial an kap hlum nasa lutuk kha a ni a. Police te ka hrilh a, sa kah hian an kap a ni deuh ringawt mai a. A vehin an veh a, chu chu police te hnenah, 'hei hi man tir zel a, Court hma-ah hruai zel tur a ni', tiin ka zin kual pah khan ka ti a. Kan man tan ta a, an hlau ta deuh a. Tunah chuan hetia mawhphur miah lo tur anga han tih hian a tha lovin ka hre deuhhleka. Helai hi engemaw ti a, nichina V/C kuta tih kha a pawimawh ang bawka, chu ai maha a thih tamna chu, hmanni pawh khan ka bial-ah se chi thlah tura an pek kha an kap hlum tawp mai a ni.

Kha kha engmah a sawi hleihtheih si lova. Hetia ziaka a awm phei hi chuan a buaithlak dawn awm mang e aw ka ti a. Sa hi a vang tawlh tawlh a, China economy a that avangin Burma sial kha helamah a lo thleng tawh meuh lova, bawng pawh an thawn thla nasa tawh a. Keini NLUP avang leh thil dang avanga kan economy a tha a, kan sa demand a sang tawlh tawlh mai si a. Sa hi bazar-ah a vang sawt em em a. Central lamah sorkar a inthlak a, bawng rawn tawlh chhoh a harsa tulh tulh baw si a. Hetianga ran harsatna awm thei hi chu en chian deuh a tha mang e aw ka ti a.

A dawt lehah chuan an man a announce turah khan, a khua a announce tur, village-ah khan announce mai tur tih kha, an man tam tak hi khaw thenawm ran a ni tlat mai a ni. Chuvangin, khaw thenawmah pawh khan announce a tha mang e. Hei kan khua-ah kan announce a, an khaw ta a ni lo tih an hre reng a, mahni bawng leh sial te chu an hre vek a. Khalaiia mi ran, bawng te, sial te hi a lut duh khawp mai a, Changpawl-ah te, kha kha an va man a, an khua-ah chauh an tih baw si kha chuan, ni 7-ah khan an auction zel mai dawn niin a lang a. Heti pahnih hi chu han ennawn a tha em aw ka ti deuh.

Tin, nichina kan member zahawm tak rawn sawi ang chi kha chu microchip an jection hian an sial number kha a hriat theih ta a, mahni bawng number te. Khalaiiah kha chuan Animal Husbandry khan Spain siam emaw ni kan nei hman a. Hmanni-ah pawh kan ti nual a. Khatiang ang deuha tih te khan a ven ka ring a. Mahni sial kha, a control-na kha an han hmet a, a number kha a lo lang mai a. Tunhma-a Pu Manliana te hun lai anga, 'ka kel beng chu ka chep', a ti a, Pu Manliana'n, 'kei chu beng chehin ka chhinchhiah ve lo, ka'n en hian ka hre mai a ni', a ti a. Court-ah a hneh e an tih ang ni lo khan, a number kha a awm zel, beng cheh ni lova, mahni bawng number te hriat zel theihna tur kha Vety lam hian LAD te nen associate-in ti sela a zia mai ka ring a. Member zahawm tak Pu Chakma hunlaia kha kha tihchhuah tan a ni a. Chuvangin, khalam kha a chhinchhiahna atan chuan a that viau ka ring a. A thah, kan kuta thih leh, a anouncement kha khaw thenawm tih kha detail deuh a kan Minister ten hriattirna an tih hunah, bi-notification emaw, engtin emaw ti se a that ka'n ring deuh a. Kha kha ka'n sawi duh a ni.

*Speech not corrected.

SPEAKER : In sawi thiam sawt khawp mai. Pu Rinawma i lo ko ang.

DEPUTY SPEAKER : Pu Deputy Speaker, tawite in ka'n support ve ang a. A lawmawm ka ti khawp mai. Nimin lamah hmeichhia-te zalenna tur an chanvo turte, an reservation te Bill pahnih kan ti a. Vawiihah corruption control-na tur leh animal control-na tur kan

han pass leh dawn niin a lang a, a lawmawm ka ti hle a. He Animal Control Bill lo lut hi a hma-in kan lo nei a, hei hi a lo hman tlak meuh lo a lo ni a. Heta ka'n sawi ve daih duh chu, term hmasa-a Law Commission-a kan awm lai khan 144 Cr. P.C hi District Magistrate ten an puang chhen a. Ui chhuah khap nan te, ran khuahkhirh nan te. Dan kan neih rengah hian Dan kha hman mai tur a ni a. 144 Cr. P.C puanna te hi chu Dan awm lo si Law & Order control ngai si, khatiang rikrum thilah khan a ni thin a, rikrum thil, hri lengah te a ni thin a. Vai ram te angah chuan 144 Cr. P.C puan chuan mipui an phawklek a, engnge thleng an ti a. Keini hi chu quarry-a lung lak khap nan te, ui chhuah khap nan te kan puang a. Chutiang chuan Law Commission khan District hrang hrang kha engnge in puan dan, engnge a ground kan han ti a. Proxyvon khap nan te, thenkhatah chuan MLTP Act awm reng chung khan zu zawrh khap nan te pawh khan an lo puang a. Chuvang chuan, Law Commission atang khan GAD ah guideline te kha kan siam a. Tichuan, tunah hi chuan a khat deuh tawhin kan hria a. Chu chu tun nen hian a inhmeh em a. Animal control mumal tak a rawn awm dawn a. Member-te pawhin an support vek a. Ama'rawhchu, an ngaih mawh kha, chhangtu tur chu ka ni lo naa, ka lo hmuh ve chhun chhunah V/C kutah thi ta sela tih ang chi emaw, a mantu te khan an manna kawngah thi ta se, kha kha mawh an phur lovang tih kha, member zahawm tak Pu T. Sangkunga khan a rawn hlauthawng ve leh a. Ama'rawhchu, khatianga lo tihlum ang kha chu pawh khawih ang khan compensate emaw a Dan dang khan a claim leh theih tho a. Hei chu ran kha khatianga kawtlaia an lo tlat tir mai mai kha lo man se, lo thi ta se, kha kha a neitu in an lakah engmah chawi tir theih a nei lo tihte kha a ni a. Tin, Pu Piana'n luhlul chhuah tlat te an awm thei a a tih kha a dik khawp a, fine te pawh pe duh lo. Kha kha chu Section 10-ah hian 2-ah hian V/C ten an lilam sak daih thei a ni. Khatianga fine pawh a pek duh lo va, an lo chawm man pawh a pek duh loh chuan tih te kha Bill support pahin a chhang tur ka ni lo na a ka'n sawilang ve a ni a. Ka lawm e.

SPEAKER : Sawi duh kan awm tawh lo niin a lang a. Kan House Leader-in sawi duh a neih chuan han sawi sela.

Pu LAL THANHAWLA, CHIEF MINISTER : Pu Speaker, hun min pek takah chuan tawite ka'n sawi ang a. Engtia tih tur nge tih chu ka hre hran lova. Kan member zahawm takte han sawi atang khan ka lo chhinchhiah ve chu member zahawm tak Pu Lalrinawma rawn sawi insual tir tih hi, naupang te te te pawhin in bet nan an hmang leh nghal a. Anmahni ran kha a khawngaihthlak tih bakah khan gambling tel kha sorkar ang pawhin kan ngaimawh tel tur niin ka hria a. Chuvangin, a Rules-ah nge engtingge kan tih dawn chu ka hre lova. Ka hrethiam ve lova, mithiam zawk ten an hria ang a. Ran mah nise, lungngai thei, chau thei, thi thei an ni a. South-ah

khuan bawng insual tirte an ching a, khap duhtu an tam a ni. A hmuhawmna chinte pawh a awm a. Engemaw ti kawng te pawhin an ti tak na-in, tunah chuan khap duh an tam tawh a ni. Society ang pawhin an inhnial nasa a. Chutiangin, insual tir pawh hi a khapna Dan hi Rules atangin emaw, engemaw tin rawn take care-tu awm se tha kan tih tlan chuan tha-in ka hria a. Engpawh nise, thil tha a ni lova. Vawiin-ah a tlang dawn leh dawn loh chu ka hre lova. Mahse, ran hah hnepa thi thei deuhthaw khawpa insual tirte hi hmuhawm titu-te pawh hi an rawngin ka hria a. Chuvangin, a tha ka ti lova. Tin, gambling atan an hmang kher leh nghal a. Hei hi chu society ang pawhin kan khap turah ka ngai a ni.

Tin, V/C kuta thi chu Deputy Speaker zahawm takin a rawn sawifiah tawh a, Dan awm sa a ni a. Tin, ui seh tih hi state tam takah chuan crime ang deuhin an kalpui tawh e an ti a. Han sawi vak tur ka hrelo nain ka ui in mi a seh khan liable to prosecute tur nge chu ka hre lo va. Mahse, eng eng emaw fine chu a awm chiang khawp niin ka hria a, kan zir chiang leh ang a. Chuvangin, hei hi tih ngei chi ah ka ngai a, a ui an va jection-a, a uia kha a a tak tak a nih chuan member pakhat tu ber nge ka hre ta lova, chu chuan ui hi chiu vek ni se a tih te pawh kha tihmakmawhah ngaih tur niin ka hria a. Ui hi mihringte thian tha ber a ni a. Kan Minister zahawm tak introduce tu pawh khan thenkhat chuan an bualfai a an mutpui a ti a. Chutiang chuan tunah tak chuan S. Korean ho ai pawhin kan ei nasa mai awm mang e aw ka ti a. Chutiang thleng chuan a sa kha a eitu ai pawhin a hrisel turah ka ngai a, ui a seh a hlauhawm an tih si chuan a ei duh tu tan pawh khan chiu hrim hrim kha a tha ka ti a. Tin, member zahawm tak Pu Lalrinawma bawk niin ka hria a, kan chhungkua 3 min seh tawh ti kha thiam lohna kan nei lova, ui kha a thiam lo hrim hrim a ni. Tichuan, a neitute kan thiamlo va. Chuvangin, a senso zawng zawng kha chu an pe ngei ngei turah kei chu ka ngai a. Tin, ui hi khuahkhirh an tul a, member zahawm tak Pu T.T. Zothansanga sawi kha a dik a, ui ek avang hian intihbuai palh pawh hlauhawm tak a ni. Tin, keini vengah saw chuan an khap nain zingah ek tir tura va kai chhuakte an awm a, khang kha an paih leh tawh si lova. Chuvang chuan vantlang tan chuan nuisance a ni a. Hengte pawh hi khuahkhirhna dan awm se a dikin ka ring a. A rimchhiat bakah a backward hrim hrim. Chung te chu tuna kan hotu zahawm tak takte sawi atang khan ka ngaih pawimawh zualte an ni a. Chutih loh vah chuan a Dan a hi chu a tha tlangpui a, tin, kan mamawh takzet a ni.

Tin, tun hma khan an sawi thin a, Sap ho lo zin thinte khan Antam huan kan nei a kan hung tlat mai thin hi 'a che theilo hung tlat a a che thei ho hung nachang hre silo'

te min ti thin a ni min ti a. Chutiang chuan vawiinah ran hrim hrim khuah khirh dan a rawn pulut hi a tha ka ti a. Tin, Khang ang te te kha a tello a nih chuan tih that a tulin ka hria a.

Tin, Speaker zahawm tak zawhna kha tuman an la chhang lova, a hria chuan chhang sela, ar hi animal a ni em tih kha pawimawh hlein ka hria a. Speaker zawhna meuh kha chu tu emaw chuan chhan atan a tha ka ti.

SPEAKER : Awle, tunah chuan Bill neitu kan Minister zahawm tak Pu P.C. Lalthanliana kan sawm ang a, ani hian sawifiah ngaite sawifiah se pass rawn dil tawh mai se la.

Pu P.C. LALTHANLIANA, MINISTER : Pu Speaker kan Bill, “The Mizoram Animal (Control & Taxation) Bill, 2014” member tena sawi miah lova tha min tih pui tam tak in awm a. Sawia tha min tih pui tam tak in awm bawk a, a lawmawm ka ti a. Kan Speaker zahawm takin ar hi animal a ni em a tih kha chu, ar hi animal a ni ka ti lova. Amaherawhchu, a Act hian ar hi animal a ti a ni. Animal tih kha a rawn hrilhfiyah a, act-ah hian vulh atana ran kan neih te hi animal tih hian a huam ang tih ah definition-ah khan a awm a. Chuvangin, he danah hi chuan ar hi animal a ni tih kha a fiah maiin ka hria a.

Tichuan Pu Speaker, ran khuahkhirhna dan kha kan Bill a kha a ni ber mai a. A khuahkhirna Dan kha nichin khan a kilh kelhin ka rawn sawi hran lova. Section 4-ah khan ar leh vawk chu khung ngei ngei tur a ni. Kel chu hruia thlungin emaw a tlatna hmun siam tur a ni a, thlah tur a ni. Tin, cattle kan tih ang chi zawng zawng bawng te, sial te kha V/C in graxing ground a siamah tlat tir a enkawl tur a ni. Tin, chumi lo zawng ran dang kan tih ui kan tih ang chi ran dang reng reng kha chu a khung a khung tur a ni tiin Section 4-ah hian a rawn sawi a ni.

Tin, ui hi a mal taka ui tia sawi a awm hran lova, state dang te pawhin dan an siamah hian kan hotuten an han zir chian in ui hi an tilang hran lova. Amaherawhchu, nichina ka sawi ang khan Animal tih hrilhfiyahna dan hian mihringin ran kan vulh a kha a rawn sawi tawp mai a ni.

Pu Rinawma a enkawltu lamin a enkawl that lohna lam leh khatiang lam a kha thil awm thei a ni a. Section 17-ah khan ran enkawltuin a enkawl that loh chuan amah kha

hrem theihna leh V/C ten ₹ 500 thleng pawha chawi tir theihna te kha a rawn sawi tel ve leh zel a.

Pu Speaker, vawiinah hian kan Zoram thingtlang in tlem zawk, thingtlang tak tak anga kan ngaih deuh thinah te pawh tunlaih chuan ran khuahkhirh hi an uar a. Khawtlang thianghlim an duh tawh a. He Dan hi a lo awm chuan kan tangkaipui hlein ka ring a. Kan mamawh pawh niin ka hria a.

Amaherawhchu, chuti chungin kan House Leader zahawm takin a sawi ang khan duh ang tawka famkim a ni lova. Duhthusam pawh a ni vek lo vang tih a rinawm a. Kan officer te, department lama kan hotuten uluk taka an siam a ni a. Vawiina member zahawm tak tak ten kan sawi atang leh Rules lam atanga kan tih theih awm te a awm a nih pawhin khatiang te lo en chungin leh tlema han bihchiana correction tih ngai patent error siam that ngai te pawh min phalsak chungin vawiinah hian he ka Bill ‘The Mizoram Animal (Control &Taxation) Bill, 2014’ hi min pass pui turin he House zahawm tak hi ka’n sawm a ni.

SPEAKER : Awle, ‘The Mizoram Animal (Control &Taxation) Bill, 2014’ chu Minister zahawm takin he House pass pui turin min sawm a. Pass duh zawngin “Remti” ti rawh u le. (Member : Remti)

Remti lo kan awm em?

Remti lo kan awm lova. Tichuan, ‘The Mizoram Animal (Control &Taxation) Bill, 2014’ chu he House hian lungrual takin a pass a ni.

Pu P.C. LALTHANLIANA, MINISTER : Pu Speaker, ka lawm e.

SPEAKER : Hemi zawhah hian thingpui kha kan han lumsak leh che u a, a hmeh nen. A thei thei chuan khawngaihinh thingpui kha min insak ula, kan sawm che u a ni.

Tichuan, kan chawl rih ang a. Naktuk Friday zing dar 10:30 ah hetah kan kalkhawm leh dawn nia.

Sitting is adjourned. (4:25 PM)